

HAZ.

18

BIBLIOTECA NAZ.  
Vittorio Emanuele III


L

C

51

NAPOLI

7  
C  
15







V I T A  
CAROLI BORROMEI  
CARD. S. PRAXEDIS  
ARCHIEPISCOPI MEDIOLANI

ITEM OPUSCULA DUO  
*Episcopus & Cardinalis*  
AB AVGVSTINO CARD. VERONÆ  
CONSCRIPTA.



VERONÆ,  
*Apud Hieronymum Discipulum.*  
M D LXXXVI.

# TYPOGRAPHVS LECTORI.



*Cum* primum Verone nuntiatum est Illustrissimum Card. & Episcopum nostrum vitam & sanctissimas actiones Caroli Borromei Card. Sanctæ Prædixis piæ memoriæ Archiepiscopi Mediolani, superioribus mensibus, Roma conscripsisse, mira quædam cupiditas legendi hunc librum Veronenses nostros cepit. qui liber & si Romæ opera & cura Siluij Antoniani viri admodum eruditi parari diceretur, nihilominus maiorem in modum desiderium hoc omnium animis accendebatur, quod non nisi aliquo temporis intervallo facultatem huius lectionis haberi posse dubitabatur. ego vero qui bonis omnibus operam meam nauare institui, indeq; iustum admodum Veronensium desiderium proficisci videbam, quod liber à Card. & Episcopo suo de vita Cardinalis Borromei scriptus esset, cuius pia beneficia populus Veronensis coleret, à quo sapius, cum Veronam ei accedere contigisset, illustres paternæ beneuolentiæ significationes acceperat, dum e loco superiori, sacris concionibus præcipuo quodam amore animos, in quos mirifice influxerat, enutrit; multaq; alia charitatis argumenta daret; ut expositum honestissimum cupiditati satisfacerem, maturandam editionem meam statui. Accipe igitur benigne lector librum tibi pluribus rationibus apprime futurum vtilem. cui adiunximus duo opuscula, Episcopum scilicet & Cardinalem, ab eodem authore conscripta, in quibus officia & instituta ad tantas dignitates pertinentia; vsus vero & tractationem eorum in eadem vita Borromei simul intueri poteris. Vale.



# ANDREAE BATHOREO

DIACONO CARD. AMPLISS.

*Siluius Antonianus S. D.*



**D**MIRabilem Dei providentiam in Ecclesia gubernanda, quam suo sibi sanguine acquisivit, operæ pretium est, ut arbitror, Andrea Cardinalis Ampliss. interdum contemplari attentius, nam cum à Principe Mundi huius, & filijs tenebrarum, multis dolis, & machinis, sed duplici in primis armorum genere vehementissime oppugnetur, falsa nimirum doctrina, & flagitiosa vita; regione milites suos fortissimos omni tempore excitat Deus catholicæ veritatis propugnatores, sanctimonix magistros, non illius fucatæ & adumbratæ, sed veræ ac solidæ; qui diuina gratia instructi verbo, & exemplo pro Dei domo pugnant, & pro Ciuitate sancta Hierusalem aduersus agmina Babilonis. Hinc Martyrum inuictissimi exercitus, hinc lectissimarum Virginum Chori, hinc sanctè, casteq; in Domino nubentium honorata coniugia, & thori immaculati, hinc laboriosæ viduarum victoriæ, hinc omnium generum, atq; ordinum triumpho, quorum iucundissima varietate, tanquam pulcherrimo amictu summi Regis sponsa conuectitur, hinc deniq; Pastores, & Doctores clarissimi, qui Ecclesiam Dei eruditione, & sanctitate illustrarunt; longum est veterum sæculorum memoriam repetere, plenæ exemplis sunt Ecclesiasticæ historiæ, omnis ætas singulari Dei dono viros tulit Apostolicos, non solum loco, officio, auctoritate, sed sanctitate,

vita integritate, innocentia. Et quanquam negandum non est primis illis nascentis Ecclesiæ temporibus spirituales agros, quibus non aquarum inductiones, sed copiosæ Spiritus Sancti primitiæ & calens adhuc martyrum sanguis fecunditatem dabant, feraciores, atque vberiores multo fuisse, & magnam, ut ita dicam, sanctorum præcipue Episcoporum segetem extulisse: tamen & in hac quoque vltima senescentis, & pene decrepiti Mundi ætate pro patribus filij nascuntur, nec desunt, nec deerunt vnquam sanctissimi Pontifices, religiosissimi Cardinales, vigilantissimi Episcopi, sub quorum pedibus Deus Sathanam conterit. Nuper, ac plane paulo ante ipsi vidimus magnum illum Dei seruum, imaginem antiquitatis, specimen temperantiæ, exemplum veteris disciplinæ, alterum nostri temporis Ambrosium, Carolum dico Borromeum Cardinalem Sanctæ Prædix, Archiepiscopum Mediolani, qui illustri genere natus, sed virtute, & pietate multo illustrior in sublimi loco Dei prouidentia collocatus, summi Pontificis sororis filius, non solum Romanæ Ecclesiæ magno fuit ornamento, nec tantum Mediolanensem Prouinciæ, finitimasque regiones suauissimo Christi odore compleuit; sed tanquam lucerna ardens, & lucens in excelso candelabro toti luxit Ecclesiæ. Huius vitam sanctissime actam, dum alij complures viri docti, & eloquentes, hoc de genere multa moliuntur (neque enim tam excellenti virtuti scriptores deesse possunt, qui illam posteritati monimentis commendent suis) interea hic Romæ per æstiuos dies vir Amplissimus Augustinus Valerius Cardinalis, & Veronæ Episcopus, primus, quod sciam, conscripsit, & doctissimo, atque integerrimo Cardinali Antonio Carafæ dicauit. Est autem breuiter scripta, sed enucleate mihi quidem, ut videtur, sic enim minuta quæque & tenuissima non persequitur, ut grandia, & grauia non prætermittat,

&


& dum summa rerum capita perstringit, nihil fere de utilitate detrahit, & dilucida breuitate, quam in omnibus suis scriptis adamauit, mirifice oblectat. Cæterum etsi Augustinus Cardinalis doloris leniendi, & illius memoriæ, quo cum coniunctissimus fuit, recolendæ causa, sibi tantum hæc scripsit, aut paucis interioribus amicis, nec ut in omnium manus peruenirent, animum facile induxit: tamen cum pro sua humanitate, & veteri erga me beneuolentia librum mihi legendum dedisset, non sum passus pios homines permultos & maxime Episcopos tam fructuosa lectione priuari, præsertim cum ipse acri iudicio, & prudentia vir Cardinalis Carafa idem sentiret, mandaret potius, nam bonum communicatione gaudet, & quanto latius patet, tanto diuinius, ac præstantius. Mitto igitur ad te Andrea Cardinalis Illustrissime impressum librum, ut quasi de tua manu in aliorum manus tradatur, fidemq; meam, quam tibi per literas superioribus diebus obstrinxeram de mittenda ad te breui tempore Caroli Cardinalis vita iam libero, & certe non sine additamento, duos enim aureolos eiusdem auctoris libellos adiunxi de Episcopo, & Cardinali, quorum alter iam Mediolani editus, alter ante annos decem conscriptus penes me asseruabatur. Id enim res ipsa postulare videbatur, nam præclaram illam Cardinalis & Episcopi formam, quam animo concepit, & eleganter delineauit Cardinalis Veronæ nostris temporibus, aut expressit Carolus, aut certe ad eam proxime accessit. Nec vero dubito hunc tibi libellum in delicijs fore, cum ob argumentum ipsum, tum etiam scriptoris nomine. Nulla tibi gratior siue ad loquendum, siue ad legendum materies, quam Carolus Cardinalis, quem summo studio coluisti, quem non alio nomine, quam parentis appellare solitus es, à quò vnici filij loco in Christo diligebaris, quem tibi potissimum vnum ad imitandum proposuisti,

posuisti, nam de libri auctore, quo cum tam multa tibi  
intercedunt amoris, & collegij vincula nihil necesse est di-  
cere, certe genus ipsum scribendi non argutum, & cala-  
mistratum, sed lacertosum, & plenum optimarum senten-  
tiarum succo, & Ecclesiastica quadam gravitate condi-  
tum, te egregium harum rerum æstimatorem facile alli-  
ciet. Vtrum vero eius etiam, à quo liber missus est ratio,  
aliquid iucunditatis aspergat, quantum ea in re spei mea  
tenuitas adimit, tantum tua benignitas addit. Singularis  
meæ in te obseruantix Cardinalis Amplissime, hoc quic-  
quid est testimonij certe extabit.

ANTONIO CARAFÆ  
CARDINALI AMPLISS.

*AUGUSTINUS CARD.*

VERONÆ.

ISTORIAM esse veritatis  
testem, nuntiam vetustatis,  
& magistram vitæ optime  
nosti. Huius qui est expers,  
semper puer censendus est.  
Nobilis historiæ pars, fructus  
potius suauissimus historiæ existimatur ille,  
qui explicatione vitæ illustrium virorum per-  
cipitur: continet enim exempla, quibus ad  
amplectendas virtutes, & ad fugienda vitia  
mortales vehementer inflammari possunt.  
Et iccirco Plutarcus, Laertius, Suetonius, qui  
vitas Romanorum, & Græcorum literarum  
monumentis consignauerunt, inter historicos  
merito numerantur; in quorum numero Aloy-  
sium Lippomanum Veronæ Episcopum, Lau-  
rentium



rentium Surium, qui res gestas Sanctorum in volumina redegerunt, iure collocauerimus, & viros de Ecclesia sancta Dei optime meritos dixerimus. Et vitam Catoli Borromei Cardinalis Sanctæ Praxedis scribere oportuit, ut posteritati, viri nostra ætate præstantissimi sanctitas testata sit, & ne debita laude vir Dei defraudaretur, multo magis ut eius exemplo, qui futuri sunt ad varias & excellentes virtutes imitandas excitarentur. Sed multum ac diu cogitavi, ne singularis amor, quo Carolum sum prosecutus, plurima etiam eius in me beneficia scriptioni meæ fidem apud aliquos essent ademptura. Verum cum meminerim sanctum Ambrosium Satyri fratris laudes duobus libris complexum esse. Bernardum itidem in homilijs, quas in Cantica Canticorum conscripsit præclara de laudibus Gerardi fratris inseruisse. Gregorium Nazianzenum patris Gregorij, Cæsarij fratris, & Gorgoniæ sororis. Item Nyssenum fratris Basilij, & Macrinæ sororis. Augustinum itidem Monicæ matris laudes conscripsisse, sic mecum interdum collocutus sum. Viri sancti, quos nominaui, tanta amoris, & sanguinis coniunctione minime retardati, parentes, fratres suos laudarunt, alij amicorum suorum,



rum, quorum virtutes sunt admirati, vitam  
 conscripserunt, vt Athanasius Antonij. Ma-  
 rini Seuerus. Bernardus Malachie. Gregorius  
 Basilij, alijq; complures, laudationibus etiam  
 mortuis debitum honorem tribuerunt, amor  
 etiam suo aliqua ratione indulserunt, cur ip-  
 se idem officium non præstem optimo viro  
 egregio Episcopo, & Cardinali Amplissimo?  
 cur me ipsum explicatione tantarum virtu-  
 tum, quas noui, & sum admiratus non re-  
 creem? cur easdem optimo Cardinali, quem  
 vnice dilexisse Carolum scio, non commemo-  
 rem? vt illa commemoratione pius Cardinalis  
 magnopere oblectetur? Scribent alij vberius,  
 latissimus est enim scribendi campus, & tam  
 excellentis virtutis non defuerunt admiratores.  
 Scribam ipse, quæ vidi, quæ audiui, quæ lon-  
 ga cum eo consuetudine mihi comperta sunt.  
 Laudationem certe non instituo, sed interdum  
 digredi aliquantum, aut alicubi diutius in-  
 sistere mihi licere arbitratus sum, tum amore  
 ipso impellente, tum etiam maxime vt mihi  
 ipse ad tot tantasq; virtutes imitandas acio-  
 res stimulos inijcerem. Tibi Antoni Cara-  
 fa Cardinalis mittēda erat hæc scriptio, qui, vt  
 paulo ante indicaui, à Borromeo amabaris  
 valde, eiq; paria in amore referebas, & mul-

tis quibus ille virtutibus insignis, eundem, quem Carolus nostro ordini splendorem afferebat, affers tu hoc tempore. Et quidem omnibus sæculis in sacro Cardinalium Collegio præstantes multi viri doctrina, & pietate floruerunt, quos commemorare, & longum, & superuacaneum esset. Hunc Borromeum (vt Pium IV. Pontificem eius auunculum omittamus) & Pij V. & Gregorij XIII. Sanctissimorum Pontificum testimonijs, varijs, & multis laudibus celebratum scimus. probatum etiam valde fuisse Sixto V. viro acri iudicio, & doctrina eximia, quem diuinitus nuper nobis datum Pontificem habemus, cuius Pontificatu Ecclesiæ Sanctæ Dei commoda omnia accessura speramus. Nec solum Pontificibus, quos nominaui, & sacro Collegio Cardinalium, sed toti orbi Christiano eiusdem Caroli virtutem admirandam extitisse magna nostri cum animi lætitia audiuius, profuturam etiam eius vitæ explicationem posteritati Deo iuuante sperauerimus.

1-10-1914. 1000 ft. 1000 ft. 1000 ft.

1-10-1914. 1000 ft. 1000 ft. 1000 ft.

1-10-1914. 1000 ft. 1000 ft. 1000 ft.


1-10-1914. 1000 ft. 1000 ft. 1000 ft.

1-10-1914. 1000 ft. 1000 ft. 1000 ft.

1-10-1914. 1000 ft. 1000 ft. 1000 ft.



# CAROLI CARDINALIS BORROMEI VITA.



*U*Æ est natura humana per-  
uersitas, ut qua imitari nos  
posse diffidimus, falsa pule-  
mus, aut debita laude defrau-  
demus. Sic Inuidia Virtu-  
tis hostis perpetua iudicium  
peruertit, & superbia vitiorum omnium ma-  
ter virtutem obscurare nititur. De illis, qui  
ex hac corporis custodia egressi sunt, posteri-  
tas recte iudicat, res ab illis egregie gesta tunc  
commemorantur libenter, quia nemo qui vi-  
uit inde vel minimam existimationis iacturã  
facere potest. Quis enim cum mortuo conten-  
dat? Quis mortuo inuideat? Quis à mortuo  
ullo in genere laudis superari moleste ferat?  
Caroli Cardinalis Borromei vitam, et mores  
explicans variarum virtutum exemplar pro-  
ponam. Nobilibus viris vera nobilitatis  
formam indicabo. Episcopis pastoralibus eius

A

vir-

virtutibus stimulus inijciatur. Cardinalibus  
 singulis exempla egregia proponentur. San-  
 ctus Bonaventura Cardinalis in Concilio Lug-  
 dunensi à Petro Tarantasio Cardinali Ostien-  
 si, qui Pontifex Maximus creatus Innocen-  
 tius V. appellatus est, fuit laudatus. Inde  
 nobis relictum exemplum est, ut Cardinales  
 illi, qui virtutum specimen reliquerunt, ad  
 eorum imitationem excitandam, qui vivunt,  
 et qui consecuturi sunt laudentur. Cum egre-  
 gia nobilitate humilitas. Cum contemptu re-  
 rum externarum animi celsitudo. Cum ma-  
 gna hilaritate castigatio corporis perpetua.  
 Sacrarum literarum studium assiduum. Cum  
 varijs, et maximis negotijs inuictus animus  
 mira humanitate temperatus. Mortis con-  
 temptus cum interiore gaudio. Charitas exi-  
 mia erga pauperes inditijs declarata plurimis  
 cum vite etiam periculo. Prædicationis stu-  
 dium meditationibus, et precibus assiduis enu-  
 tritum. Pascendarum animarum excellens  
 quædam ars. Synodorum conficiendarum do-  
 cumenta præclara. Quid moramur? Virtu-  
 tum omnium specimen nobilibus viris cuius-  
 cunque ætatis, Episcopis, & omnibus, quibus  
 anima-

*animarum cura est credita, Cardinalibus in primis affert Caroli Cardinalis vita, quæ sine ullo fuco, sine verborum lenocinijs explicanda est, ut debitus honor totius sanctitatis auctori Deo tribuatur. Ut, qui viuens adhuc fecundam pernitentem Inuidiam virtutis præstantia superauerat, prosit etiam mortuus Ecclesiæ Dei, aliqui nostrum non habeamus unde ignauiam excusemus nostram, qui tam longe à præstantissimi viri, cuius sermonibus longo tempore frui licuit, virtutibus absumus.*

*COMITVM Borromeorum familiam, Mediolani in nobilissima illa ciuitate in primis florentem ignorat nemo. Vitaliana quoque gens Patavij peruetusta est, & quidem ex utriusq; stirpis genere Caroli nostri maiores originem duxerunt. Est etiam nobilitatis laus quedam, nimirum quod est veluti stimulus ad virtutes, & deterret maxime homines, ne in illam infamiam incidant, ut à maiorum suorum virtute degenerare videantur. Pietatis Borromeæ familiæ præcipua laus fuit, et sincera religionis, cuius Carolus adhuc puer ita fuit studiosus, ut in conficiendis altaribus pueritiæ suæ tempus fere totum consumeret,*

*cum interea parentibus, et magistris obediens, & dicto obsequens valde esset. Senilis quaedam in eo apparebat prudentia, ita ut eius aequales illum venerarentur. Giberto patre viro forti, et honorato, & matre Margarita ex Medicea familia est genitus, quae Ioannis Angeli Medicei, qui postea Pius IV. Pontifex Maximus est dictus, & Joannis Iacobi Marignani Marchionis soror. In ea constans, & virilis animus fuerat, cuius exemplum in omni sua vita Carolus filius, ut strenuus Christi miles in Christiana militia, & egregius gubernator in gubernatione Ecclesiastica se ostendit: A natura huiusmodi duxerat ingenium, ut minus uelle, minus appetere quicquid uelle, quicquid appetere sibi in animum induceret. quare sibi omni studio conandum saepe dicere consueuerat, ut assuesceret uelle, quod laudabile esset, & appetere, quae sua natura appetenda sunt, sibi enim timendum ualde censebat, si à recto uirtutis tramite deflectere cœpisset, in maximas se prolapsum calamitates, quam sapientiam adulescentes utinam multi imitarentur. Ticini aliquot annos iuri civili, & canonico operam*



operam dedit. carus equalibus. senibus admirabilis. acceptus omnibus. Vigessimum tertium annum agebat, cum Ioannes Angelus eius auunculus ad Summi Pontificatus fastigium euectus est. Cum autem primum Romam uenisset, in Sacrum Cardinalium Collegium cooptatus, & Mediolanensis Archiepiscopus creatus est. Nemo enim unquam auunculus magis sororis filium quempiam non modo dilexit, sed insolito quodam honore prosecutus est, ut Pius Carolum dilexit, & honoribus varijs affectit. Profectò ita se res habet. Nihil est modestia amabilius, & nihil quidpiam humilitate sublimius explicari potest. Honores plerunque fugientes sequuntur, auide illos appetentes fugiunt. Horrabantur plurimi Carolum, ut sacerdotia pinguiora peteret, ut rei familiari, et redditibus augendis studeret, qui cum responderet se satis diuitem futurum, si Deum timeret, et si nosset uti illis, qua sua sponte pro sua benignitate eius auunculus Christi Vicarius illi donauerat. Pius animi moderationem admirabatur, & in dies magis eius in Carolum amor augebatur. Sancta Sedis Apostolica negotia precipua,

pua, & maxima Carolus tractabat egregia fide, & singulari diligentia. Principum legatos audiebat, negotiorumq; omnium summam ad Pontificem summum bis in die referebat. Neminem ipse unquam decepit, nunquam ullum pollicitationibus, & inani spe lallavit. Illa aetate florente in tanta rerum copia, blandientibus, et adulantibus quam plurimis, cum maxime transgredi posset non est transgressus. In nullam vel minimam incontinentiam suspicionem incidit, quia maxime omnium peccandi occasiones fugit. Singulas diei horas recte collocare nouit, ita ut omnium virtutum exemplar extiterit, & eius domus seminarium prestantissimorum hominum habitum sit, ex nuncupatum. Et aliqua noctis pars in optimarum literarum studijs cum doctis viris, et intimis nonnullis familiaribus ingenio prestantibus collocabatur, ut omnino otium incontinentia, & peccatorum omnium fomes tolleretur. Illa ipsa honesta oblectatione molestie, quas varia negotia coniunctas habent, condirentur; nihil temporis diurnis negotijs detrahebatur, sed somno, & quieti, quare, & noctes Vaticanas appellari placuit. Et  
ipse

ipse cum Roma apud Cardinalem Nauage-  
rium auunculum meum uiuerem eo tempore  
cuius memoria in omni vita mihi iucunda  
futura est; in eorum numero, qui optimi Car-  
dinalis familiaritate utebantur, fueram.  
Sapienti iuvene, Cardinali optimo, & Ponti-  
ficis sororis filio dignum institutum, sic vitam  
suam informare, sic tempus diuidere, ut quo-  
tidie aliquid discat, ut Inuidiam, que virtutis,  
& prosperitatis est inimica, superet, ut  
omnem maledicendi occasionem adimat. Tra-  
hebantur quæstiones quædam ciuiles, aulica  
quædam & eleganti oratione; in quibus tra-  
ctandis non minimum studium adhibebatur,  
acuebatur ingenium, facultatem dicendi unus-  
quisque sibi comparabat. Seria iocis misce-  
bantur. Ex illis qui in illum locum conuenie-  
bant Cardinales non pauci, plerique etiam  
Episcopi extiterunt. Et de utilitate capien-  
da ex libris gentilium Sanctus scribit Basti-  
lius, è quibus hac in primis potest capi utili-  
tas, ut laudabili quodam pudore suffunda-  
mur, cum nos Christiani à gentilibus aliquo  
virtutum genere superari animaduertimus.  
Contemptus rerum humanarum, & diuitia-  
rum,

rum, honorumq; despicientia quadam, virtutisq; admiranda præconia, robur in primis quoddam animi præclarum in morte contemnenda, quod Stoici in suis libris profitentur, Epictetus in primis aureolo illo suo libello, quod *Enchiridion* inscribitur, cur nos interdum non moueant? Commotum se dicebat Carolus Cardinalis lectione libelli illius, quem nominavi; & tum primum cæpisse desplicere quæ cæteri admirabantur, cum Stoicorum dogmata diligenter cæpit considerare. Tam bonus est Dominus Deus, ut rationibus varijs, nobis etiam minime notis nostris soleat consulere commodis. Verum non solum Stoicorum disciplina, quæ speciosa quidem est, sed non paucis in rebus à veritatis desleat tramite: Sed in vera philosophia, quam quicumq; Christiani sumus profiteamur, se multum profecisse ostendit cum acerbam & immaturam Federici fratris mortem aquo, & constanti animo tulit. In illo sita fuerant omnes spes suscipienda prolis, et nobilissima familia propaganda. Ad Federici vnici fratris filios non minimarum opum, multiq; splendoris hereditas pertinere videbatur. Propinquorum morte  
aliqui

aliqui affliguntur, & quodammodo mœrore  
 tabescunt. hic vnici fratris mortem aequissi-  
 mo animo tulit, omniq; mœrore abiecto se ip-  
 se colligens fratris immaturam mortem cohori-  
 tationem ad mortem perpetuò meditandam,  
 et ad cœlestem patriam quarendam diuinitus  
 sibi factam putauit. Ab eo tempore in Vati-  
 canis noctibus non quæstiones amplius è me-  
 dia philosophia sumptæ tractabantur, sed sen-  
 tentia quadam graues à sacrosanctis Euan-  
 gelys depromptæ copiose & eleganter explica-  
 bantur, Illa in primis quas Dominus noster  
 Iesus Christus de vera beatitudine sententias  
 plane grauissimas ore suo protulit. Hanc di-  
 cendi exercitationem ad hunc usum institue-  
 rat tanquam umbratilem quandam pugnam,  
 ut Mediolani, deinde ad populum promptior  
 iam atq; instructior sermonem haberet. Va-  
 let enim ad comparandam facultatem dicen-  
 di, & loquendi quandam fiduciam mirabili-  
 ter exercitatio. Valebat Carolus ingenio,  
 præstabat memoria, non tam naturæ vi, quàm  
 rerum ordine, & partitione, & quadam fa-  
 cultate omnia suis locis rectissime disponendi,  
 & hanc quidem à naturæ potius bonitate in-

B

gene-

generatam, quàm artificio comparatam, facultatem habebat. Iudicio excelebat, quod non minima virtutis est indicium. Doctorum hominum consilia in suis scriptionibus admittebat. Videbatur initio eius sermo exanguis, quòd minime audientium animos permoueret. Quod natura impedimentum, siue difficultatem, aut pronunciandi potius celeritatem longo usu dicendi maxime temperauit, ita ut in Ecclesia Mediolanensi, & in Parochialium visitatione & sepe loqueretur et expedite, & non minimo cum animarum fructu, acresq; aculeos dicendo relinqueret. Post fratris Federici obitum, elusis quorundam hominum consilijs, qui terrena solum, & carnali prudentia præditi nescio quas nuptias ad propagandam familiam somniabant, sacro presbyteratus ordine suscepto quotidie cæpit sacrificium offerre Deo; cum pijs, & doctis hominibus versari frequentius, aliquot horas singulis diebus quamuis varijs, & magnis occupationibus distentus, in optimis libris ponere. Reditus Ecclesiasticos ultro ab auunculo sibi oblatos modeste cæpit recusare, magnas opes cæpit ipse habere suspectas, quippe quæ si attre-

tentur

Elentur veluti spina confodiunt et exulcerant animam. Oeconomum esse Domini nostri Iesu Christi intellexit dispensatorem multarum opum. Magnam copiam putauit cupiditatum inopiam. Abijciendum fastum. Multis non indigere nos si sapimus. Dum autem maiori gratia, & auctoritate apud auunculum Pontificem valeret, nihil maiore studio, aut diligentia contendebat, quam ut sacrosanctum Concilium Tridentinum seruaretur. Praclarissima, & maxime salutaria decreta, quibus Ecclesiastica disciplina potissimum continetur, & spes renouanda veteris dignitatis Ecclesiae in primis nititur, seruari studebat. Nam confirmato à Pio in primo Consistorio post legatorum ad Urbem reditum, Tridentino Concilio, monuit deligendos esse qui controuersias, quae ex eius explicatione oriri possunt tollerent: institutaq; est Congregatio Cardinalium Tridentini Concilij interpretum, in qua ipse semper fuit, quae viget adhuc, quae utilitates plurimas Ecclesiae Dei attulit. Et viuente auunculo Pontifice magnis precibus ab eo impetrauit, ut sibi liceret Mediolanum ad Prouinciale Concilium celebrandum acce-



dere ; quod Concilium, conuocatis Prouincia  
Coepiscopis, cum aliquos viros optimos in Ec-  
clesiastica disciplina admodum versatos secum  
adduxisset, mira celeritate confecit, & singu-  
lo quoq; triennio nouam synodum habuit, eden-  
das etiam omnes curauit, vt suo loco aperie-  
mus. Ipse, qui paucos ante menses Episcopus  
Veronae eram factus; cum Pontificis iussu Tri-  
dentum euntem Cardinalem per totam Italiã  
Apostolicum Legatum, Defenzani ad Bena-  
cum conuenissem, & per ea loca Veronensis  
diœcesis, officij et veteris obseruantia ergo es-  
sem comitatus, diligentiam pastoris admira-  
tus, & virtutes plurimas, quibus in diem ma-  
gis proficiebat, tum primum Carolum Cardi-  
nalem Archiepiscopum Mediolani Episco-  
pis diuinitus Stimulum iniectum palam dice-  
re cœpi, & in me ipso sum expertus. Ve-  
ronam etiam eo tempore accessit cum Triden-  
to rediret, qua in Ciuitate regias fœminas  
Ferdinandi Imperatoris filias, qua Principi-  
bus Italia matrimonio iungenda erant, Pon-  
tificis iussu excepit: illos, qui Giberti optimi  
Episcopi familiaritate vsi fuerant, diligenter  
interrogauit, qua ratione gregem illum tanta  
sua



*sua cum laude pasceret, mirumq; studium pastoralis artis addiscenda prae tulit, tantamq; modestiam, aut humilitatem potius ostendit, ut à nemine non vellet discere. Redibat Romam non minimo cum animi dolore, quòd sponsam, quam praeipuo amore diligebat relinquere cogebatur, cum de gravissimo morbo, quo Pius laborabat nuntium accepisset, citatis equis magna cum celeritate ad avunculum Pontificem rediit, quem cum morti proximum conspexisset, absq; ullis lachrimis intrepido animo, vultu etiam hilari avunculum, à quo paterne fuerat dilectus, à quo honoribus plurimis, & opibus fuerat auctus, intuens. Pater sanctissime (inquit) nunc de patria illa caelesti cogitandum est. In hoc Crucifixo, cuius imaginem ipsi ostendebat, & osculandam tradiderat, spes nostrae collocandae sunt. Hic vita nostra, hic resurrectio nostra. Hic intercessor. Hic hostia pro peccatis nostris oblata. Hic neminem respuit in se credente, illum verum Deum consistentem, & in se suas spes collocantem. Dolore peccatorum commissorum, et vera poenitentia delectatur Dominus, benignus, patiens, misericors & clemens. Accipie-*

tipiebat ea et ponderabat moribundus Pontifex, & pio sororis filij obsequio incredibiliter recreabatur. Ministrauit illi sanctissima sacramenta, lectionem euangelicam letitabat. flexis genibus orare pro moriente auunculo Pontifice non desinebat. Aderat Cardinalis Sirletus, doctrina, & pietate insignis; quem Borromei monitu, & rogatu Pius, Cardinalem paulo antea fecerat. Mortem auunculi cum constanti animo tulisset Carolus, res maximas cepit cogitare. Ad creandum Pontificem in auunculi locum animum adiecit, qui Concilium Tridentinum feliciter à Pio perfectum, seruandum curaret, qui disciplinam Ecclesiasticam, quæ iam renouari ceperat ad pristinum candorem redigeret. Cumq; sine eius consensu, & illorum, quos plurimos Pius auunculus Cardinales crearat, nemo creari posset Pontifex: hoc maxime studuit, ut Reip. consuleretur Christiana. Et ne mora in creando Pontifice aliquod detrimentum Christiano populo afferret, nulla priuatarum rerum suarum ratione habita, non enim satis fauisse Pius Cardinali Alexandrino dicebatur eundem Michaellem Cardinalem Alexandrinum,

num, qui postea Pius V. nominari voluit creandum Pontificem censuit, illiq. fauit, qui suo in Pontificatu non Concilium tantum Tridentinum curauit seruandum, sed decretis quàm plurimis Ecclesiam sanctam Dei instruxit et ornauit. Precipuum Cardinalis munus est in creando Pontifice maximam adhibere diligentiam; nulla commodorum suorum ratione habita, cum deligere Pontificem, quem Christiano populo magis profuturum arbitretur, qui minime omnium ad tantum fastigium aspi- ret. qui crucem Pontificatum existimet. qui vite sanctimonia, et assiduis precibus, frequentibusq. sacrificijs cum Deo, cuius vices Romanus Pontifex gerit in terris, familiaritatem aliquam quatenus humana natura patitur, habeat. Contemptis rebus humanis in Dei gloriam primis habeat propositam. Virum hisce moribus; et perpetua, et Ange- lica quadam castimonia præditum successorem auunculo declarandum existimauit. quo Cardinalis optimi et sacri Collegij sapientissimo iudicio utilitates variae, et maxime ad Ecclesiam Dei redundarunt. Nam Pio V. Pontifice iustitia viguit maxime, Ecclesiasti-

*ca disciplina renouata est. Virtuti honores magni tributi. Principes Christiani debita veneratione Christi Vicarium prosecuti sunt. Singulari Dei beneficio Victoria illa aduersus Turcas, fœdere iusto, consecuta est. quæ non esse insuperabilem Turcam ostendit, si adsit præclararum rerum perficiendarum mater Concordia, quæ nisi consecuta esset, lucuosum esset cogitare quo in statu Christianorum res essent. Creato Pio V. Pontifice, Mediolanum cogitare cœpit, quia sponsæ diutius desiderium ferre non poterat. quia illum, qui seruandum Tridentinum Concilium studuerat, id admodum decere intellexerat, cuius opera quamuis Pius vti magnopere cupiuisset, rogassetq; illum, ut Roma maneret aliquot menses, ut sibi partem adimeret sollicitudinis in plurimis & maximis negotijs, quibus occupabatur, Concilij Tridentini decreto, & plurimis alijs rationibus se excusans, relicto Pontifici sui desiderio Mediolanum profectus est. Abbatiam Cornu, quam dicunt agri Placentini sane uberem in manibus Pontificis resignauit, nonnullasq; alias eruditæ, & pijs hominibus, quorum opera fuerat usus, auctoritate Pontificis*

tificis petita cessit. Neque ita multo post  
Maioris Pœnitentiarij munere, quod am-  
plum Roma, & perhonorificum est, se sponte  
abdicavit. Mirum fuit hoc seculo valde  
cupido tot redditus Ecclesiasticos sponte cedere,  
opes, quas alij quarunt, & admirantur con-  
temnere. In Cardinalatu moderationem,  
Ecclesiasticam splendori præferre, et opulentia  
invidiosam illam copiam, & periculosam di-  
cebat. In beneficijs singulis Ecclesiasticis  
quamvis simplicia esse dicantur, coniunctam  
esse curam non minimam cultus Ecclesiastici  
retinendi, & augendi censebat. Mediola-  
num profectus colligendorum hominum in sua  
diœcesi valde anxium, & in illis retinendis,  
et fouendis ad usum Ecclesiæ suæ Mediola-  
nensis tenacem admodum extitisse iure dixe-  
rim. Nam ex Veronensi diœcesi Nicolaum  
Ormanetum ex vetere Giberti Episcopi di-  
sciplina, qui postea Episcopus Patavinus fuit,  
& alios nonnullos ad se vocavit. Cumq; sin-  
gulis annis diœcesanos synodos celebrasset, &  
tertio quoq; anno, ut dictum est, Prouinciale  
Concilium, Ecclesiæ suam sanctissimis insti-  
tutis ornauit, & auxit. Collegium societatis  
C Iesu.

Iesu, domum itidem ex Patrum illorum,  
præscripto Mediolani instituit, Patrumq; il-  
lorum opera, & consilio plurimis in rebus est  
usus. Abbatiam quandam Arone, quod  
castrum insigne ad nobilissimam Borromeorū  
familiam pertinet, à qua eandem institutam,  
& dotatam fuisse verissimile est, & quæ diu  
in eadem domo permanserat, cuius titulus ipsi  
commendatus fuerat, auctoritate Gregorij Pon-  
tificis, consanguineis probantibus Collegio Ie-  
suitarum unicendam curavit, ut eius pietatis  
tota Borromea familia, & illi qui futuri sunt  
essent participes. Non quærit charitas quæ  
sua sunt. Communem utilitatem spectat.  
publica commoda privatis cōmodis anteponit.  
Et pijs operibus instituendis Carolus diligen-  
tiam maximam adhibebat. & Clerici regula-  
res, à Ioanne Petro Archiepiscopo Theatino  
instituti, qui postea Paulus III. Pontifex fuit,  
Mediolanum vocati, homines innocentissimi,  
& in omni Ecclesia cultu, & decore domus  
Dei diligentissimi. In partiendis autem Ec-  
clesiasticis muneribus mirum fuit quantum  
iudicium, quantamq; diligentiam adhibebat,  
ita ut quàm plurimorum hominum opera eo-  
dem

dem tempore vteretur, tantaq; modestia, tantaq; cum animi tranquillitate onera impartiri consueuerat, ut se beatum putaret is, cui aliquid ipse imperaret. Iubere enim Spiritum Sanctum unusquisq; sibi persuadebat, quæ Carolus facienda familiaribus, & amicis suis proponebat. cuius rei ipse sum testis. Nam cum Mediolanum accessissem Verona Episcopus, ut tanti Archiepiscopi exemplo, eiusq; optimis praeceptis redirem instructior, indicauit mihi se cupere, ut onus scribendi Rhetoricam Ecclesiasticam susciperem. Tantam prouinciam suscepi, existimans me non ei, sed Deo ipsi parere, quo cum ipse in assidua lectione sacrorum librorum, & frequentibus colloquijs, sacrificijs in primis quotidianis versabatur semper. Et quanquam mihi opus difficile, admodum videbatur, negare quicquam sancto viro molestum admodum mihi erat. Et opus scripsi breuiore spatio temporis quam unquam credidissem, liberè etiam affirmauerim, & in omni uita mea affirmaturus sum, excitatorem me habuisse neminem acriorem; qui uehementiores mihi stimulos adijceret ad labores omnes perferendos, et ad disciplinam



*Ecclesiasticam capeſſendam. Vere illud de  
eo dici poterat. Super ſenes intellexit, quia  
mandata tua quaſiuit. Seniores enim nos Epi-  
ſcopi ab illo praecepta accipiebamus, eius mo-  
nita non ſequi turpe indicabamus. Et ipſe  
monendi munus non intermittebat, ſed tantam  
in monendo modeſtiam, et humilitatem adhi-  
bere conſueuerat, ut interrogationibus quibus-  
dam adhibitis, quaſi Epiſcopos in conſilium  
accerſeret, ſalutaria conſilia ad lucrandas  
animas Chriſto proponeret. Nemo Cardi-  
nalis maiore in honore habuit Epiſcopos, quàm  
Borromeus. Nulla ſchola noſtra & patrum  
etate tam celebris fuit, quàm Borromei do-  
mus. Nemo alacrius hoſpites accipiebat.  
Nemo plura beneuolentia, charitatis potius in-  
ditia ſingulis dabat. Ipſi arcana cordis libe-  
re quiſq; poterat credere. Ab illo deceptus  
fuit nemo. Linguam maxime omnium cuſto-  
diuit ſuam, ut ne verbo quidem quenquam  
vnum falleret. Et maxime omnium di-  
cendi exercitatione delectatus eſt. Et ad po-  
pulum habuit ſermones multos, & crebros, ad  
illamq; dicendi exercitationem, ad paternosq;  
ſermones ad populos habendas, Epiſcopos, qui  
ad*



ad illum accedebant, hortabatur. Lactematri-  
tris nutriuntur feliciter filij, quàm lacte nutri-  
cis, quamvis illa sit robustior. Et in paternis  
sermonibus inest admirabilis quadam vis, qua  
commonentur populi ad virtutes amandas, et  
ad vitia fugienda. Predicandi studio dedi-  
tos, & incredibiliter delectatos pro Pastoralis  
eorum munere obeundo sanctissimos Patres le-  
gimus; & qui aliter sentiunt, & piùm homi-  
nem, optimumq; Pastorem interdum non lau-  
darunt, quia predicandi studio maxime de-  
lectaretur, parum pie fecerunt, & Spiritui  
sancto, qui in Concilio Tridentino illa verba  
inseruit, Præcipuum esse munus Episcopi po-  
pulum docere, visi sunt restitisse: inertes quo-  
dammodo Pastores adulterina illa sua pruden-  
tia efficiebant, illosq; liberali, & maxima vo-  
luptate priuabant, quanquam enim catholici  
populi multos pedagogos habeant religiosos vi-  
ros doctrina varia, et facundia etiam instru-  
ctos, non multi sunt tamen ( ut Apostolicis  
verbis utamur ) Christiani populi Patres.  
Unus est omnium Pater Romanus Pontifex,  
eiusq; in sollicitudinis partem dati Episcopi.  
Et ut nemo filius in Patre requirit eloquen-  
tiam,

tiam, illumq; damnat quod minus ornate illum moneat; sic paternos, et pastorales sermones nullus populus non libenter accipit, si paterna ille voces, quæ proferuntur, operibus etiam comprobentur. Sed profectò varios, et reconditos è Prophetis, & ex libris sacris excerptos locos, quos Borromeus tractare consueverat, & eruditi etiam homines non probare non potuerunt, & Pastoris industriam, & assiduum quod adhibebat Studium in perlegendis sacris libris non poterant non valde laudare. Instituerat optimus temporis dispensator inertia inimicus acerrimus, & rerum laudabilium perpetuus excogitator, ut singulis diebus in oratorio, quod adificandum curauerat in adibus Episcopalibus, postquam cœnatum esset litania dicerentur, deinde sermones aliquot fierent, aut explicaretur pars aliqua Euangelij, aut sententia ex sancti Pauli Apostoli epistolis sumpta copiose exponeretur, ipse omnium postremus dicere aliquid sæpe consueverat. quod in oratorium conuenire soliti erant non familiares tantum Cardinalis, sed p̃j omnes qui p̃js sermonibus delectabantur. Et illo in oratorio epistolas, quæ præscripto sancta  
Ma-

*Matris Ecclesie singulis diebus Dominicis, & diebus festis recitantur explicauit. Sic pastorales labores sacrarum literarum studio, et predicatione verbi Dei condiebat. Lectione sacra orationem alebat, qua sic cum Deo iungebatur, ut Angelicam indueret naturam. Et ieiunijs, & varijs corporis castigationibus tyrannidem corporis comprimebat, seruum potius corpus effecerat, ita ut interdum pijs exercitationibus deditus, synodos celebrans, parochias Mediolani, aut in latissima illa diocesi visitans ac si esset incorporeus. quadraginta etiam horas sine cibo varia, et magna negotia tractabat, nec alicui interea corporis necessitati vacabat. quo tempore non deerant qui illum reprehenderent. reprehensiones autem ipse bilari vultu excipiebat, & subridens dicere consueuerat. Vnius hora in extremo iudicii die reddendam esse rationem pastoribus Ecclesiarum multo diligentiore, quam illis quibus nulla cura animarum commissa est, unius diei. postulari ab Episcopis, & a Parochis, qui aliqua ratione, & ipsi Episcopi nuncupari possunt, ut plura hora una ad Dei gloriam, & ad propagandam veram pietatem verbo*

*&*

et exemplo gerantur, quàm die uno à cateris hominibus. Quae verba meo in animo utinam insculpantur, & illorum hominum, qui in pastoralis munere valde formidando versantur. Et exactor temporis egregius, & vir desideriorum sanctorum, et documentorum plurimorum ad disciplinam Ecclesiasticam augendam perpetuus inuentor erat Carolus. Cardinalis, qui cum maxime gauderet fieri discipulus, ab omnibus enim religiosis viris, hominibus etià Ecclesiasticis interrogationibus varijs quotidie fieri doctior, & in arte pascendarum animarum fieri instructior studebat, docebat tamen ipse magis omnes. Episcopos, & omnes clericos perpetua vultus serenitate, admirandaq; quadam equanimitate, custodia oris perpetua, ut ne verbum quidem otiosum proferre soleret. docebat sic humilitatem, modestiam. pallore quodam vultus venerando ad continentiam, ac sobrietatem omnes excitabat. Et excelsi animi, & praestantis cuiusdam fortitudinis specimen dedit in tuenda iurisdictione Ecclesiastica, cum causas, quae ad ipsum pertinerent, doctorum, & piorum virorum consilio cognoscere omnino statuerit. Et potentium  
minus

minas non extimuit, quin potius pro dignitate Ecclesiastica tuenda, illos anathemate non deterruit solum, sed perculit, ut discerent (quemadmodum dicebat) parere Ecclesie, & ministris Dei debitum honorem adhibere. Et fuerunt eo tempore qui sanctissimi hominis humana omnia contemnentes, non solum illam animi constantiam non laudarent, sed eius consilium ualde improbarent, quod nimis uellet quod uelle uideretur. quod Regem potentissimum tot regnorum Dominum, catholica fidei defensorem acerrimum inusitata hoc seculo seueritate irritaret. Et Pium V. Pontificem Maximum, Philippum eximio amore, honoribus etiam magnis prosequentem huiusmodi anathematibus in Regis Catholici ministros, & in Mediolanensem senatum aliqua ratione turbaret. Sed gloriam unam Dei ante oculos habebat propositam, & nihil quicquam magnum sine Pij V. Pontificis, & Gregorij XIII. quos magna ueneratione prosequeretur, consilio, aggressus unquam est facere. Sanctorum exemplis mirum in modum delectabatur. Eorum res praeclare gestas imitari studebat maxime. Thoma Can-

D

tua-

tuariensis, et Ambrosij admirabilem constan-  
tiam in defendenda Ecclesiastica iurisdic-  
tione imitatus, varias multorum voces, quibus  
interdum vir optimus lacerabatur, non audie-  
bat. beatum potius se putabat cum maledice-  
rent illi homines, cum illum inexorabilem, et  
parum cautum, rebus suis, suorumq; commo-  
dis minime consulentem, nominarent. Ad  
illum acceperunt consanguinei in eadem, qua  
ipse natus, Borromeorum familia, rogauerunt  
Cardinalem per illum ipsum Deum, qui eorum  
familiam diuitijs, et splendoris titulis orna-  
uit, ne ad iracundiam insolita sua feneritate  
Philippum Regem, in cuius potestate Medio-  
lanenses sunt, prouocet. Secundum Deum,  
respondit. Philippo se debere omnia. illum ca-  
tholicum et de Christiana Repub. optime me-  
ritum Regem agnoscere, et debitis honoribus  
prosequi. Scire Philippum minime probare,  
qua nonnulli eius nomine tanta diligentia cu-  
rant. Regis Regum Christi iussa in animo  
impressa habere. A Deo ipsi commissum  
esse animarum curam. In partem sollicitu-  
dinis Ecclesie sponsae suae à Iesu Christo per  
eius Vicarium Romanum Pontificem esse

voca-

vocatum. Muneris sui obliuisci non posse illos qui pro Rege Philippo Mediolani imperant presidia Aronam mitterent, facerent quod sibi magis placeret, se velle magis parere Deo, quam hominibus. His verbis, & alijs magna cum animi lenitate consanguineos suos in officio continebat, ita ut nec illi contradicere amplius auderent, et hac animi magnitudo, & rerum externarum contemptus magnam ipsi augebant auctoritatem; peruersumq; morem huius seculi mirum in modum damnabat, qui increbuit, ut Pastores nonnulli turpiter adulentur Regibus & Principibus, neq; ad Dei prescriptum, sed ad hominum gratiam se accommodent non minimo cum piorum hominum dolore. Et eandem animi fortitudinem praefetulerat Cardinalis, cum pro iure suo tuendo Canonicos Scalenses visitandos, inuitos etiam statuerit: quo in munere tractando periculo etiam mortis se exposuisse visus est. Vitam hanc plenam erumnis, varijs periculis expositam. Lachrimabile exilium, molestam peregrinationem cur tanti faceret vir sapiens? cur tantopere amemus mortales, ministri in primis Dei Episcopi, ut

-impol

D 2

vitia



vitia extirpare negligamus. indulgentes sumus, ut nostra indulgentia, qua disciplina nouerca est, gregem Christi perdamus? Et inciderat (ut dixi) in dies magis ob admirabilem animi constantiam, & mortis contemptum Cardinalis Amplissimus in plurimorum maledicentias, res Ecclesiasticas carnalis prudentia regulis diffiniendum. Sed profecto non bona magistra est mortalium multitudo; & illi qui prudentiores habentur, & fallunt, & falluntur sepiissime. Studium visitandi parochiales Ecclesias crescebat in dies magis. plurimarum virtutum Cardinalis exempla dabat, peccandi occasionem quanta maxima poterat diligentia fugiebat ipse, & adimebat ceteris. Sic chorum instruxerat, ut nihil oculis omnium illustrius conspici posset. Diuina officia. Hora canonica tanta cum diligentia persoluebantur, ut nihil accuratius institui, aut obseruari potuerit, & sapienter ut omnia. Nam Propheta illud animo volutabat. Maledictus qui opus Dei facit negligenter. cum tanta sit Dei bonitas, ut nos miseros, exules, rebelles potius, qui eius perennem hostem Sathanam, perniciofa nobis consilia suggerentem, sequi.

sequimur: si male acta vita nos pœniteat ad colloquium admittat; quanta est stultitia recusare colloquia cum Deo, à quo bona omnia proficiuntur, non orare, cordis euagationibus, peccatis varijs contaminari, preces inutiliter fundere, rebus omnibus egentes, mendicos auxilium à Deo cœli; & terra Domino non implorare; aut si aliquid consuetudine quadam coacti et pudore suffusi consueuimus petere, tanquam aliud agentes, oscitantes potius, quod non minima imprudentia indicium est petere. Et in struenda Ecclesiastica disciplina laudabilem quandam seueritatem adhibuit; ut de ea interdum aliqui canonici queri consueuerit; integri enim dies festi in concionibus audiendis, in processionibus varijs in Ecclesia consumeantur. Nihil apparatus Ecclesiastico ornatijs, aut magnificentius. In concionatoribus deligendis mirum studium adhibebat. Ipse concionatoris munere pater, no quodam dicendi genereungebatur, & interdum bis in die sermonem habebat. Nimiam illam diligentiam aliqui nominabant. At in Carolo Archiepiscopo, ut varia, et prae-  
stantes virtutes fuerunt, ita hac in primis  
-irrd-  
pre-

præstitit, quòd curiosorum hominum, ne dicam  
vanorum, qui aulici immeritò nuncupari so-  
lent, vuculas contempsit. Non quid plurimi  
de se dicerent, sed quid ab ipso faciendum es-  
set, ut diuina legi obtemperaret, studebat.  
Et baccanalibus diebus præclarissimam inue-  
nerat rationem, qua populus desineret insani-  
re. Nam diebus festis hymni in Ecclesia  
canebantur. Musica tota plebs recreabatur.  
cunctis quibusdam sermonibus breuibus, iacu-  
latoria quadam oratione mentes in cælum eri-  
gebantur. Sanctissimum Eucharistia sacra-  
mentum ministrabat ipse frequentius, eo tem-  
pore illud etiam per totam Ecclesiam manibus  
suis portare consueuerat, ita ut tunc maxime  
aduersus Sathanam eo tempore pugnaretur.  
Huiusmodi erant sancti Chrysostomi, et vete-  
rum Episcoporum pij, & laudabiles conatus.  
Nam, ut est militia tota vita hominis, ita  
prestantior, & illustrior est militia vita Epi-  
scopi, cum singulis momentis ipsi pugnandum  
sit aduersus Sathanam, Mundum, et carnem,  
sectatoresq; Sathane, filios huius sæculi, &  
prudentia carnis abundantes, quorum infini-  
tus est numerus. Quam pugnam, ut strenuas  
Chri-

Christi miles, inibat Carolus, atque in pugna  
semper apparebat alacrior. Et in grauiori-  
bus negotijs piorum hominum consilium adhi-  
bebat. Congregationes non paucas prudentum,  
et religiosorum hominum instituerat, quorum  
iudicio nobilissimam illam Ecclesiam guberna-  
bat, et Mediolanensis populi commodis consu-  
lebat, ita ut omnium generum miseris homini-  
bus succurreret, peccata exterminari conare-  
tur, occasiones etiam peccandi auferret. Ve-  
rum cum nulla possit excogitari maior mise-  
ria, quam Christiana disciplina ignorantia.  
Scholas quam plurimas, quibus separatim pue-  
ri a puellis in Christiana doctrina rudimentis  
informarentur, instituit, quas ipse frequenta-  
re consueuerat: in quibus sepe paternos ser-  
mões habebat. Centum et viginti scholas  
puerorum circiter, itidem centum puellarum  
diebus festis frequentabantur. Quidam è ple-  
be p̃ij homines, eleganti, et pia metaphora  
sumpta ab Apostolis, piscatores nominaban-  
tur, qui pueros ad sanctam, et salutarem  
illam disciplinam quodammodo impelleret, et  
uarijs saculi, et iuuenilis atatis fluctibus agi-  
tatos, spirituali piscatione caperent, et ad sa-  
lutis

lutis portum redigere conarentur. Et p̄ ho-  
mines quā plurimi, aliqui liberali mercatu-  
ra dediti, nonnulli etiam nobili genere orti,  
nobilissimam artem instituendi pueros in Chri-  
stiana doctrina diebus festis exercebant. Sin-  
gulis scholis p̄fectos constituebat. feminas  
etiam pietate p̄stantes matronas nobilissimas  
ad rudimenta Christiana docenda ex eius p̄-  
scripto p̄s libellis excitare non desinebat,  
tantusq; ordo in re tam p̄clara, & tam sa-  
lutari est adhibitus, ut Spiritu Sancto Ma-  
gistro Mediolani singulis diebus in Christia-  
na pietate proficeretur magis, vocesq; Ange-  
lica diuinis laudes concinentes diebus festis  
totam exhilararent Urbem. Et ipse Caroli  
Archiepiscopi v̄sendi causa Mediolanum  
quinquies accesseram, multo magis ut ad Ve-  
ronensem gregem pascendum redirem instru-  
etior: cum eodem Cardinali in illis scholis fue-  
ram. Et nullum diem, horam potius nullam  
pratermittebat Carolus, quin de Dei gloria,  
& de Ecclesiastica disciplina excolenda, cogi-  
taret. Seminarium centum & viginti am-  
plius puerorum instituerat. ades commodas  
admodum, & honorificas edificandas illi cu-  
rauerat;

rauerat; progressus in dies maiores in literis,  
 & in Ecclesiasticis moribus fiebant. Visita-  
 bat ipse saepe clericos, paterna quadam cha-  
 ritate illos complectebatur, nominatim ad om-  
 nes labores perferendos pro honore Dei illos  
 excitabat, filios saepe appellans. Et dum ipse  
 prandebat religiosos viros imitatus, qui in  
 unum coacti, corpus suum consueverunt resi-  
 cere cibo modico, singulis diebus festis semina-  
 rij sui clericos aliquam sacrosancti Euange-  
 lij partem explicantes, & ex alto loco concio-  
 nem habentes audiebat. Jusserat etiam, ut  
 interdum latino uterentur sermone. exerci-  
 tatio illa dicendi facultatem pariebat, et clé-  
 ricos in muneris pastoralis prapcipua parte eru-  
 diebat. Sic enim Sanctus Spiritus (ut antea  
 attigimus) in Tridentino Concilio declarauit.  
 Prapcipuum munus Episcopi esse, itidem paro-  
 chorum populos docere. Et non vno Semi-  
 nario clericorum amplissimo vir Dei conten-  
 tus fuit, sed plura instituit. nam clericos adul-  
 tos, qui in literis progressus non fecerunt in  
 unum locum cogendos decreuit, ut gubernan-  
 darum animarum artem ediscerent, & me-  
 diocri Ecclesiasticarum rerum cognitione im-

E buti,



buti, in Ecclesiasticis moribus instituti ad regendas parochias idonei efficerentur. Ex huiusmodi seminario fructus uberiores ad Mediolanensem administrandam Ecclesiam redundare, quam ex seminario ipso aliquando dicere consueverat. Et collegium Papiæ, quod Borromæorum nuncupatum erexit, quod magnificis sumptibus adificandum curauit, ut in eo è Mediolanensibus, et Papiensibus ciuibus præclara in optimis disciplinis in Christiana in primis pietate educarentur. Et Heluetijs paterna cura prospexit diligentissimus Pastor. Et seminarium itidem ad nationis illius usum erexit. Nobilibus item pueris, ut parentum indulgentia, illorum itidem qui parentibus essent orbat, commodis prospiceret, mira solertia construxit, cuius exemplo deinceps alia nobilium puerorum sunt instituta collegia. Et fuit ab eodem Carolo Cardinale Oblatorum Collegium institutum Sacerdotum non paucorum, qui vouerent suo Archiepiscopo, et eius successoribus se obtemperaturos, animarum curam sine ulla cunctatione quando Archiepiscopo ita videretur, se accepturos, nulla tenuitatis parochia, aut loci difficultatis ratione



*ratione habita. Ad quod Collegium cum non  
semel Cardinalis iussu accessissem, & Episco-  
pus, & proxime etiam Cardinalis, disciplina  
Ecclesiastica, qua illo in Collegio maxime flo-  
ret, & piorum sacerdotum laudabilissimis mo-  
ribus, & eruditione varia sum incredibiliter  
delectatus. Ut paucis dicamus. Nulli homi-  
num generi, nulli sexui, nulli etati, nulli hu-  
mana miseria vir pius Mediolani non con-  
sultum esse voluit. Nam et expositis infan-  
tibus, & varijs affectis morbis, & mente ca-  
ptis maxima adiumenta comparauit: & vir-  
ginibus fœminis ad earum tuendam honesta-  
tem prouidit, & illis, quæ corruptæ fuissent, ut  
in viam possent redire, prospexit; & deuotis  
fœminis, quæ capucina nominantur, quas in  
eam Ciuitatem primus introduxit, ad vitam  
Angelicam (ut ita dicam) traducendam,  
sanctissimi instituti regulis, omniq; religiosa  
disciplina, optime consuluit. Sodalitates uerò  
pias, hortationibus uarijs, præceptis iidem sa-  
lutaribus ita stabiliiuit, & auxit, ut Mediola-  
num schola quadam Spiritus Sancti, et pieta-  
tis, omniumq; uirtutum ueluti officina, cœlestis  
patriæ quidam angulus dici potuit. Sic enim*

E 2 inter-

interdum diebus festis innumerabiles puero-  
rum, & puellarum voces emittebantur, sua-  
uiter canentium, & laudantium Deum, ut  
Angelorum chori representari viderentur: et  
eadem diligentia parochialibus Ecclesijs ex-  
tra Ciuitatem, et q̄ plurimis oppidis Mediola-  
nensis diœcesis consulebat. Visitatores sexa-  
ginta, & amplius delegit, pramittebat aliquos  
quò ipse postea esset venturus populos sermone  
consolabatur, ministrabat ipse sanctissima Eu-  
charistia sacramentum: sancto etiam Chris-  
mate ungebat: controuersias tollere, & mul-  
torum animos pacificare studebat: disciplinã  
Ecclesiasticam in singulis Ecclesijs excolen-  
dam esse iubebat. Dei cultum tum interio-  
rem, tum exteriorem magna diligentia pro-  
mouebat. Dum hac ageret, & animabus  
Christo lucrandis admodum esset intentus, ieiu-  
nijs corpus suum castigare non desinebat. as-  
siduis precibus mentem eleuabat, & sanctis  
cum Deo colloquijs in huius mundi despicien-  
tia, quæ veram consequitur prudentiam in  
dies magis proficiebat. Et quotidie magis in  
virtutibus singulis magnos progressus faciebat  
Carolus Cardinalis Mediolanensis Archie-  
piscopus

piscopus. Illum Pastorem optimum sancti Ambrosij imitatore, nouum potius Ambrosium appellare quam plurimi non desinebant. Nos vicini Episcopi illum admirari, quia custodiebat legem excelsi, quia super nos senes intelligeret, quia mandata Dei maxime omnia quareret: eius exemplo, stimulos potius excitati saepe sumus ad labores omnes perferendos, & ad artem pascendarum animarum, artem omnium artium, ut recte Nazianzenus, et post eum sanctissimus dicebat Gregorius, perdiscendam atque etiam exercendam.

Et quia excellentis virtutis inimica perpetua est Inuidia non defuerunt, qui homini varijs virtutibus ornato, angelicis moribus potius, qui nunquam iratus est visus, qui ne verbo quidem quempiam unquam offendit, interdum detraherent, quippe (ut ipsi dicebant) rebus in minimis interdum nimium Studium collocaret. Abstinentiam virtutem eximiam, & Ecclesiastica disciplina custodem nimium coleret; ita consuevit Sathana hipodidascaus mundus, qui nihil non molitur, ut sanctorum hominum optimas sententias, et praeclara instituta quantum in se est euertat. At pius vir cum excellen-

cellentibus virtutibus suis miram constantiam addidisset, id est consecutus, ut varias hominum voculas contemneret, & omnium inuidiam superaret. Et profectò diuinis quibusdam inditijs à summa rei prouidentia, quæ nec fallitur, nec fallit unquam, manantibus creditum est Carolum fuisse præcipuo quodam amore à Deo dilectum, & in huius vita periculoso certamine diuino auxilio adiutum. Nam cum pro extirpandis vitijs, & honore Dei, quem semper ante oculos habuit tuendo Congregationem Humiliatorum reformandam sibi in animum induxisset, ad quod munus ab auunculo Pio IV. ab eius itidem successore Pio V. fuerat delectus, ex illis nescio qui Præpositi, qui iustissimi hominis Congregationis illius salutem spectantis, paulo arctiorem disciplinam ferre non poterant, in seruum Dei, in benemeritum de se virum, in Archiepiscopum & Cardinalem, odio implacabili exarserunt, eumque diabolico quodam furore incensi, e medio tollere decreuerunt. Unus igitur inuentus est homo audacissimus, qui scelus detestabile aggredi non dubitaret; itaque quo tempore ex domestica disciplina instituto Carolus in

ora-

oratorio cum tota sua familia ad Decumpre-  
ces fundebat, paruulo tormento disploso, in  
quod globulos plumbeos, aut ferreos complures  
coniecerat, Carolum ut erat genuflexus, & in  
oratione defixus, medio ipso in tergo directo  
percuſſit. Sed ſcleratorum hominum machi-  
nationes planè Sathanicas euertit Deus, &  
ſeruum ſuum ſcuto quodam inuiſibili protexit.  
nam etſi maioris globi iclus ille uſq; ad cutem  
penetrauit, ibiq; liuoris notam quandam im-  
preſſit, quæ in eius dorſo ad miraculi teſtifi-  
cationem, uſq; ad uitæ finem permansit, nihil  
tamen nocuit viro ſancto, ac ne ſanguinis qui-  
dem guttulam elicuit. ipſe uero ita immobilis  
permanſit, ac ſi in alieno corpore verberatus  
eſſet, ſilentioq; indiſto, ne quis ſe commoueret,  
inceptum cum Deo colloquium admirabili fi-  
dei conſtantia, et animi fortitudine abſoluit.  
Et in ſacris templis adificandis, & ornandis  
magnificentia, & in Episcopaliſus adibus au-  
gendis ſtudium, & miram in hoſpitibus exci-  
piendis alacritatem, & liberalitatem, eleemo-  
ſinarum copiam, quibus omnium generum  
inopes iuuabat, ſi quis enumeret, laudationem  
inſtituat neceſſe eſt; Tanta & tam magna  
virtutis

*virtutis exempla dedit Carolus, qua ita pa-*  
*tent, ita omnibus cognita, & perspecta sunt,*  
*ut nec mea, nec cuiusquam commemoratione*  
*indigeant. Erga sacras sanctorum reliquias*  
*mirifica quadam religione affectus erat Caro-*  
*lus Cardinalis, in ijsq; ornandis, honesto, de-*  
*centi, illustri loco collocandis, magnopere ver-*  
*sabatur, itaq; multa Sanctorum corpora so-*  
*lemnibus supplicationibus indictis multo cum*  
*splendore, & pietate transtulit, sed profecto*  
*eximiam quandam liberalitatem, aut magni-*  
*ficientiam potius cum admirabili pietate con-*  
*iunxit, cum corpora sanctorum Simpliciani*  
*Episcopi, & martyrum Anauniensium Sisini,*  
*Martyri, et Alexandri illustriorem in locum,*  
*in illa ipsa sancti Simpliciani Ecclesia censuit,*  
*transferenda. Nihil quicquam fuit magni-*  
*ficientius, nihil quod ad alendum Dei cultum,*  
*& ad sanctarum reliquiarum, sanctorumq;*  
*corporum venerationem hac etate magis in-*  
*flammeret. Interfuerat illi translationi Ga-*  
*briel Cardinalis Paleotus, qui ad Clerum*  
*Mediolanensem occasione synodi dicecesane,*  
*qua celebrabatur grauissimam, & elegantis-*  
*simam orationem habuerat. Interfuerant*  
*plures*

plures Episcopi. Ipse etiam fueram inuitatus, sed occupationibus varijs impeditus, tam nobili spectaculo, in quo tota commota est Mediolanensis Ciuitas, praesens esse non potui. Et ut ad quedam praecipua capita Caroli optimi Cardinalis vitam redigam. De eius mortis contemptu. De eius charitate erga morientes. De perpetuo studio sacrarum literarum. Deq; assidujs eius precibus ad Deum. De admirandaq; sobrietate, & castigatione corporis singillatim dicam, breuiter tamen, quia scio haec etiam ab alijs copiosius esse tractanda, & quia illa tantum mihi narranda esse existimo, quae mihi notissima sunt, quae ipse vidi, quae obseruaui cum optimi Cardinalis consuetudine fruerer. Nulla de re maiore cum animi sensu loquebatur, quam de morte, peregrinatione, exilio. Mortem, peregrinationem & exilium hanc vitam, quam tanto pere mortales exoptant, putabat. Iactari varijs nos fluctibus, innumerabilibus perturbationibus commemorabat: peccandi terminum & optabilem quandam securitatem mortem nominabat. In ea mali nihil inesse. In peccato sitam esse hominum perniciem. Locos,

F

quos



quos sanctus in libello de bono moris tractabat Ambrosius, valde cognitos habebat. tractabat etiam saepe in familiaribus sermonibus. Addebat turpissimum esse Christianis miserā hanc, & caducam vitam perditæ amantibus superari prudentia, et fortitudine animi à philosophis, præsertim ab Epicteto, à Seneca, & à Cicerone, qui de morte contemnenda pulcherrimos libros conscripserunt, & præclarissimas sententias ad abiiciendum omnem mortis timorem in medium attulerunt. Rem minime usitatam, & admiratione dignam narro. Dixerat mihi saepe Carolus Cardinalis in familiaribus sermonibus hilari admodum vultu, sibi nihil quicquam accidere posse in hac vita iucundius, & utilius, quàm si hac, & illac negotiorum causa transiens, in cadauera, quæ ad sepulturam deferrebantur, incideret. Inde se maximum fructum capere dicebat. Secum enim ipse sic loqui consueverat. Et me etiam quatuor, aut quinque cubiti terra manent, & ipse in illo loculo deferar. Hic est fabula huius mundi, seu vanitatum omnium, quibus saepe à recto tramite deflectimur, terminus. Multo aliter plerique nostrum, qui

mor-

mortem horrentes cadauera maxime fugimus, & à meditatione mortis valde abhorremus. Illam enim meditationem mortis, quã philosophiam philosophi nominarunt: & nos non minima sapientia Christiana partem dicimus, melancholia nutricem, molliter nimium, ne dicam insipienter, non pauci arbitramur: in quos homines si aliquando incidebat Carolus, eos libere monere solitus erat. Et erga morientes benevolentiam incredibilem, admirandam potius charitatem Carolus Cardinalis præsetulit. Cum enim ipsi de Coepiscoporum suorum agitudine nuntius afferretur, citatis equis ad illos accurrere consueuerat, sermone illos blando, & fraterno, ad pœnitentiam inuitans, de aterna vita, de cœlesti patria. de Iesu Christi filij Dei Saluatoris nostri meritis. de preciosissimo eius sanguine, cuius precio redempti sumus. de salutari pœnitentia. de infinita Dei misericordia locos tractabat tanta cum pietate, vt illorum, qui intererant lacrimas eliceret. ipse ego etiam interfui cum pium hoc officium Ioanni Delphino Episcopo Brixiensi, qui proximis annis ex hac vita migravit præsaret, & paulo ante quàm ex

hac vita excederet Francisco Bosio viro integerrimo Nouaria Episcopo idem officium ex praescripto Concilij provincialis Carolus pie, & fraterne praeiitit, pauloq; ipse post in grauissimum morbum incidit, quem mors consecuta est, hoc est transitus ad beatam, et aeternam vitam. Nec solum paternis, & pijs illis sermonibus languentes Episcopos, quos visitabat recreare solebat, sed cum deficere vires cerneret, genuflexus pro agris preces funderet, eorum animas Deo commendabat, demum eorum exequias, sermone ad populum habito celebrabat. Et hac omnia magna temporis celeritate conficiebat. Nec vero Episcopos solum, sed ceteros etiam, & principes viros, & priuata conditionis homines agrotos visitabat, omniq; officio, et pietate maxime necessario tempore adiunabat. agrotabat aliquando Vercellis Carolus Emanuel Dux Sabaudia adolescens religiosissimus, & Regia indolis, quem Carolus Cardinalis filij loco diligebat, & graui plane morbo conflictabatur, nequicquam magis cupiebat, quam seruum Dei videre, quem singulari amore prosequabatur. Accurrit Carolus. manu sua sacrosantam  
illi

illi Eucharistiam ministrat, verbis gravissimis, & spiritali dulcedine plenis, & hortatur, & consolatur, ita ut qui aderant lachrymas copiose effunderent, cum interea Dux ipse nusquam ab eo oculos defleceret. denique Dei benignitate, & ut ipse Dux interpretabatur, Caroli precibus factum est, ut adolescens summa spei, & Princeps nobilissimus conualesceret, & in maximarum rerum spem ad Dei gloriam, & catholice religionis conservationem reseruaretur. si laudationem ipse scriberem, locum hunc de agrotorum visitatione rationibus plurimis exornandum mihi esse intelligerem; sed vitam tantum Amplissimi Cardinalis scribo. mores pios, & vere pastorales propono mihi, et Episcopis omnibus, in quos hæc mea scriptio fortasse inciderit: Et hanc eandem charitatem erga moribundos Mediolanenses filios suos quos cælestis Pater eius fidei commiserat, dum saevissimo pestilentia morbo infecti laborarent, quos nunquam mortis metu intermisit visere, quibus semper lue crassante (trecenti enim homines singulis diebus per multos dies saevitia morbi interiebant) sacrosancta Eucharistia sacramentum  
mini-

ministrabat, & pios viros ad idem munus præstandum hortari non desinebat. calamitoso tempore orandi regulas populo præscripserat. diuinum auxilium implorabatur. ipse nudis pedibus fune eius collo circumducto orabat. Supplicationes publicæ fiebant, longos & graues sermones ad populum tanta calamitate afflictum habebat. Non Mediolanum modo, sed vniuersa Italia, totus terrarum orbis eximiam Pastoris charitatem est admiratus.

Tantam virtutem nulla vnquam obscurabit obliuio, de qua, & sermones sunt habiti, & libelli etiam sunt scripti. Insipiens saculum, carnalis, & adulterina prudentia, cuius magister est, quomodo imbecillos animos plerumque decipit. Non defuerunt qui dicerent non debuisse Cardinalem tot se exponere vitæ periculis. & potuit (Deo iuuante) & debuit, cum nihil possit esse anima vna pretiosius, & ad Pastorem pertineat animarum, animam suam ponere pro ouibus suis. se exponere periculis omnibus, imitari Christum pastorum Principem, & salutem animarum sibi creditarum suæ vitæ præferre, ita charitatis ordo postulabat. piam, & vere pastoralem hanc regulam

lam comprobauit Dominus Deus euentu felici, cum illum incolumen seruauerit. Et sane protrahenda vita desiderium vitiorum non paucorum, & calamitatum multarum origo est, & stultitia non minimum inditium. Quis enim longa, & periculosa navigatione, in qua naus varijs turbinibus saepe iactetur, nauseabundi plerunq; nauigantes omnia fastidiunt, delectetur? Quis in exilio ita desipiat, ut de patria non cogitet? Incommodo etiam diuerticulo, in quo multi scelesti homines cohabitent, libenter maneat? Plerique mortales sumus huiusmodi, et vitam hanc laboribus, et erumnis plenam, non amantes, non magno studio protrahere procurantes, tantum abest ut laudemus, ut irrideamus potius. Et reprehensiones hominum pernitirosa prudentia omnia mentientium, & res fluxas, & caducas admirantium, vitam in primis protrahere studentium non magni faciebat Carolus. Vias non esse vias hominum: falsas esse huiusmodi regulas, mera potius Sathanae sophismata, dicere consueuerat. Quare de morte saepe longos sermones habebat, et graues. De varijs huius vita miserijs multa in medium afferebat, ut aeterna

aeterna patria desiderium mirabiliter excitaret.  
 In sacris libris. in vera sapientia. qui liber  
 librorum, quem Spiritus Sanctus in veteri, &  
 nouo Testamento descripsit, assidue versaba-  
 tur. Et ita orationem cum lectione, Thomā  
 Aquinatem sanctissimorum uirorum doctissi-  
 mum imitatus, coniungebat sex annos ante-  
 quam ex hac uita migraret, ut nunquam nisi  
 genuflexus sacrosanctum illum librum perlege-  
 ret. Et in prophetis, quos cælestes oratores ap-  
 pellauerimus multum ac diu fuerat uersatus.  
 Pracipuos locos ex Salomone excerpserat, &  
 ad usum in quā plurimis sermonibus reuo-  
 care solebat. Si quis eruditionem uariam,  
 & reconditam in Carolo Cardinali Borromeo  
 non animaduertit, aut eius consuetudine non  
 est usus, aut non considerauit, qua ipse in me-  
 dium afferre consueuerat. Nihil extra rem.  
 Nullum ineptum uerbum. Nullum quod cu-  
 iusquam animum posset offendere. Annorum  
 multorum, quibus eius consuetudine sum usus  
 spatio, à Carolo memini esse prolatum. po-  
 tuisset si uoluisset Latine scribere, satis elegan-  
 ter, prompte enim, & diserte satis loquebatur.  
 Latine, potuisset etiam hac qua utimur lin-  
 gua,



qua, sed in scribendo aliorum opera libentius  
 utebatur; adhibebat tamen semper iudicium,  
 quod tantum in corrigendis scriptionibus ad-  
 hibere erat solitus, ut praestantes ingenio, &  
 doctrina viros in admirationem traheret. Et  
 provincialia Concilia, & hortatoria siue pasto-  
 rales epistola, quas ad populum Mediola-  
 nensem saepe scribebat, & sub eius nomine  
 adebantur, ab ipso accuratissime emendaban-  
 tur. Matrem esse sapientia humilitatem,  
 recte dixerimus, ut sapientissime indicasse  
 videtur Salomon. Qui enim nihil sibi tribuit,  
 et neminem recusat habere magistrum, quam-  
 vis etiam à natura praeclarum non duxisset  
 ingenium (quod aliter Carolo contigerat, qui  
 excellens ingenium, & iudicium acre à na-  
 tura habuerat) cum quotidie multa addiscat,  
 doctus euadat necesse est, tanta in primis, quan-  
 ta Dei beneficio abundamus hac tempestate,  
 bonorum librorum suppellectile adiutus. Et  
 domus Caroli, et dum Pius auunculus viue-  
 ret, & dum Mediolani pastoralis suo munere  
 fungeretur fuit schola pietatis, Ecclesiastica,  
 & sancta quaedam Academia, officina de-  
 mum virtutum omnium, piorum & doctorum  
 et ob

G

homi-

hominum contubernium; Et ordinem, qui est  
 rerum veluti anima, & in artibus; & scien-  
 tijs perdiscendis, memoria commendandis ar-  
 tium & scientiarum preceptis, mirabiliter  
 prodest, mirabilem in studijs suis adhibuit  
 Capita rerum, de quibus erat acturus parti-  
 ri consueuerat, & ita distinguere, ut facile  
 illa memoria manderet, quam diuidendi me-  
 thodum miris laudibus extulit Plato, & eos,  
 qui ita norunt diuidere, Deo quam simillimos  
 dixit. Innumerabiles synopses, siue tabulas,  
 quibus tractationes de symbolo fidei, de decem  
 preceptis, de sacramentis, de oratione Domi-  
 nica, de passione Domini, deq; singulis sacro-  
 sanctis mysterijs, ita in omnes solemnitates,  
 in omnia etiam Euangelia, quae diebus festis  
 recitantur, in Epistolas S. Pauli confecit; quae  
 si unum in librum redigantur, & in locos  
 quosdam à Pastoribus tractandos referantur,  
 magnam profecto utilitatem Episcopi, et Pa-  
 rochi, & quicumq; verbum Dei praedicare  
 consueuerunt, ex eius industria percipient. So-  
 lidam, non negamus, doctrinam tradiderunt  
 Theologi scholastici: in quibus qui non sunt  
 versati hoc tempore, ne mediocriter quidem  
 docti

docti haberi solent. Et hoc ipsum dicere saepe solebat Carolus, qui pro sua modestia inter doctos numerari semper recusavit, nullam se scientiam tenere dicebat, cum tamen scientiarum omnium principia, & precipua etiam dogmata theologia, & moralis etiam philosophia optime teneret, ut nemo de questionibus etiam difficillimis maiore verborum castimonia loqueretur. Aloysium Granatam plurimi faciebat, eiusque libros diligentissime legere consueverat. locos ex eius concionibus, et opusculis sibi constituerat, quibus copiose ex improvisso etiam Evangelium, Epistolam, Missa introitum, aut aliquos psalmorum versiculos posset explicare. Et non solum ex Granata, sed ex sanctis Patribus plurimos locos sibi collegerat. Quo eius labore factum est, ut facillime tres aut quatuor sermones uno die ad populum habere posset, cum fere nihil repeteret. Synopses quam plurimas, commentarios iidem varios, & multos, è quibus sylva quaedam pastoralis in unum volumen redigi facile poterit, testamento reliquit Joanni Francisco Bonhomineo Vercellensi Episcopo, cuius pietate, & industria fiet aliquando, ut ex opti-

mi Cardinalis laboribus ab Ecclesiasticis hominibus fructus percipiantur. Et Patri Francisco Adorno precipuos quosdam locos digerendos paulo ante quam ex hac vita migraret, tradidit. Dederat mihi commentarium quendam, quē de arte meditandi duos annos ante quam moreretur conscripserat, qui profecto breuitate, et perspicuitate, grauitate etiam sententiarum dignus est, qui in piorum virorum manibus versetur.

Nihil magis acuit ingenium. Nihil ad praestantiam iudicii comparandam magis prodest, quam assidua oratio, ut multi putauerint admiranda opera, quae sanctus Thomas Aquinas monumentis literarum consignauit oratione potius, quam laboribus, quos pertulisset in euoluendis libris, accepta esse referenda. Et sanctorum Episcoporum, qui Ecclesiam Dei illustrarunt hic fuit mos, ut cum assiduīs precibus lectionem optimorum librorum coniungerent, quod et nostro hoc seculo nemo praestitit diligentius, quam Carolus. Incōmode admodum somnum capere consueuerat, et breuem quidem illum, nimirum quod agnosceret mortis imaginem somnum esse, et quandiu dormiunt homi-

homines, mortuos dici aliqua ratione posse,  
quia nihil homine dignum agunt. ipse vero  
in divinarum scripturarum lectione, in oratione,  
et meditatione, et diutissime versari cupiebat, et noctis tempus ad id maxime accommodatum esse intelligebat, et quidem corpus domesticum inimicum, vigilijs edomare studebat; eam ob causam saepe contingebat, ut dum Carolus concionibus interesset, aut alijs publicis functionibus, somnus illum caperet, quod ne fieret; quamvis maximam diligentiam adhibuerit, consequi tamen semper non potuit, ut natura remissionem illam, et quietem efflagitante, non saepe dormire non cogeretur: erat tamen huiusmodi somnus brevis, et admodum interruptus, ita ut etiam quae dicebantur magna ex parte perciperet. sic, ita disponente Domino Deo, naui quidam in eis, quos praecipuo amore diligit conspiciuntur. quae de re praclare à sancto Gregorio in 3. dialogorum libro scriptum est, magna Dei dispensatione fieri, ut quibus maiora bona tribuit, minora interdum non praestet, nimirum ne se extolant, sed discant, quia ex semetipsis maiora illa bona non habent, qui parva vitia vincere non

non possunt. Et sobrietatem quandam admirabilem prae-  
tulit, cum in satis opulenta domo educatus,  
delicatis etiam cibis assuetus, tantos progres-  
sus in prestantissima virtute fecit, ut tres an-  
nos antequam ex hac vita migravit pane &  
aqua sapissime contentus fuerit. Sane alitrix  
maximarum virtutum est sobrietas. Contem-  
plationis, & orationis sedula nutrix. Digna  
Episcopo, digna animarum Pastore, & Chri-  
sti imitatore, laus. Et fuerunt, qui sanctum  
Cardinalis propositum non laudarent, cur ista  
quia insano amore nos plerique nostrum dili-  
gentes, corporis tyrannidem non agnoscimus,  
nec extimescimus. Nihil nobis magis est cu-  
ra, quam ut miseris, & arumnis multis ple-  
nam hanc vitam sine ulla vel minima mole-  
stia transigamus, plane ceci, et patrie nostrae  
caelestis illius Hierusalem (heu nimium) mise-  
rabiliter obliti. Profecto paucis vel minimis  
natura contenta est. Et S. Basilii pane, &  
aqua contentus fuerat, & innumerabiles alij  
Episcopi, quos qui est imitatus reprehendi mi-  
nime debuit, laudari potius. Nos vero qui  
à tanta virtute procul absumus, sobrietatem



eximiam pastoris, quem vidimus, cuius familiaritate etiam sumus usi, non semper recordari non debemus; ut tanta virtutis memoria sit nobis veluti stimulus ad omnem luxu fugiendum; & ad omnes omnium generum cibi; & potus delicias vitandas: Variorum enim ciborum copiam; & usum vini immoderatum, Ecclesiastica disciplina, & pastoralis artis corruptorem, et inimicum iure nuncupauerimus; parere etiam hanc copiam inuidiam, et inertiam alere affirmauerimus: Quod si quis Episcopalem splendorem, aut Cardinalium obijciat, et addat; tenacitatis, ne dicam auaritie suspicionem vitandam; is sciat Carolo sobrietatis laude hac etate insigni, rationes varias non defuisse in hospitibus excipendis, in pauperibus alendis, in templis adificandis, quibus liberalitatem, magnificentiam, etiam suam patefaceret, quanquam nec ipse etiam Carolus dum Roma fuit cuiquam unquam obiecit, si moderatione adhibita omnium generum cibis lautis, vino etiam ad sobrietatis regulam uteretur.

Et corpus castigabat, verba illa S. Pauli Apostoli ponderans. Ne cum alijs predicauerim, ipse



ipse reprobis efficiat: quamvis si quis recte consideret, multis rationibus probabilibus illis quidem adduci potuisset, ut quem socium multorum laborum, & praeclarissimarum rerum, quas gerebat nobilissima eius anima, habuerat et nunquam, aut per ardua rebelle expertus fuerat, minus dure tractaret: medicorum etiam monita audiens, & valetudini consulens. Sed sancta Dei Ecclesia mira varietate virtutum ornata, hoc indulgentissimo saeculo, tali sobrietatis, & castigationis corporis exemplo fortasse indigebat: huiusmodi stimulo plerique nostrum, ut tanta molliciei, tantarumque deliciarum, quibus diffluimus, & inertes ad res caelestes contemplandas efficimur, indigebamus. Et visitandos Episcopos, & cathedrales Ecclesias utile admodum Ecclesiae Dei censuit, hortatus saepe Pium, & Gregorium Pontifices, ut Visitatores mitterentur. Ipse visitandi munus non recusavit. Bergomum. Brixiam. Cremonam partem etiam regionis Helvetiorum visitavit magno cum animarum fructu. pietatis, diligentiae exempla dedit plurima. Inde congregatio Cardinalium, qui Episcoporum causas componere, qui discordias omnes e cleris tollere,

lere, qui Dei cultum interiorem, & exteriorem tueri & propagare nititur, instituta fuit. Frater Franciscus Panigarola, & Pater Achylles Societatis Iesu mira de illius ieiunijs, & de perpetuis laboribus, deq; admiratione, quam Rethi, et Heluetij ceperant sanctitatis huius viri mihi dixerunt. Fuit etiam de illa visitatione, quam proximo anno fecerat pulcher conscriptus libellus. Et sacris peregrinationibus vir Dei delectabatur, & ad sanctum linteam venerandum, quo Salvatoris nostri mortui corpus inuolutum est, Taurinum non semel pedibus etiam aliquando iter agens, profectus est. Sed & illa sancta itinera, & extremum illud, quod vir Dei Carolus morti proximus susceperat, ut sacrosancta Dei mysteria in monte Varallo meditaretur, et sanctas meditationes, quibus antequam ex hoc misero saculo migraret, cum Angelis versari inceperat, non defuerunt qui memoria commendarent, et narrarent pijs quibusdam epistolis, & libellis. Et cum forti, et constanti animo, febris etiam correptus, mortem minime extimescens, pijs operibus intentus, de salute animarum sollicitus pastoralis usque ad

H

ulti-

Ultimam horam munere fungeretur, Sanctum  
 Missæ sacrificium celebrans, canonicas horas  
 recitans, lytaniis cantans, familiares suos,  
 nautas etiam, à quibus quibusdam in lembis  
 vehabatur, in Christiana pietatis rudimentis,  
 languente etiam corpore instituens. Et Me-  
 diolanum cum calendis Novembris redisset  
 ferè semivivus, antequam medicum ad se  
 admitteret genuflexus forti animo in oratorio  
 cum familiaribus suis longam orationem ha-  
 buit. Cumq; in lecto decubisset, ut medicis, qui  
 illum versari in non minimo vita periculo as-  
 firmabant, obediret, eundem lectum ornandū  
 iussit imaginibus sacris, in quibus Christi my-  
 steria fuerant depicta, memoria in primis sa-  
 cri sepulchri Domini nostri Iesu Christi. In  
 ea cogitatione attentissime defixus, cum Eccle-  
 siasticis sacramentis pie susceptis, ad extre-  
 mum illud certamen se optime armasset, pla-  
 cide in Domino obdormiuit.

Narrem, quæ optimi Pastoris, & Cardina-  
 lis amplissimi mortem sunt consecuta? longis-  
 sima futura esset scriptio. Commemorabo  
 quadam, quæ ad honorem Dei maxime per-  
 tinent, & ad excitandos eos in quorum ma-

nus libellus hic noster perueniet, ad varias virtutes. Haec audiebantur voces. Recens hic Ambrosius in cælum vocatus est. Non eramus nos digni pastore tanto. Solatio maximo destituti sumus. Ea quæ de Athanasio scripta sunt, in hunc virum conueniunt, ut quamuis quàm plurimos annos post Beatum Marcum Alexandria in Episcopatu successerit, si virtutes considerentur, illi proxime successisse, quēpiam iudicare posse. Ita quamuis Carolus mille amplius post annos in Ecclesia Mediolanensi Ambrosio successerit, proxime tamen successisse, si imitationis ratio habeatur, quispiam dixerit. Nam Ambrosius nobilibus ortus parentibus, parentum nobilitatem, Christiana contentus, non magnificat: Ita Carolus. Satyri fratris mortem modestissime tulit: sic Carolus Friderici fratris. liberalibus artibus instructus, et sacris literis deditus docendi studio incredibiliter est delectatus: eodem studio sacrarum literarum inflammatus Borromæus, cuius vitam scribimus. Mille insidie à Iustina, et ab alijs scelestis hominibus illi structe. Sapiientium in sanctum virum miserabiles exitus; Eadem Carolo contigerit,

2115550

H 2

qui

qui ferreis globulis iniectis ladi minime potuit. Eius tempore hymni, antiphona cani cepti sunt: Borromei tempore, sauiente etiam pestilentia, diuersarum vocum concentus per totum Mediolanum audiebantur. Potentes viros Ecclesiastica disciplina tuenda causa excommunicauit; Idem non extimuit facere Carolus. Sanctorum Gernasij, & Protasij corpora transtulit. Hic Simpliciani, Sisiny, & aliorum. In maxima sanctitatis opinione apud exteros fuit. In magna etiam Borromeus. Plurima Regum ad Ambrosium littera: Multa etiam ad Carolum Hispania, Gallia, & Polonia Regum. Etenim ne hoc silentio praetereamus. Carolum Emanuel Philibertus Dux Sabaudiae Clarissimus tanti fecit, ut filio parentis loco esse voluerit. Illum Henricus Galliae Rex Christianissimus cum in Galliam rediret, ad se aduentem humanissime excepit, eiusque saluberrimis sermonibus magnopere est delectatus. Illum Philippus Rex Catholicus summo in honore habuit. Illius virtutes Stephanus Rex Polonia ita est admiratus, ut cum Andream fratris filium adulescentem magnis animi, & corporis ornamentis

mentis pradium, qui nunc Cardinalis est, Romam mitteret, Mediolanum prius diuertere iusserit, ut Caroli disciplina, & paternis cohortationibus instructior Romam iret. Et hunc quidem adolescentem praestanti ingenio, & religione Carolus mirifice dilexit, cumq; vicissim Andreas, ut parentem observauit, nec alio, quam patris nomine postea appellauit. Sed ut ad institutam comparisonem redeamus. Ieiunia Ambrosij crebra, & vigiliae: Plurimis Carolus ieiunijs deditus. Orandi assiduitas; & Carolus singulis diebus oratione cum lectione sacrorum librorum coniungebat. Sollicitudo itidem omnium Ecclesiarum: sollicitus maxime de parochijs, quae in latissima eius diocesi sunt. Amor admirabilis erga pauperes; & eleemosinas Borromeus libenter distribuit. Alienatio pradiorum eorum causa; & hic vendidit suppellectilem omnem, vestes etiam suas pestilentia tempore, ut succurreret pauperibus. Paupertatis itidem studium: Et Carolus dum in suo cubiculo oraret, aut sacra lectioni incumberet, unica veste contentus, & ea quidem vilissima, hyeme, & aestate utebatur. Idem Ambrosius peccata  
alio.

aliorum acerbissime flere consueverat. Et hic gregis sui peccata lugere non desinebat, luxum maxime. Dignitatis Ecclesiastica studiosus, clericos à laicis in choro distinxit, Et auctoritatem Ecclesiasticam defendit Carolus. Mortem suam prædixit. Eucharistiam paulo ante quam e vita decederet suscepit. Dum ad sepulturam deferebatur damoniacorum clamores plurimi auditi. eiusdem corpus omnes tangebant. omnium ordinum homines ad sepulchrum ipsum deducebant, Et hæc omnia Carolo diuino beneficio contingerunt. Virtutes, quæ in Ambrosio fuerant (ut uno verbo dicam) in Carolo Borromeo mille amplius post annos, renouasse Dominum Deum qui hanc nostram scriptionem legerit, et qui libellos varios, qui de ipso conscripti sunt, euoluerint, facilius intelligent. Mirabilis est Dominus in sanctis suis. Mirabilia sunt opera eius. prædicanda dona eius.

Imitator hic egregius Ambrosii, qui nouus Ambrosius nominatus est Carolus testamentis suppellectilem suam, Et non magnam pecunia summam, quæ in æconomi manu eo tempore fuerat pauperibus Mediolani, qui in magno



*magno illo hospitali pie sustentantur, reliquit, nulla consanguineorum suorum ratione, aut mentione habita, quandoquidem illos diuites valde, opulentos potius esse optime nosceret. Pauperibus, hoc est Christo, cuius membra sunt pauperes, à quo maximis thesauris fuerat ditatus, cui animam suam dicauerat, suppellectilem suam omniaq, quæ sibi reliqua erant restituenda censuit, et sapienter ut omnia. Ut mercaturam laudabilissimam quam sanctus celebrat Chrysostomus, in sua vitæ exitu exerceret. Mercaturam sanctus ille, vir appellat eleemosinam, quam Sanctus Spiritus interdum sanctam fænerationem nominavit, cum scriptum sit. Qui miseretur pauperi fæneratur Deo.*

*Et vir optimus, & amicitia cultor egregius, qui me in amicorum suorum numero pro sua humanitate ante viginti duos annos collocauerat, nescio an me excitauit, an magno honore affecit. dicam utrunq; & ad pastorales omnes virtutes me inflammauit, & maximo me affecit honore, cum imaginem sancti Ambrosij, quem sibi imitandum proposuerat, et ad cuius scripta assidue legenda me sæpe fuerat*  
hor-

hortatus, mihi testamento reliquit. quo dond,  
 nihil mihi in mea vita incundius futurum  
 est. Erit mihi imago illa pulcherrime depicta  
 stimulus perpetuus ad pastores, & eximias  
 illas virtutes, qua in sanctissimo viro Ambro-  
 sio, & eius imitatore Carolo fuerunt, imitan-  
 das. Amicitia leges si quis alius seruauit,  
 seruauit ipse cum libere monuerit amicos, si  
 quando illos monitione indigere animaduer-  
 tit. Et religiosorum familiaritate delectatus  
 est plurimum, eorumq; consilijs saepe utebatur.  
 Franciscum Adornum Societatis Iesu pluri-  
 mi fecit, qui cum in extremo vite curriculo  
 per dies plurimos, quo tempore in Monte Va-  
 rallo meditationibus se totum tradiderat Ca-  
 rolus, ab cuius latere nunquam discesserit:  
 res admirandas de eximijs virtutibus, quas  
 in postrema vita sua parte ostendit Carolus,  
 narrauit, et scripsit. Et Francisci Panigarola  
 doctrina, et facundia delectabatur, illiq; in vi-  
 sitationibus saepe comitem habere consueuerat.  
 Et plurimi erant qui libentissime pastorem suum  
 sequerentur, nullosq; labores subterfugerent,  
 ut eius iussis etiam cum vita periculo obtem-  
 perarent. Ludovicus Moneta clericus Me-  
 diolanensis

diolanensis vir egregia fide, & præstanti pietate Carolo in primis charus fuerat, ipso comite in itineribus utebatur maxime, eius etiã consilio multis in rebus utebatur. Sed inter complures præstantes viros, quorum fideli opera in Ecclesia Mediolanensi gubernanda, & Ecclesiasticis negotijs tractandis, diu, multumq; est usus, duo in primis fuerunt non solum doctrina, religione, prudentia, sed Episcopali etiã dignitate, quam postea consecuti sunt in Ecclesia Dei illustres Joannes Baptista Castellius Bononiensis excellens iuris consultus, qui factus à Gregorio XIII. Episcopus Ariminensis demum cum eius, & Apostolica sedis nuntium apud Christianissimum Regem ageret magno bonorum dolore in Gallia est mortuus. Et Caesar Specianus, qui Romæ Caroli nomine apud summos Pontifices res grauissimas administravit, & anno superiore ab eodem Gregorio Nouaria datus est Episcopus. Nam Petrum Galefinium egregie eruditum, et eloquentem hominem, aliosq; quàm plurimos Caroli Cardinalis ministros, et alumnos commemorare longum est. Quod lacrymis vniuersus Clerus, omnes nobiles viri, totusq; Me-

I diola-

diolanensis populus Caroli funus prosecutus sit, scripserunt multi. *Mæroris* tot, tamq̃, varia signa apparuerunt, ut neq; uerbis, neq; literis exprimi posse videantur. Ad eius sepulchrum, quod è regione altaris maioris ad primos gradus chori, sibi adificandum sine ulla pompa constituerat, innumerabiles mortales confluxerunt, confluisse etiam multos post dies accepimus. Et non paucos reperiemus, qui admirabiles Caroli virtutes considerantes, contemptum rerum humanarum cum admiranda charitate, et assiduo cum Deo colloquio coniunctum, & cum frequenti sanctissima Eucharistia usu, & mansuetudinem eximiam, & maximam humilitatem, ob Angelicas virtutes, quibus Carolus fuerat conspicuus, iam in cælum euolasse pro certo habeant. Putent etiam fore, ita Deo, cui arcana omnia notissima sunt, disponente, ut Carolus aliquando Ecclesie decreto in sanctorum numerum adscribatur.

Et Gregorius XIII, iudicio præstantissimo, et eximijs virtutibus præditus, accepto de eius morte nuntio, in Consistorio de excellentibus Cardinalis tanti, qui magum sacrosancto Collegio

legio ornamentum attulerat, & pro sancta Ecclesia, proq; amore Dei labores varios pertulerat, virtutibus, sermonem habuit, magnū, & iustum dolorem suum Cardinalibus exposuit. A quo Pontifice Gregorio, & à Pio V. qui in Pontificatu illum præcesserat unice dilectus est, & testimonijs varijs, tum in Consistorio, tum in multis sermonibus fuit celebratus. Et Roma tota, quæ virum Dei venerabatur, & ut lumen militantis Ecclesiæ agnoscebat, et suspiciebat, Carolum luxit, et lugent illum adhuc plurimi. In luctu hac ratione se ipsos consolantes, quod in cælestem illam patriam ante Regem Regum Dominum Deū, cuius imperio totus regitur Mundus, admisus, Christiana Reip. cui exemplo, et laboribus consuluit, precibus assiduis prodesse non desinit, et quando eius exemplo meliores non pauci efficiuntur, disciplina etiam Ecclesiastica scriptionibus suis crescit; nobis dubium minime esse debet, quod uberrimos laborum suorum fructus capiet in illa sempiterna beatitudine vir sanctus, Deo iusto iudice meritis premia cumulatissime reddente, quæ nemo cogitare, ne dum explicare potest.

*Eius exequias celebravit Nicolaus Cardinalis Cremonensis, qui mirifico amore Borromei diligebat, ita ut sacrum faciens lacrymas continere saepe non potuerit, iacturam, quam fecit optimi, & egregij pastoris de patria sua optime meriti, considerans. Attigit annum quadragesimum septimum satis longam vitam duxit, si plurimarum virtutum exempla, quae reliquit consideremus; admodum breuem si ad commoda, quae Ecclesia Dei afferebat vita exemplo, & pluribus laboribus suis animum intendamus, ut vir Dei diutius premio sibi debito, caelesti illa patria careret, noluit Dominus. Qui sit benedictus in sacula.*

*Hanc de Cardinalis Borromei vita descriptionem meam Antoni Cardinalis, Gulielmo Cardinali Sirleto, quem patrem iudicij agnoueram, et Borromei memoriam colentem valde eiusq; eximias virtutes libenter celebrantem, tradideram: susceperat prompto animo descriptionem legendam, considerandam, emendandam, si qua ei emendatione opus esse videretur. Cum autem pridie quam ex hac vita Sirletus migraret ad illum in lecto decumbentem accessissem, lato admodum vultu me aspiciens*

aspiciens, inquit. Nihil opportunius contingere poterat mihi, q̃ illum, quem de sanctissimi Cardinalis Borromei vita libellum scripsisti, mihi legendum dederas, tibi meis manibus restituere. Addiderat quedam, nonnulla etiam detraxerat, quedam correxerat amanter, & prudenter, ut solitus erat. Munus tuum (addidit) sepulchrale fuit mihi acceptissimum: divina providentia factum crediderim, ut in ultimo huius vite actu, uirtutes Borromei, eius in primis uita contēptus, & animi in minime formidanda morte celsitudo, quem unice dilexi, & magna obseruantia sum persecutus, mihi proponerentur, ut alacrius ad patriam illam communem nostram tenderem. faxit Deus misericordia parens, ut ego, & tu aliquando in cœlesti illa patria Carolum nostrum uideamus, ibiq; uere in Domino coniuncti, perpetua fœlicitate perfruamur. Ipse molliter nimium hæc audiens: uix uerbum proferre poteram, lacrymas etiam non continui: sed quod magis reprehendendum est, hæc recordans interdum adhuc lugeo. Quid hoc est? Homo in disciplina Sirleti parum exercitatus imitator malus tanti magistri, quem suspiciebā. Senex,

cani-



canicie, qua certissima aduenientis mortis, et non multum distantis nuntia est, oblitus mea; verborum qua apud sanctum Apostolum Paulum legeram, parum memor, contristor de dormiente quasi spem non habeam, lugeo è custodia vocatum à Domino, seruum bonum ab exilio profectum in patriam, ex huius peregrinationis fluctibus in portum deductum, ciuem beata Hierusalem factum, frui sanctissima Trinitatis aspectu, et societate Angelorum. Cohibui me tandem, mi Carafa Cardinalis optime, tuo etiam exemplo, sic me ipsum alloquens. Mortuum in Domino, atq; ob id beatum lugemus? cur non gaudeamus potius? sacro Collegio hic erat ornamento? de cælo precibus suis erit subsidio. Vicario Christi seruiebat fideliter? nunc seruit Domino Dominorum, eoq; fruitur. Commoda afferebat Ecclesie militanti laboribus, et vigilijs suis, nunc in Ecclesia triumphanti victoria, quam de se ipso, et de perennibus inimicis nostris retulit (ut aquum fuerat) fructus percipit. Ne causa nostra doleamus nimis, ejciamus molliciem animi, gaudeamus potius migratione amici, et de utroq; nostrum, de omnibus potius, qui eius

con-

consuetudine vsi sunt, benemeriti. Iusta persoluiimus (vt debuimus) laudationi, qua in funere est habita interfuius. Quid restat, nisi vt ad eandem patriam aspiremus, ad quam ipse (vt credimus) iam peruenit. subsidia, quae nobis est pollicitus precum suarum apud bonorum omnium largitorem Deum in huius vitae periculis tam varijs, et magnis expectemus, memores documentorum, quae nobis reliquit; memoriam amici veri tanti Cardinalis ex animo nunquam excidere patiamur nostro. Tu quae tanto magistro es vsus in sanctis Gracorum patrum libris potissimum perlegendis, & eius consuetudine plurimos annos te ad maximarum virtutum, quibus ipse praestabat, perpetuam imitationem effinxisti, recordatione Cardinalis Sirleti valde semper delectaberis, ego vero, et delectabor, & illum veluti exemplar semper habebo ante oculos. Multiplex rerum humanarum & diuinarum scientia cum admirabili humilitate coniuncta. Historia Ecclesiastica admiranda cognitio cui perpetuo communicandi studio. Sermo gratus, & eruditus, lepore, & charitate Christiana conditus. Patientia summa in miseros querelis audientis.

dis. Studium in subueniendo oppressis assiduū.  
 Mirum in dissimulandis, excusandis, minuē-  
 dis aliorum erratis. Rerum externarum, diui-  
 tiarum in primis, & inanis gloria contemptus.  
 Lanitas animi amabilissima. Cautio valde  
 probanda, ne domestici eius illi dominarentur.  
 In consanguineis suis minime diuitibus ditan-  
 dis, digna Cardinali, et Episcopo moderatio.  
 Orandi Studium cum gratiarum ad Deum  
 actione quotidianum. Hilaritas à puritate  
 consciētia profecta. Hæc omnia animo infixæ  
 sunt meo. hæc semper libentissime commemo-  
 rab. ad tantarum ipse virtutum imitationē,  
 studia mea, cogitationes meas semper dirigā.  
 Iactum magnam, quam anno uno collegium  
 sacrum Cardinalium fecit (ut alios omitta-  
 mus) durum in primis Cardinalium Borro-  
 mei, & Sileti sarciet Dominus Deus, pietate,  
 diligentia, industria Cardinalium, qui viuunt,  
 quos sanctissimis suis donis in dies magis di-  
 tat, & pro sua benignitate ditabit.

FINIS.

EPISCOPVS.  
AB AVGVSTINO VALERIO:  
EPISCOPO VERONÆ,  
DESCRIPTVS.

*Acceſſit*

ISIDORI PELUSIOTÆ  
EPISTOLA,

Breuis illa quidem, at plena officijs curæ episcopalis,

A PETRO GALESINIO,

Protonotario Apostolico, conuerſa.



VERONÆ, M D LXXXVI.

*Apud Hieronymum Discipulum,*

EPISCOPVS

AL VINCENSIS

EPISCOPVS

AL VINCENSIS

AL VINCENSIS

AL VINCENSIS

AL VINCENSIS

AL VINCENSIS

AL VINCENSIS

AL VINCENSIS



AL VINCENSIS

AL VINCENSIS

C A R O L O  
CARDINALI S. PRAXEDIS,  
ARCHIEPISCOPO MEDIOLANI,

EPISCOPALIVM VIRTVTVM LAVDE

FLORENTISSIMO,

OB EIVS RELIGIOSAM, PIAM, ET ADMIRANDAM  
IN PASTORALIS MVNERIS SOLLICITVDINE  
PROGRESSIONEM,

LIBRVM HVNC,

EX SYMMA AVGVSTINI VALERII, EPISCOPI VERONAE,

VOLVNTATE SINGVLARISQ. OBSERVANTIAE TESTI-

FICANDAE STVDIO,

*PETRVS GALESINIVS,*

PROTONOTARIVS APOSTOLICVS,

PERPETVO DICAVIT.



CAROL

CARDINAL & BISHOPS

ARCHBISHOP OF NEW YORK

OF THE STATE OF NEW YORK

OF THE CITY OF NEW YORK

OF THE ARCHDIOCESE OF NEW YORK

IN THE MATTER OF THE

OF THE

OF THE

OF THE

OF THE

OF THE

OF THE

OF THE

OF THE

OF THE



C A R O L O  
AMPLISS. CARDINALI  
S. PRAXEDIS,  
ARCHIEPISCOPO MEDIOLANI,  
PETRVS GALESINIVS,  
PROTONOTARIVS APOSTOLICVS,  
S. D.



EPISCOPI forma, ab Augustino Valerio, egregia virtute Episcopo, hoc libro descripta, typisq. Mediolanensibus euulgata, in tuo nomine apparet. Cui ego Isidori Pelusiota, religiosi monachi, viriq. ad divinam virtutem eruditi, epistolam adiungendam censui: quæ, a me latine reddita, brevis sane est, plena tamen episcopalium officiorum. Hoc igitur in volumine, exiguo illo quidem, at amplitudine tua certe digno, tamquam in speculo, contempleris licet veram, solidamq. eam Episcopi imaginem: quam beati Pauli Apostoli, Deo coniunctissimi, monimentis consignatam, & in sanctissimis viris, pastoralium laudum celebritate claris, impref-

pressam, tu hoc summo reip. Christianæ tem-  
pore non solum isto egregio animo tuo iam  
pridem conceperas; sed maximis vigilijs, pe-  
renniq. labore quotidie studes, omni vitæ  
religione, morum castitate, & pie sancteq. fa-  
ctis tuis exprimere. Id autem pro regni Chri-  
sti propagatione, proq. Ecclesiæ catholicæ  
splendore sicut diuine agis; ita, cum iam ini-  
tia hæc præclare ieceris, magna cum testifica-  
tione cælestium virtutum tuarum, non solum  
in ijs insiste; sed sic progredere perpetuo, vt,  
quod facis, in sancte agendo ipse tibi præscri-  
bas nullos progressuum fines. Ego verò, in-  
credibili isto religiosæ mentis tuæ ardore in  
dies vehementius inflammatus, illud conabor,  
in omnesq. partes enitar, vt **PASTORALES**  
**LIBROS**, qui in magnis & latinorum, &  
græcorum patrum voluminibus continentur,  
quàm primum, vt diligentissime possum, per-  
belle contexam: quò cumulatius ipse habeas,  
vnde ornamenta sumas, quibus plane excolas  
germanam istam, quam egregijs institutis, at-  
que exemplis imitaris, sanctissimi, religiosissi-  
miq. episcopi effigiem. Non committam tamē  
ullo pacto, vt illis non hunc præterea, vere au-  
reum librum, semper adiungam: præsertim  
cum in eo maximus illarum partium splendor  
eluceat, in quibus perpetuus esse debet episco-  
palis officij cursus. Vale patrone optime.

C A R O L O  
AMPLISS. CARDINALI  
S. PRAXEDIS,  
ARCHIEPISCOPO MEDIOLANI,  
*AVGUSTINVS VALERIVS,*  
VERONAE EPISCOPVS  
S. P. D.



PISCOPVM depinxi, aut potius delineauī: cuius perfecta, & absoluta forma apud Deum in cælis est; quæ in terris eluxit, cum princeps pastorum, virtutum omnium exemplar, CHRISTVS Dominus in terris visus, & cum hominibus conuersatus est. Eandem ab initio nascētis Ecclesiæ, legati eius propagatores Euangelij, optimi magistri, diligentissimi imitatores, sancti Apostoli exprefserunt, vt CHRISTI sponsa stabiliretur, & ornaretur; omnium autem maxime, beatissimi Apostolorum principes, Petrus & Paulus, in quibus Episcopales omnes virtutes eluxerunt. Multorum annorum spacio, maximo cum animarum detrimento, & cum piorum hominum dolore, huiusmodi figura penè latuit. Adulta iam Ecclesia, conſeſcente Mundo, hac iam decrepita sæculi ætate, pulcherrimæ formæ, æternus Pastor, CHRISTVS, vt imminentibus periculis, & varijs calamitatibus populi sui consuleret, mirabile desiderium in animis multorum excitauit.

citauit . Sanctus Spiritus in Concilio Tridentino, & in multis alijs, eandem figuram proposuit. Tu vir desideriorum, figura Episcopi, ex beato Paulo deprompta, te valde dixisti delectari; eam describebas . indicabas etiam, tibi gratum fore, si tibi quispiam illam describeret. Cum autem ad perfectam formam, quam quærimus, optimorum virorum iudicio, proxime accedas, vt pene iam in te vno expressam illam videamus; hanc, quam descripsi, sæpe inspicio; vt eam adhuc magis exprimas, & tua expressione, & exemplo, plerique nostrum excitati, qui inde longe absumus, ad eam propius accedamus. Vale,

# EPISCOPVS.



*UID* ago? formam Episcopi, quam verbo & exemplo expressit Christus Princeps Episcoporum, & sancti Apostoli retulerunt, conor ipse inuestigare, et conor ipse oratione exprimere? Ipse suscipio rem tantam, quantam non modo facultate consequi, difficile est; sed vix potest quispiam cogitatione complecti. Magnum & arduum opus aggreddior, non nego: sed nihil est difficile querenti gloriam Dei. Ego hac mea delineatione neminem doceo, me ipse hac ratione accuso, me ipse excito, me ipse instruo. Sed iam, unde necesse est, sumatur exordium: et dicatur de origine Episcopatus aliquid.

Misericors, & miserator Dominus pro sua clementia humanum genus, primorum parentum inobedientia, et Sathana astutia, a beata patria, ad quam creatum fuerat, eiectum, & omnibus bonis spoliatum in pristinam dignitatem restituere, & ad caelestis patriae fruitionem iterum inuitare cum statuisset,

B

vi

ut Diuina iustitia satisfaceret, misit vnigenitum  
filium suum, qui exinaniret semetipsum, for-  
mam serui accipiens; et humilitatis, obedi-  
entia, charitatis, & aliarum virtutum exempla  
exhiberet; & qua in calo, quæq. in terris sunt,  
admirabili sapientia pacificaret: Pontifex ve-  
rus; qui sciens compati infirmitatibus huma-  
nis, exemplo & verbo gregem suum pasceret;  
& pro ouibus, quæ perierant, animam pone-  
ret; easq. preciosissimo suo sanguine redimeret;  
neque cessaret, ut non cessat adhuc, interpel-  
lare pro populo, pro animabus, quas ipse re-  
demit; quæ ne perirent, neue communis hostis  
Sathana fallacijs decepta, Crucis vexillum de-  
ferentes, præcipites in varias misérias, & ca-  
lamitates ruerent, idem æternus Pastor, Dei  
filius, Saluator noster, gregem suum non de-  
serens, legatos, seruos, pastores, & speculato-  
res suo loco suffecit, qui suas vices gererent;  
& Dei voluntatem, legatione fungentes, libe-  
rè explicarent; vitam æternam credentibus,  
& fidem opere præstantibus, annuntiarent;  
insidias acerrimorum inimicorum, quibus ge-  
nus humanum oppugnatur, aperirent; propo-  
sitisq. pœnis Inferni, homines a peccatis deter-

rerent. Elegit seruos, ac ministros, qui Dei precepta seruantes, alios ad eadem seruanda impellerent; eius sponsa, sancta matri Ecclesie, quam eximio amore diligit, ministrarent; omnia pericula adirent; ignominias, calumnias, opprobria, carceres, exilia, tormenta, mortem etiam ipsam, ut animas Christo lucrarentur, non recusarent. Misit Pastores, ut pascere gregem concionibus, pascere familiaribus sermonibus, pascere exemplo & sanctitate; sanctissima Sacramenta, salutare medicinas, ad sanandas, sustentandas, & corroborandas animas exhiberent; deinde, si opus esset, Principem Pastorum imitati; animas pro ouibus ipsius ponerent. Eosdem speculatores posuit, qui eius gregem a lupis defenderent; animas a Sathana tyrannide, a fallacissimis Mundi consilijs, a perniciofa natura lena, voluptate, auerterent. Atque inde in Ecclesia Dei, usitata illa nomina orta sunt, ut sint, qui appellantur, pro Christo legatione fungentes, serui Christi, Pastores, Speculatores, Episcopi, qui ydem patres, magistri, et medici populorum nominarentur. quorum Episcoporum sollicitudo, parochorum,



quibus hæc eadem nomina ex parte conueniunt, cura, et diligentia adiuuatur. Et quamuis qui legatione pro Christo funguntur, Christo etiam seruiant, ut Domino, & sua legationis auctori; & qui seruiunt Christo, oues Christi, populum Dei, pascunt; et cum pascant, interdum cibos ad nutriendum, interdum medicamenta ad sanandum adhibent; & quia in eo paternam charitatem præ se ferunt, & veluti magistri filios ac discipulos erudiunt suos; ex eo etiam fit, ut patres, medici, et magistri merito appellentur; cumq. hæc omnia præstent episcopalis muneris officio, cuius est, ea semper explorare, quæ populis prodesse possint, ita ut hæc singula nomina, virtute in singulis contineantur: tamen, ut breuitati, quæ si cum perspicuitate coniungatur, admodum amabilis est, studeamus; formam, siue speciem legati, formam serui Christi, formam boni pastoris, patris, medici, et magistri populorum, formam perfecti Episcopi, separatim, si placet, proponamus.

Legationis munus est valde nobile, quandoqui dem qui legati mittuntur, fidei, probitatis, atque etiam prudentia testimonium ab illis

lis videntur consequi, a quibus eis legationes sunt demandatae: et quo a potentioribus Principibus missi sunt, eo nobiliores legationes existimantur: cuius muneris tanta est praestantia, ut Legati, aures, oculi, os Principum, appellentur. In omnibus autem legationibus considerari hi loci solent. Qui mittatur: a quo mittatur: ad quos: & quo tempore. Homo, cinis, pulvis, mortalis, multis peccatis contaminatus, varijs vitae periculis expositus, infirmum animal, ad tantam dignitatem euehitur, ut legatus fiat Dei, Patris illius caelestis, cali & terra Domini; fiat nuncius verbi aeterni, immensa illius sapientia Iesu Christi. Homo, inquam, humi stratus; fit interpret Spiritus sancti, & doctrina, quam sponsa Ecclesia, cui semper assistit, ille suggerit. Creatura fit oculus Creatoris, fit os sanctissimae Trinitatis. Legationem vero, quam describimus, quis instituit? Celi & terra fabricator, rerum universitatis pater, & conservator, bonarum rerum omnium auctor, et magister, princeps pacis, largitor quietis Deus; qui potest omnia, qui scit omnia, cuius voluntate aut permissu fiunt omnia; Rex Angelorum, caelestis ecclesiastica

*siaslica Hierarchiæ moderator, et rector. Ad quos autem instituta est hæc tam nobilis, tamq. admiranda legatio? Ad imaginem Dei, ad animas ad æternitatem creatas, preciosissimo Christi sanguine redemptas, ad Sathana tyrannide oppressos homines, ad peccatores, ad proprios inimicos, legatio instituitur. Res mirabilis, summum Diuinæ clementiæ testimonium. Huius eximia legationis, cuius scopus est, ut sedes Angelorum impleantur, ut infelix animal homo, dignitatem, quam proprijs peccatis amiserat, recuperet, & perpetua beatitudine fruatur, multe sunt partes, quæ in sacris libris expressa sunt: sed ad sex potissimum capita, ut magis memoriæ imprimantur, redigi possunt, quæ primum sanctissimæ Trinitatis legatus, Christus Dominus, Redemptor noster tractauit; tractauerunt deinde ad eius imitationem sancti Apostoli: hoc autem tempore diligentissime sunt explicanda, quia Mundus iam consenuit, quia maxime furit Sathanas, scelestam nouitatem, multarum calamitatum altricem, disseminans, quia iam innumerabilibus peccatis hoc miserum sæculum quàm maxime laborat. Unde perspicere potest,*

potest, qualem esse deceat legatum sanctissimæ Trinitatis; quanta humilitate, quanta temperantia, quanta charitate, quanta sanctitate praditum; de pace cum Deo, non cum Regibus sæculi, multarum rerum egentibus, tractantem; non de conseruatione, aut recuperatione libertatis humane, & de commodis huius vitæ, sed de celesti possessione, et de æterna gloria agentem; idem denique munus, quod Christus homo in terra obiuit, obeuntem. Ad illum sanè pertinet, honorem Christi, a quo missus est, proponere; sanctissimam, quam ipse sanguine suo instituit, & confirmauit, religionem tueri; scelestos Sathana conatus, & hostiles impetus aperire, et retardare; illecebras voluptatum coercendi viam commostrare; libere loqui; ac ne mortem quidem pro tuenda gloria illius, pro quo legatione fungitur, formidare. Quod si quis sine Vicarij Iesu Christi, Romani Pontificis auctoritate, & iussu, tam nobilem legationem sibi arrogans, nec missus ad prædicandum prosiliret, et in aliqua earum rerum, quas commemorauimus, deesset, eumentita legationis merito posset accusari, & grauissimis pœnis condemnari. Romanum  
enim

enim Pontificem, ut Episcopum Episcoporum, heredem Apostolorum, successionem Petrum, et unctionem veluti Christum agnoscit Ecclesia; a quo, tanquam a capite, omnes legitima legationes, & omnia munera in Ecclesia Dei proficiuntur; ceteri in partem sollicitudinis vocantur. Romanus vero Pontifex, est Pontifex summus, in plenitudinem potestatis uocatus. quod etiam veteri lege adumbratum scimus, in qua legimus Dominum Moysi, ita praecepisse: Congrega mihi septuaginta viros de senibus Israel, quos tu nosti, quod senes populi sint, ac magistri: & auferam de spiritu tuo, tradamque eis, ut sustentent tecum onus populi, & non tu solus graueris. Populus Christianus ouile unum est; oues omnes uni concessae à Christo sunt, uni credite, Petro nimirum; ut qui singulorum gregum curam suscepturi sunt, à Principe pastorum legari, et eius nutum ac imperium reuereri, maiestatemque conseruare debeant. Eius igitur, qui eam sedem tenet, voluntatem, atque auctoritatem Episcopus, ut fidelis legatus, sequi debet. Cuius legationis hi sunt praescripti termini, ut nihil unquam dicat, quod a tanta  
lega-

legationis munere alienum sit, aut ab ea doctrina, quam Christi sponsa, sancta mater Ecclesia profitetur. Eum autem in dicendo modum teneat, ut fucum orationis, omnemque ostentationem fugiat. Hac autem legato Christi sunt proposita legationis capita, quae temperato & graui dicendi genere, ita exponet: Hac Rex Regum, Dominus dominantium, qui vos in seruos suos dignatur assumere, iussit, ut vobis annuntiem, sempiternas illas pœnas, quibus genus humanum erat obnoxium, Dei clementia esse sublatas; veniam vobis datam peccatorum; sanctificatos vos esse, redemptos preciosissimo sanguine agni immaculati Christi; paratam vobis esse calorum hereditatem; Christum Deum, vos fratrum loco habere; iam vos Deum patrem posse appellare; socios futuros vos Angelorum; Spiritus sancti participes; beatitudinis caelestis, & gloriæ possessores: hac legatione, hac bona omnibus, qui Deum amauerint, qui Sathanam auersati fuerint, offeruntur. Ad quæ confirmanda, graui admodum oratione, uerba Christi, pro quo legatione fungitur, quibus summa totius legationis comprehenditur, ponderare, atque

ita Christum, illos alloquentem facere, poterit; quia magnam vim solet habere, hac utens forma dicendi. Christi Dei filij, humani generis Redemptoris, magistri veri, vestra salutis cupidissimi, hac sunt verba: ea vestris in animis imprimite, vobis ipsi consulite. Qui ex Deo est, verba Dei audit: Non potestis duobus domini seruire, Deo, & Mammona. Qui diligit me, sermones meos seruabit, & Pater meus diliget eum. Qui facit peccatum, seruus est peccati. Qui vult venire post me, abneget semetipsum, & tollat Crucem suam; et sequatur me. Vigilate, quia nescitis diem, neque horam. Sanctus Paulus nobilissimus Christi legatus, qui sermonibus, & epistolis etiam legatione pro eodem Rege nostro functus est, ut alios nunc omittamus, ea legationis capita grauius admodum explicauit, cum primum dixit: Sine fide fieri non posse, ut quis placeat Deo, fidem fieri ex auditu: deinde, cum alibi dixit, explicans vim verbi Dei, illud esse penetrabilius omni gladio ancipiti: & cum multifariam, multisq. modis olim locutum esse Dominum in Prophetis, nouissime autem diebus istis in filio; quasi diceret Sanctus Apostulus: Calem



stem epistolam, quam sanguine suo scripsit Christus, qua ad amorem Dei excitamini, legite fratres: alioquin, nisi eam legeritis, ex Deo non eritis; Deum enim videbimini contemnere, more illorum, qui a sanctæ matris Ecclesiæ gremio diuulsi, eam, cuius lacte enutriti sunt, deferentes, vere Deum patrem appellare nequeunt. Secundam legationis partem explicans, & hortans filios suos, ut uni Domino seruiant, relicto Mammona, his verbis tractat: Estotes imitatores Dei, sicut filij charissimi, & ambulate in dilectione, sicut & Christus dilexit nos, & tradidit semetipsum pro nobis, oblationem & hostiam Deo, in odorem suauitatis. fornicatio autem, & omnis immunditia, aut auaritia, nec nominetur in vobis, sicut decet sanctos, aut turpitudine, aut stultiloquium, aut scurrilitas, qua ad rem non pertinent, sed magis gratiarum actio. Et alio in loco, eandem legationis partem explicans, dicebat: Nescitis, quia templum Dei estis, & Spiritus Dei habitat in vobis. Atque ad hanc sententiam confirmandam Christi legatus commode dicere poterit; Sathanam esse lupum rapacissimum, qui semper molitur, qua ratione possit, ouem ali-

quam Christi rapere, nec solum lupum, sed etiam serpentem, draconem, & leonem semper circumeuntem, et quarentem, quem deuoret; esse principem latronum, homicidam, mortis auctorem, arrogantia magistrum; ad omnia semper scelera incitatore, humani generis hostem, adulatorem, mendacem; eius habitationem esse peccatum; inde fieri, ut qui eum conculcare desiderat, prius peccata sua conculcet; necesse sit: Sathana arma esse pugnas, inimicitias, bella, dissidia, contentiones, flagitia; omnia scelera, Sathanam humano generi quotidie insidias, & laqueos tendere, ut illud in tyrannidem suam redigat, vinci non posse nisi a Christo; astutissimum humani generis hostem ab Imperatore Christo fuisse profligatum; qui Imperator cum desides in militiam suam non admittat, ideo certamen esse necessarium; arma esse orationes, lachrymas, ieiunia, opera pietatis; coronam, non nisi certantibus, esse propositam. Et quoniam Sathana discipulum non improprie nominauerimus Mundum, cuius instantiam & vanitatem legatus Christi sanctus Paulus expressit illis verbis: Præterit figura huius Mundi. Legatus, quem describimus,

cōmemorabit sepe, gloriā Mundi esse, sicut flo-  
rem scēni, esse fumum, esse etiam veluti soni-  
tum; citissime transire; nihil in Mundo esse so-  
lidum; Mundum esse inexcusabilem propter  
Euangelij prædicationem; qua veritas omni-  
bus est patefacta, & via cali, & inferni indi-  
cata. Cum vero beatus Paulus tertiam expli-  
caret legationis partem, ita scribebat: Non  
auditores legis iusti sunt apud Deum, sed facto-  
res legis iustificabuntur. Et alio loco, Finis præ-  
cepti est charitas de corde puro, et de conscien-  
tia bona, & fide non ficta. quod legationis ca-  
put maxime expressit admirabile illa charitatis  
commendatione, cum, enumeratis effectibus fi-  
dei, dixit: Si charitatem non habuero, nihil  
sum, sum veluti cymbalum tinniens. quem lo-  
cum necessarium grauter admodum explicare  
poterit legatus Christi, hoc præsertim tempore,  
quo verbis, sermonibus, & libris docere magis  
studemus, quàm exemplo, & virtutibus. Ite-  
ret, eum vere diligere Deum, qui eius sermo-  
nes seruet, qui sanctissima eius præcepta custo-  
dit, qui studet is esse, qui haberi cupit; qui ad  
vitandum periculum superbia, negligit haberi,  
qui est: patrem Christi, qui idem est pater no-  
ster,

ster, cali & terra Dominum, diligere sermones eius, non docentes tantum, non disputantes, non pulcherrimos libros scribes, non ingenium, iudicium, & alia bona, quae ipse largitus est, ostentantes, sed fidem in unigenitum filium eius Christum, operibus praestantes. Cum vero quartum legationis caput susceperit explicandum Christi legatus, facillime ostendere poterit, peccatum hominem seruum efficere, cum mentem priuet lumine, voluntatem debilitet, aut captiuam potius efficiat, rationem perturbet, miserum hominem reddat, sit velut putredo anima, quae paulatim corrumpitur, & quae imago ac similitudo Dei deturpatur: quod quidem fit, cum ille propria nobilitatis oblitus, morum similitudine, ex homine fit leo, aut luppis, aliudue immundum animal; caelestis hereditas amittitur; iterum, quantum in peccatore est, Christus crucifigitur. Infelicitissimum peccati comitatum commemorabit, perpetuam animae sollicitudinem, infamiam. Hunc locum sanctus Paulus egregie tractat, illis verbis: Quem fructum habuistis tunc in illis, in quibus nunc erubescitis? nam finis illorum mors. & alibi: An nescitis, quoniam iniqui Regnum Dei

Dei non possidebunt? Quintam de ferenda  
Cruce nobilissimam legationis partem expref-  
sit, idem S. Apostolus cum dixit: Patien-  
tia vobis necessaria est, ut voluntatem Dei fa-  
cientes reportetis repromissionem. et alio in loco:  
Tribulatio, patientiam operatur, patientia  
spem, spes vero non confundit: & suo exemplo  
alios hortans, quod magnam vim solet habere,  
dicebat: Mihi absit gloriari, nisi in Cruce Do-  
mini nostri Iesu Christi, per quem mihi Mun-  
dus crucifixus est, & ego Mundo. Calumnias,  
opprobria, carceres, verbera, naufragia con-  
stanti animo tulit: eaq. interdum commemora-  
bat, ut salutarem hanc de ferenda Cruce sen-  
tentiam in animis audientium imprimeret:  
Omnes, qui volunt pie vivere in Christo, per-  
secutionem patiuntur. In tanta huius vite per-  
turbatione, in tanta rerum varietate, & incon-  
stantia, inter tot ministros Sathana, & Eccle-  
siae sanctae Dei inimicos acerrimos, quinta haec  
legationis pars est maxime necessaria. Quare  
saepe, & pluribus modis, legatum eam tractare  
oportet, & hortari, ut unusquisque tollat cru-  
cem suam, & sequatur Christum. Crux est,  
servire hominibus; crux est, imperare alijs; crux,  
siquis

*siquis recte consideret, adolescentia; crux iu-  
uentus, crux senectus, crux paupertas, crux  
diuitia, crux inscitia, crux doctrina sine humi-  
litate, crux Regnum, crux magistratus Re-  
rum pub. crux maxime Episcopatus. Hac enu-  
meratione facta, dicat Christi legatus, pro-  
priam voluntatem abnegandam, suam crucem  
tollendam, veterem hominem cruci affigen-  
dum, molestias huius peregrinationis aequo ani-  
mo esse ferendas, condiendas charitate, sequen-  
dum Christum, quem qui sequitur, non errat;  
illum esse viam huius nostrae peregrinationis, et  
terminum via; precipitè ferri, qui aliud quam  
ipse ostenderit, iter ingreditur. Sextum lega-  
tionis caput, quod erat, ut unusquisque uigila-  
ret, exponens Apostolus, verbis illis est usus:  
Hora est iam nos de somno surgere, quia pro-  
pior est nostra salus, quam cum credidimus.  
quod adhuc magis exprimens, scribens ad Ti-  
motheum, dicebat: In nouissimis diebus instabunt tempora periculosa, & erunt homines seip-  
sos amantes, cupidi, elati, superbi, blasphemi,  
parentibus non obedientes, ingrati, scelesti, si-  
ne affectione, sine pace, criminatores, inconti-  
nentes, immites, sine benignitate, proditores,  
timi-*

timidi, voluptatum amatores magis quam Dei, habentes speciem quidem pietatis, virtutem autem eius abnegantes: & hos deuota; ex eis enim sunt qui penetrant domos, & captiuas ducunt mulierculas, oneratas peccatis, quæ ducuntur varijs desiderijs, semper discentes, et nunquam ad scientiam peruenientes. Illis etiam verbis ad vigilandum valde incitat: Dies Domini, sicut fur in nocte, ita veniet: cum enim dixerint, pax, & securitas, tum repentinus eis superueniet interitus, sicut dolor in utero habentis, & non effugient. Ad quam partem pertinent etiam illa verba: State & tenete traditiones, quas didicistis, siue per sermonem, siue per epistolam nostram. Quibus maxime uti debet hac tempestate Christi legatus, qua, profana nouitate, sponsam Christi perturbare, et populum Dei peste haresum commaculare, scelesti & impuri homines non desinunt. Vnde tot Prouincia e gremio matris sue, sancta videlicet & Apostolica sede, miserabiliter abstracta sunt. Quotidie nos mori dicet, singulos properare ad mortem, latere mortem in insidijs, ideo aspirandum ad vitam, molestijs vacuam, nullis rebus indigentem; non parce-

D re



re atati, non parcere diuitibus, non parcere Regibus. Has sex legationis præstantissime partes, qui ea, qua decet, gravitate & prudentia tractat, causam communis Domini agit, procurat maxime gloriam Christi, & commodis, ac saluti populi, ad quem est missus, quod est proprium huius Episcopalis legationis; consulit. Illis enim capitibus, ad verbum Dei, & ad salutaria omnia præcepta continentur hortationes; commendationes fidei, spei, charitatis et omnium virtutum Christianarum. De innumerabilibus, qua in genus humanum celestis pater Deus contulit, beneficijs, de contemptu mundi, de omnibus, ut uno verbo dicam, qua ad salutem pertinent animarum, ea capita explicans Christi nuncius, poterit dicere, modo ei soli, a quo missus est, non eis, ad quos mittitur; nec sibi placere studeat: Me miserum, legatum Christi effingo, non præstita legationis me accuso. clamaui interdum, sed cessavi. Utinam non placuerim mihi, & non studuerim alijs etiam placere; cum solum Deo placere, mihi, et alijs, qui ad id onus mittuntur, deberet esse propositum. Iam serui Christi formam proponamus.

mus. Is proprie dicitur seruus, ut nomen etiam indicat, qui seruat ea, quæ Dominus iussit; ita ut serui Dei appellandi sint ij, qui iussa Dei exequuntur. Qui autem eius precepta, qui Decalogum, epitomem omnium rerum agendarum, non seruant, qui Sathana ministrant, eius suggestionibus consentiunt, & ad capiendas animas famulatum suum præbent, ij præstantissimo nomine seruorum Dei indigni censentur. quorum seruorum ea est nobilitas, atque præstantia, ut sancta mater Ecclesia, Spiritu sancto edocta, seruire Deo, regnare dixerit, regnant enim et sine metu regnant serui Dei, cum tanta sit Regis Regum benignitas atq; clementia, ut seruos suos amicos nominet, filios, & heredes celestis patriæ efficiat. Nobilissimo autem nomine serui Dei imprimis est appellandus ille, qui non solum præceptis diuinis obtemperat, sed consilia etiã Christi sequens, pro eius sponsa, pro sancta Ecclesia, pro animabus, Christo acquirendis, se in omni vita laboraturum est pollicitus. in quo egregias virtutes, et admirabilem perfectionem sanctius requirit Spiritus. Hæ vero sunt propriæ seruorum Dei virtutes, fidelitas,

constantia, diligentia, sed in primis amor, qui exhibetur non solum in seruiendo Domino, sed illis, quos ille charos habet. Fidelitatis & sincera virtutis hoc est indicium, cum pro commodis, ac ornamentis illorum, quibus seruiunt serui ipsi, nullum tormentum, ne mortem quidem ipsam, subterfugiunt, & minime ad oculum seruiunt: quorum seruorum paucissimus est numerus. Sanctus vero Paulus, qui eximiam Dei bonitatem agnouerat, pro Christo sibi ferenda omnia, et mortem etiam alacriter optendam iudicauit, & se bonum seruum ostendit. Fideles etiam serui fuerunt ceteri omnes Apostoli, & plurimi eorum imitatores, & alij, qui, spretis omnibus huius vite commodis, morte contempta, tyrannorum seruitiam minime formidantes, ut Christum coram hominibus confiterentur, martyrij coronam reportarunt, ultro se cruciatibus omnibus obiecerunt. Cum autem illi, qui est solus Dominus, solus altissimus omnes creatura seruiant, ac nemo sit qui aliquo seruitutis genere non comprehendatur, nullum hominum genus magis proprie Deo seruire dicitur, quam eorum, quis Ordinis sacramento nobilitati, populo Dei ministrant. Ad  
quod

quod sanctum ministerium, vocatus, Sanctus Paulus; nobilissimo hoc maximo insignis seruitutis titulo seipse sepe nominavit, his verbis: Paulus servus Iesu Christi, vocatus Apostolus, segregatus in Euangelium Dei: & testis est enim mihi Deus, cui servo. quam rem pluribus verbis explicans, dixit: Cum liber essem ex omnibus, omnium me servum feci: ut plures Christo lucrificarem: & factus sum Iudeis, tanquam Iudeus, ut Iudeos lucrarer, ijs qui sub lege sunt, quasi sub lege essem, cum ipse non essem sub lege, ut eos, qui sub lege erant lucrificarem; ijs qui sine lege erant, tanquam sine lege essem, cum sine lege Dei non essem, sed in lege essem Christi, ut lucrificarem eos qui sine lege erant; omnia omnibus factus sum, ut omnes facerem saluos. Cui beatissime Paulè, felicissime servè, lucrificares? tibi certe minime, omnium, ut te ipse appellas, minime, sed illi, quem Paulo ante nominasti, Christo, cui servivisti ex animo, pro quo esuristi, sitisti, colaphis catus es, incertis sedibus vagabaris, operans manibus tuis, maledicebaris & benedicebas, persecutionem patiebaris & sustinebas, blasphemabaris & obsecrabas, tanquam purgamentum

tum huius Mundi factus eras, & omnium per-  
ipfema, in omnibus te exhibebas sicut Dei mini-  
strum, in multa patientia, in tribulationibus, in  
necessitatibus, in angustiis, in plagis, in carce-  
ribus, in seditionibus, in laboribus, in vigiliis,  
in ieiuniis, in sanctitate, in scientia, in longa-  
nimitate, in suauitate, in Spiritu sancto, in  
charitate non ficta, in verbis veritatis, in vir-  
tute Dei, per arma iustitie a dextris, & a sini-  
stris, per gloriam & ignobilitatem, per infamiam & bonam famam, ut seductor, & ve-  
rax, sicut qui ignotus & cognitus, quasi mo-  
riens, & ecce vivebas, ut castigatus, sed non  
mortificatus, quasi tristis, semper autem gau-  
dens, sicut egens, multos autem locupletans, ni-  
hil habens, & omnia possidens. quæ tibi erant  
lucra, pro Christo arbitrabaris detrimenta, quia  
seruus Dei eras, hominibus non placebas. Ser-  
ue Dei, qui raptus es ad tertium calum, qui  
nunc sanctissimo Trinitatis aspectu frueris, bo-  
narum omnium rerum auctorem illum ora, ut  
seruitutis, cuius exempla dedisti, imitatores ha-  
beas multos. Sed qui fieri potest, ut sine lachry-  
mis formam serui Christi exprimam, cum ip-  
se a nobilissimo hoc seruitutis genere longissime  
absim?

*absim? an non mihi seruiro? non timeo verbum  
asperum? an non sum ingratus in Dominum,  
qui me tam nobili seruitutis genere nobilitauit?  
Sed iam audiam Pastorem Pastorum Christum,  
seipsum exprimentem, & boni pastoris formam,  
mihi & alijs Episcopis proponentem. Cogno-  
sco, inquit, oues meas, & cognoscunt me mea:  
& alibi, Bonus pastor ponit animam suam pro  
ouibus suis: quas cognoscit, instruit, ut magi-  
ster; reprehendit, arguit, monet, fouet ut pa-  
ter; sanat ut medicus. Is magister maxime lau-  
datur, qui utilia, breui tempore, si fieri possit,  
sine fuce & ostentatione, & nullam exigens  
mercedem docet; & eo magis laudatur, quo sua  
doctrinam libentius communicat, nihil celans,  
& ad omnium se infirmitatem & captum de-  
mittens. Huius magistri formam expressit S.  
Paulus verbis illis: Ego, fratres, non potui vo-  
bis loqui, quasi spiritualibus, sed quasi carna-  
libus; tamquam paruulis in Christo, lac vobis  
potum dedi, non escam, nondum enim poteratis,  
sed nec nunc potestis: adhuc enim carnales estis:  
& alio in loco, Facti sumus paruuli in medio  
uestri, tamquam si nutrix foueat filios suos, ita  
desiderantes vos cupide videre, volebamus tra-  
dere*

dere uobis non solum Euangelium Dei, sed etiam animas nostras, quoniam charissimi nobis facti estis. Quo docendi munere fungens, alio in loco, paterno affectu, his verbis utebatur: Nescitis, quoniam corpora uestra membra sunt Christi? tollens ergo membra Christi, faciam membra meretricis? absit, an nescitis, quia qui adhaeret meretrici, unum corpus efficitur? Erunt enim, inquit, duo in carne una: qui autem adhaeret Domino, unus spiritus est, fugite fornicationem: & paucis interiectis verbis, verissimam docet sententiam: Empti enim estis precio magno, glorificate & portate Deum in corpore uestro. Cumq. omnia hominum genera instruere sibi proposuisset, singulos, & uniuersos paucis verbis docet, cum dicit: Vnusquisq; in qua uocatione uocatus est, in ea permaneat: seruus uocatus es? non sit tibi cura, sed et si potes fieri liber, magis utere. Et docens patientiam, & equitatem animi in hac communi quotidianaq. uita, maxime necessariam, praeclarissimum hoc tradit praeceptum: Debemus autem nos firmiores imbecillitatem infirmorum sustinere, & non nobis placere. Vnusquisque uestrum placeat proximo, in bono ad adificationem. Et  
enim



enim Christus non sibi placuit, sed, sicut scriptum est, Improperia improperantium tibi ceciderunt super me. Elementum sapientie Christiana, hoc est, humilitatem docens, documentum affert salutare, cum dicit: Quid habes, quod non accepisti? si autem accepisti, quid gloriaris quasi non acceperis? Eodem, etiam magistri munere fundus est, cum Principibus, & Regibus, & omnibus, qui ceteris dominantur, praecepta modestiae, & charitatis tradit: cum subditos ad obedientiam, & ad honorandos eos, qui potestate praediti sunt, instruxit: cum mulieribus documenta continentiae, castitatis, & pietatis dedit: cum matrimonio iunctos, fidem et obsequium docuit: cum viduas ad orationem, ad ieiunia, ad opera pietatis, & ad alias excellentes virtutes excitavit: cum Virgines & laudavit, et in sancto proposito confirmavit: cum servos, ut non serviunt ad oculum, sed in Domino monuit: cum patres familias acriter reprehendit, qui filios suos non erudiunt: cum divites ad moderationem, ad vitandam superbiam excitavit: cum pauperes ad patientiam, & ad humilitatem hortatus est: cum denique omnibus hominum

:m:rob

E

ge-

generibus salutaria ad bene viuendum praecepta dedit. Cum de forma loquendi, qua utebatur, diceret, his verbis est usus loquimur non in doctis humana sapientia verbis, sed in doctrina spiritus, spiritualia spiritualibus comparantes. Et eodem in loco: Veni non in sublimitate sermonis aut sapientiae idemq. alijs verbis exprimens, dicebat: Sermo meus, et praedicatio mea non in persuasibilibus humana sapientia verbis, sed in ostensione spiritus et virtutis. Quibus locis, quod sit pastorale docendi genus, facile perspicui potest: genus docendi minime vanum, ab omni ostentatione alienum, salutaribus sententijs abundans, spirituali facilitate, et suauitate plenum. Quid, pastor infelix, qui alios doceo, me ipsum non doceo? qui varietate sententiarum, et multitudine verborum obruo potius animas Christi, quam instruo? Sed formam patris iam exprimamus. Quis sperat amorem, quo, naturali quadam lege, pater filios complectitur, oratione consequi posse? nullus, ut opinor: cum filius sit patris portio, cum patres in filijs seipsos intueantur, sibi ipsis indulgeant, vitam sibi propagare, et quasi immortales effici videantur:

deantur : quo fit ut superbum animal homo,  
a nemine virtutibus se vinci libenter patia-  
tur, aut confiteatur, nisi a filiis, quia re vera  
cum ab illis superantur virtutibus, aut doctri-  
na, vincere potius seipsos, quam vinci ab alijs  
putant. Quae cum verissima sint, de cibo, de  
educatione, de vita, de commodis, de existi-  
matione, de salute filiorum suorum, natura  
docente, ita sunt solliciti parentes, ut eorum  
commoda, & salutem, suis commodis, & sua  
saluti praeferant; magnis laboribus, & sollici-  
tudinibus, eis victum queraut; omniaq. sua  
studia ad eorum commodam referant, nihil ve-  
hementius in hac vita optantes, nihilq. maiore  
assiduitate a Deo petentes, quam ut eorum  
filij sint, quam beatissimi. Paternum hunc  
affectum, populorum pater expressit illis ver-  
bis: Non ut confundam vos, hac scribo, sed  
ut filios meos charissimos moneo: nam si de-  
cem millia pedagogorum habeatis; sed non  
multos patres; nam in Christo Iesu per Evan-  
gelium ego vos genui: ac si diceret: Parentes  
quidem filiorum suorum causa, multis mole-  
stijs & sollicitudinibus afficiuntur, sed illis  
delectantur, illis gaudent, quia pro liberis su-

sceptæ sunt. quamquam enim curæ ipsæ amara sint, quoniam tamen ad liberorum utilitatem referuntur, voluptatem pariunt. Paternum amorem idem, summi Patris imitator, Paulus expressit, illis verbis: Quid vultis? in virga veniam ad vos; an in charitate? in spiritu mansuetudinis: & alio in loco, Quid dicam vobis? laudo vos in hoc? non laudo: & paternum amorem suum magis etiãnum exprimens dicebat: Filioli mei, quos iterum parturio, donec formetur Christus in vobis: currebatis bene; quis vos impediuit veritati non obedire? utinam & abscindantur qui vos conturbant. Et quia nihil est quod pater pro filiorum commodis non aggrediatur, paterno amore affectus vir idem sanctissimus flectit genua ad patrem Domini nostri Iesu Christi, ex quo omnis paternitas in cælis; & in terra nominatur, ut det filijs suis secundum diuitias gloriæ suæ virtutem corroborari per spiritum eius in interiori homine. Audiam ipse, quod exemplum populorum pater exhibuerit. Quotidie morior, inquit, pro vestra gloria, quam habeo in Christo Iesu Domino nostro. et alio in loco, Veritatem dico in Christo,

sto, non mentior, testimonium mihi perhibente  
conscientia mea in Spiritu sancto, quoniam  
tristitia mihi magna est, & continuus dolor  
cordi meo; optabam enim ego ipse anathema  
esse a Christo pro fratribus meis, qui sunt co-  
gnati mei secundum carnem. Optas nobilis  
Christi legate, optas fidelis serue, optas bone  
pastor pro fratribus tuis, pro eiusdem cælestis  
patris filiis, pro eisdem Christi fratribus, pro  
filiis tuis, pro tuis ouibus anathema esse? cu-  
pis separari a Christo? a desiderato illo? priua-  
tus luce cupis esse in tenebris? sine duce cupis  
errare? sine veritate uis decipi? sine uita cu-  
pis manere in morte? quid cupis sancte Pau-  
le? cupis tu pœnam anathematis, non culpam;  
queris tu gloriam Dei, non tuam; communi-  
cari desideras summam illam Dei bonitatem;  
perire cupis, ut multi salui fiant; optas, quod  
fieri non potest. Vas enim electionis es; ra-  
ptus ad tertium cælum uidisti Dominum; pa-  
rata qua tibi erat, cælesti hereditate nunc frue-  
ris. Sed nunc admiror ego paternam tuam  
charitatem, & lugeo quia ab ea longissime  
absom. Pastor alit gregem suum, eiusq. ca-  
lamitatibus subuenit, Christum imitatus, qui  
ani-

animam etiā posuit pro ouibus suis. Egregia exempla charitatis in populos prabuerunt Apostoli: qui Diaconos delegerant, qui uiduis, & pauperibus ministrarent; hereditatem Christi, pauperum patrimonium, egentibus diuiderent; pauperibus sua distribuere. Pastor ouium gregem suum, morbo aliquo affectum, sanare studet: pastor animarum grauib; & uarijs morbis, quibus conficitur grex, eius fidei commissus, medicamenta adhibet. Ut autem ars medica potissimum consistit, in addendo quod deest, & in detrahendo quod abundat: ita medicina spiritualis in hoc maxime est posita. Quare bonus medicus animarum, hortationibus, regulis uarijs Christianos mores & pias consuetudines semper conatur inducere, peccata, omnesq. peccandi occasiones studet euellere. Et similibus fere instrumentis utitur anima medicus, ut medicus corporis; nam interdum quibusdam regulis, ieiunijs, & abstinentijs animam sanat, uarijs pœnitentijs purgat, ferro etiam interdum utitur ad excindenda illa membra, quibus populus possit contaminari. Exemplar medicorum omnium fuit Christus medicus, & medicina salutaris humani generis;



ris; quem sanctus Paulus imitatus est maxime, cum populis, quos curandos susceperat, omnium generum medicamenta adhibuerit: qui utilitates sanctissimorum sacramentorum, quae sunt veluti salutaria medicamenta commemorat, ut pluribus in locis licet animadvertere: qui interdum tristitia afficit eos, quos amat: quod fecerat, cum dixit: Si contristavi vos in epistola, non me poenitet, etsi poeniteret, videns, quod epistola illa, etsi ad horam, vos contristavit; nunc gaudeo; non quia contristati estis, sed quia contristati estis ad poenitentiam; contristati enim estis secundum Deum; ut in nullo detrimentum patiamini in nobis. Et alio in loco, acriori medicamento utens, ait se tradiisse quosdam Sathanae, ut eorum anima salua fierent. Imperitus ego animarum medicus. quid dicam nunc, & in adhibendis medicamentis nimis admodum cautus. De speculatore animarum iam loquamur, qui nihil omittit eorum, quae ad salutem animarum pertinent: qui, veluti Zelotypus, vel minimos nutus, & leues occasiones, quibus anima a Sathana abstrahi possent, observat. Magna sollicitudine animi explorat ipse, & exploratores alios mercede conducit; ac, veluti sol,



virtutum radios per diocesim suam emittit, ipse charitate incensus lucet doctrina, & charitate ardet. Formam Episcopi descripsit Paulus, nec descripsit solum, scribens ad discipulos suos, Timotheum, et Titum, quos Spiritus sanctus, ut ipsemet scribit, posuerat Episcopos regere Ecclesiam Dei, quam acquisiuit sanguine suo, sed eximij etiam virtutibus suis expressit. Itaque gloriam dixit Episcopi, testimonium bonae conscientiae in simplicitate, & sinceritate Dei: Episcopum esse bonum odorem Christi eius: gloriam esse, filiorum suorum gloriam: laudem Episcopalis muneris, esse solitudinem Ecclesiarum; Episcopum bonum, gloriam habere in infirmitatibus suis, & inhabitare in eo virtutem Christi, placere sibi in infirmitatibus, in contumelijs, in necessitatibus, in persecutionibus, in angustijs pro Christo. cum enim infirmatur, tunc potens est, scire egere, scire abundare, cupere dissolui & esse cum Christo. interdum necessarium putare, manere in carne propter populorum salutem; absentem etiam curam animarum habere; ineptas & aniles fabulas deuotae; exercere seipsum ad pietatem; attendere sibi, & doctrina; instare in illis, ut seipsum saluum

saluum faciat, & eos qui audiunt; manus cito nemini imponere, non cōmunicare peccatis alienis, seipsum castum custodire, seclari iustitiam, fidem, charitatē, mansuetudinem; bonum certamen certare, ut superatis acerrimis inimicis, satellitibus Sathana, quibus ille ministris utitur, ad perditionem animarum, vitam consequatur aeternam. Maxime etiam ad Episcopum pertinet, depositum custodire: sanctorum Apostolorum traditiones, ut uoces Spiritus sancti, venerari; profanas uocum nouitates, noua omnia dogmata deuotare; stultas & sine disciplina quaestiones fugere, quia inutiles & uanae sunt, & generant lites, & perturbant charitatem. Bonum opus, magnum laborem, magnam sollicitudinem esse Episcopatum, sanctus Episcopus Paulus scripsit. Episcopi autem formā depingit pulchris coloribus, ut sit inreprehensibilis, unius uxoris, sobrius, prudens, ornatus, pudicus, hospitalis, procliuus ad docendum, non uinolentus, non percussor, sed modestus, non litigiosus, non cupidus, sed domui suae bene praepositus, filios habens subditos cum omni castitate, non neophytus, ne in superbiam elatus in iudicium incidat Diaboli: & addit, oportere il-

F lum

lum testimonium bonum habere ab illis, qui foris sunt, ut non in opprobrium incidat, & in laqueum Diaboli. Quid? oblitus est uir sanctus, tanta humanitate ornatus, conditionis humana? irreprehensibilem uult esse hominem, cum septies in die cadat iustus? cum ipso princeps Apostolorum, Vicarius Christi reprehensus sit? Gentium doctor, mortalis peccati labe minime commaculatum uult esse Episcopum, assuetum tentationes superare, & sathanam uincere, ut ipse inuictus Christi miles, & fortissimus athleta, uincere consueuerat. Bigamos, ut continentiae seruanda parum idoneos, ad munus Episcopale, cui magnum castitas ornatum affert, non admittit. Prudentiam requirit, ut qui multis praest, multorum etiam salutis consulat, temporis rationem habeat, sciat tacere interdum, sciat ferre aliorum impetus, sciat denotare ineptias, sciat malitiosos conatus frangere. Ornatum requirit: quem ornatum? morum aquabilitatem, decorum, auream in omnibus rebus mediocritatem. Requirit in Episcopo pudicitiam, ut hac in re Christum imitetur, ut dignitatem Episcopalem tueatur. Episcopalem uirtutem proponit hospitalitatem, ut  
Chri-

*Christi minister, Christi membra excipiat. Quoniam autem errorum plena sunt omnia, et novas quotidie falsitatis auctor fallendi artes excogitat; idoneum & procliuem ad docendum vult esse Episcopum, in lege Dei versatum, illis instructum disciplinis, quibus recta vita rationem populis possit ostendere. Domesticum dæmonem ebrietatem, quam parit vinolentia, videtur eijcere etiam sanctus Apostolus, unico verbo, cum dixit: Oportet Episcopum non esse vinolentum. Cum autem maxime acerrima reprehensiones & iurgia perturbent & irritent animas, Christi sanguine redemptas, & nihil sit modestia amabilius, vult eum esse non percussorem, sed modestum, non litigiosum, quia nuncius est pacis, quia nihil aliud debet studere, quam populos Deo conciliare, non cupidum rebusq. externis intentum, sed avidum salutis sue, & aliorum; sua domui bene prapositum, filios habentē subditos cum omni castitate: quia, ut ipse alijs hominibus omnium virtutum propositum est exemplum, ita eius domus recta disciplina debet esse veluti speculum. Neophytum excludit sanctus Apostolus, ne novitas superbiam afferat, superbia vero calamitatem.*

*Vltimo loco, ut omnibus nobilissimam Episcopi formam coloribus depingat, testimoniū bonum habere ab ijs, qui foris sunt, optat, ut non contemnatur, ut illum contemptum desperatio, & laqueus Diaboli non consequantur. Quid dicā ego? nonne sanctus Episcopus Paulus, Episcopis exemplum propositum, per infamiam & bonam famam populo Dei consuluit? mihi ipsi respondendo. fuere qui eum insanire dixerunt: fuerunt qui eum, ita permittente Deo, calumnijs exercuerunt: at se mentiri, teste conscientia, nouerant. Postquam illi uoci, Saule, Saule quid me persequeris? illis verbis respondit, Domine quid me vis facere? testimonium bonum habuit ab ijs, qui foris sunt. Vixit sine querela nullam occasionem praeiuit, qua quicquam de eo mali loqui, aut suspicari possent homines. Exemplo docuit omnes virtutes, fidem, spem, charitatem, humilitatem, patientiā, perseuerantiam, pudicitiam, iustitiam, fortitudinem, temperantiam: suis precibus alios ad orandum excitauit: sua mansuetudine remittendas iniurias docuit: laboribus manuum suarum, quā detestaretur otium, quā contemneret diuitias, & huius saeculi commoda, ostendit. Omnium generum homi-*

hominibus, Episcopis, Sacerdotibus, omnibus  
Ecclesiasticis ordinibus, Regibus, Principibus,  
diuitibus, pauperibus, nobilibus, ignobilibus, ui-  
ris, mulieribus, et illis quidē viduis, matrimonio  
iunctis, virginibus, dominis, seruis, praecepta ad  
recte viuendum tradidit. Ipse succum uera phi-  
losophia, e caelesti sapientia, e caelesti doctrina, e  
sacris litteris, e diuino illo penu in ciuitates, &  
in priuatas domos deduxit: eius legatione ad  
amorem Dei quā plurimos excitatos esse, &  
quotidie excitari; seruitute eiusdem ad seruitu-  
tem Christi, non paucos incitatos, sua pastorali  
charitate ouile Christi auctum; eius demum sol-  
licitudine populū Dei propagatum, sancta Chri-  
sti sponsa gaudet Ecclesia. Me indocilem, ne  
dicam; infelicem, qui a Christo magistro, ab  
hoc beatissimo Apostolo, eius voluntatis inter-  
prete, tanto temporis spacio, ne elementa qui-  
dem pastoralis artis didici. Iam vero non erit  
fortasse alienum, nec iniucundum, formam,  
quam varijs depingi coloribus, uno penicillo in  
breuiori tabula depingere. Id ego sane liben-  
ter facio, ut mihi sanctum Paulum, episcopa-  
lium omnium virtutum exemplar, nunc in  
primis ante oculos habenti, in animo magis  
ha-



habeat. Itaq. effingamus Episcopum, tam  
magno & plane digno officio dignum; et dica-  
mus esse hominem, gloriam Dei semper ante  
oculos habentem, humana contemnentem,  
suam & aliorum salutem quarentem, labores,  
vigilias, famiem, sitim, omnia corporis incom-  
moda, peruersorum hominum, domesticorum  
etiam, inimicorum insidias a quo animo feren-  
tem, persecutiones, ergastula, vincula, si opus  
sit, accusationes, tribunalia, lapidationes, vir-  
garum supplicia, cruciatus, pericula in terra,  
pericula in mari, naufragia, pericula flumi-  
num, pericula ex genere, pericula ex falsis fra-  
tribus pro salute aliorum fortiter subeuntem:  
qui spectaculum Angelis, et hominibus, medius  
inter homines & Deum constitutus, pro sua,  
aliorumq. salute, sine intermissione orat, lachry-  
mis diuina misericordia ianuam minime clau-  
di sinit: qui infirmitate aliorum infirmatus,  
populorum scandalis vititur: qui omnium ge-  
nerum hominibus, recte viuendi praecepta tra-  
dit, & documenta suis confirmat virtutibus:  
qui interdum gratias agit pro alijs, alios acriter  
accusans, quosdam gaudium suum, & co-  
ronam suam nominans, quibusdam amentiam  
suam



suam obijciens; nonnullis, rectum caelestis patriae iter ingressis, comitem se adiungit: quorundam alacritatem sua alacritate excitans, alios a recta via declinantes, in viam ducens, populum Christi tueri, et a Sathana insidijs studet defendere. ad perseverantiam suo exemplo exsuscitans; ab Ecclesiae communionem, quantum in se est, magno tamen cum dolore, quosdam, ut exemplo sint ceteris, excludens; saepe negligentiam suam, saepe aliorum peccata lūgens; aliquando ad auditorum captum se demittens, paulo post eos subuehens; virgam congruis temporibus minitans, saepe clementia spiritum praefereens; apud arrogantes & elatos, quando opus est, seipsum efferens, apud humiles seipsum deiciens; vocans interdum se minimum Episcoporum, inutilem servum Christi, humanas laudes fugiens, eas, ut flagella, existimans, libera interdum voce utens; documentum recte vivendi se daturum promittens, non immoderate hanc vitam plenam, periculis, et arumnis amans, cupiens aliquando dissolui, ferens tamen arumnas huius exilij; quia necessarium putat vivere ob aliorum commoda; infirmitatibus & afflictionibus suis,

ut

ut ornamentis glorians; in Christi Iesu Domini nostri mortificatione sibi placens; non doctrina, non eloquentia, non diuitijs, non opinione hominum, sed spiritualibus donis exultans; corpus, velut insidiosum inimicum, & domesticum aduersarium, domans; priuatis commodis neglectis, aliorum commodis inseruiens. Quibus bonis ornatus, quasi immolat semetipsum Christo; tuetur sponsam Christi Ecclesiam; nihil eum separat a charitate Christi; eius anima est adamantina in tribulationibus; sollicitudo Ecclesiarum urget illum: & quoniam suo officio se deesse timet, nocte, & die ex eius oculis fontes exeunt lachrymarum, quibus eius negligentia, & populi sordes purgentur: nec necessario indulget cibo præ feruore, & studio prædicandi; veluti ignis, diæcesim percurrit suam; nec infirmitatem corporis, nec multitudinem circumstantium undique negotiorum causatur: quotidie ardentior assurgit, nulla pericula extimescit, noua semper alacritate cum inimicis Christi pugnat; periculorum, quæ euaserit, obliuiscens; noua, quando opus est, adit, in periculis sibi placet; inter mundi, carnis, Sathana insidias ouans,  
de

de eorum impugnatione, Christo duce, victo-  
riam semper sperat; affectus iniurijs & male-  
dictis, triumphat; paupertatem, quam opulen-  
tiam; laborem, quam requiem; marem, quam  
voluptatem libentius sentit; studiosius pro ini-  
micis orat, quam pro amicis; nihil formidat,  
aut metuit, nisi offensam Dei; imperia & re-  
gna, arenam putat; nihil asperum, nihil suave  
reputat: despiciit vniuersa, quæ cernimus; po-  
tentes viros, principes etiam, furentes populos, si  
contra Deum aliquid moliuntur, nihil facit; ca-  
lumnias, supplicia, cruciatus, mortem etiam ip-  
sam, quasi ludum puerorum putat, dummodo  
propter Christum aliquid sustineat; dolorem  
gratiam nominat; quæ alijs causa sunt tristitia,  
ipsi pariunt voluptatem; consolationem excipit  
ex lachrimis: tristitia magna et continuus dolor  
ei est pro salute animarum; veluti pennatus or-  
bem lustrat; veluti incorporeus labores, et peri-  
cula adit; diligit inimicos, beneficus est in insi-  
diatores: quanto magis ipsi eius inimici insul-  
tant, tanto magis eorum miseretur insania; ut  
indulgentissimus pater afficitur erga filios, phre-  
nesi comprehensos: quorum quanto maiora sunt  
conuicia, et ictus, tanto magis eorum miseretur;

insultantium filiorum suorum impetum retardat, aliquam semper reperit excusationis speciem, ne oriantur scandala, aut ipsi in desperationem incidant cum peccatoribus modeste loquitur, timens ne humiliet eum Dominus apud illos: ab Ecclesia gremio separat publicos peccatores, cum lachrymis, et cum gemitu, quasi omnes, qui in sua diocesi sunt, genuisset, ita singulorum causa affligitur, sic de singulis est sollicitus, sic ad regnum Dei studet omnes adducere, docendo, pollicendo, terrendo, Sathanam, eiusque satellites fugando, idque assidue, et diligenter facit sollicitudine, vita exemplo, sermonibus, et concionibus erigit laborantes, humi iacentes allevat, sanat contritos, torpentes excitat, inimicis Dei insonat terribiliter, eos minaciter intuetur, non in spiritualibus solum, sed in temporalibus etiam plurima sollicitudinis sue exempla prestat: commendat interdum filios suos, exemplo sancti Pauli, qui interdum Phæbem commendavit: Christi hereditatem, patrimonium pauperum, ut fideles Christi æconomus, distribuit: nullam ob causam, nisi ob sua, aut aliorum peccata, dolet: ingemiscit saepe radio huius peregrinationis, et huius exilij, et mortis tenetur desiderio, uirtus

ac multiplex, non dissimulatione, sed charitate ex-  
 gloriat, interdum in Domino recte facta pa-  
 tescit, quæ audientibus utilitatem aliquam pos-  
 sint afferre; in contemptores mandatorum Dei  
 acriter inuehitur, eos tradit Sathana ad sa-  
 lutem: cū loquitur, nec sibi placet, nec alijs suadet  
 placere: fructum ex suis sermonibus, non circun-  
 stantis corona, applausum querit. Cum autē ad  
 Episcopum maxime pertineat interpellare pro  
 populo, pro sua, & aliorum salute sacrificia of-  
 ferre, in hac diligentiam magnam adhibet: ca-  
 uet ne deuotionis fons in eo fœcet, vino illo  
 caelesti corda hominum exhilarante, balsamo illo  
 omnem morbum sanante, deuotione nimirum,  
 seipsa recreat: cum Deo saepe loquitur, sanctis-  
 simum Moysen iuitans, qui dicebat: Aut par-  
 ce populo huic, aut dele me de libro vite. Hic  
 est oculus cæco, pater claud, pater pauperum: hic  
 causam, quam nescit, diligentissime inuestigat;  
 conterit molas iniqui, & de dentibus eius au-  
 fert prædā; de manu huius sanguinem populi  
 Dominus non requirit, quia dux est, & specu-  
 lator. Ecclesia uigilans, custos gregis minime cæ-  
 cus, canis minime mutus, sed latrans, hic pascit  
 gregem suum, ex sententia Apostolorum princi-

pis, quia non dominatur in clero, sed forma fit gregis ex animo. hic, quid intersit inter sanctum, & pollutum, inter mundum, & immundum, minime est ignarus. hic non in muneribus iudicat, neque in mercede docet, sed ad Dei gloriam, & ad sua, aliorumque anima salutem refert omnia consilia, & facta sua. Hic sacrarum Virginum defensor, & tutor. hic haeticorum, blasphemorum, maleficorum, & sortilegorum vindex acerrimus. hic vir Dei, Angelus Dei, sanctissima Trinitatis nuncius, os Christi, eiusdem fidelissimus seruus, amicus, & frater, coheres etiam futurus caelestis patriae. hic pastor animarum, magister in sancta Ecclesia Dei, pater catholici populi, optimus animarum medicus. hic est Episcopus, animarum dux, prauorum morum extirpator, sanctarum virtutum seminator, crucis Christi defensor, verbi Dei predicator, inuictus miles, qui, sub vexillo crucis Christi militans, perpetuo contra sathanam pugnat, qui eius discipulum Mundum, varijs modis animas Christi contaminantem, saepe confundit. hic est successor Apostolorum, in partem sollicitudinis Vicarij Christi vocatus, minister Christi in hac militanti Ecclesia, in il-



la autem triumphanti, sanctorum Confessorum socius futurus. Hic disciplina Christi orbis: hic salus Ciuitatum & populorum. Huic terribile est contradicere: non enim hunc visibilem quis spernit, sed illum inuisibilem in eo contemnit, qui non potest a quoquam contemni. Hic est, quem descripsi, cuius figuram in exigua etiam tabella, mihi uni proposui.

Clemētissime cali & terra Domine Iesu Christe, unigenite fili Dei, quando ego hanc speciem Episcopi considerans, in ea, veluti in speculo, pericula quæ mihi imminēt, perspicio, maximo mœrore confectus, pœnitentia, lachrymis, & sollicitudine, mihi ipsi mederi, & proximam calamitatem auertere studeo. Non intres Domine, in iudicium cum seruo tuo; non admittantur acerrimi illi accusatores, quibus ueluti calceatibus orationibus usus es, horribili illo die, quod astabimus ante tribunal tuum omnes, reddituri rationem nostræ villicationis: ne audias Domine seruum tuum Malachiam, his verbis me acriter accusantem; Noluit audire, noluit ponere super cor, ut daret gloriam nomini tuo, maledices igitur illum, quoniam non posuit super cor. Claude eo die aures tuas Domine Exechieli



ehieli dicenti; Seipsum pascebat, & lac comē-  
 debat, lanis tegebatur, gregem non pascebat,  
 quod infirmum erat nō corroborabat, quod con-  
 fractum erat non obligabat, quod errabat, in vi-  
 am non adducebat, nec quod amissum erat, re-  
 quirebat. Require oves, de manu eius, & illas  
 ei penas irroga, quas equum est irrogari. Non  
 pateant aures tue Domine Hieremie, qui hor-  
 ribilia illa verba proferet; Stulte egit hic pastor,  
 te Dominum non exquisiuit, ob eamq. causam,  
 intelligentia caruit, populus dispersus est, disper-  
 sit oves suas, non congregavit: Vliscere.  
 Dulcissime Iesu Christe per sanguinem illum  
 tuum preciosissimum, quo iustissimam celestis  
 Patris iram in genus humanū mitigasti, cumq.  
 nobis reconciliasti, hoc impetrem a te, ne admit-  
 tatur ad me accusandum Isaisas, cuius verba  
 illa, terrorem mihi semper incutiunt; Non cla-  
 mauit, cessauit, non quasi tuba exaltauit uocem  
 suam, non annunciauit populo scelera eorum.  
 Audeo loqui Domine, Rex tuus, mea fidei tra-  
 ditus, non tam mea cura, quam precibus sancti  
 Zenonis, & studio, ac diligentia eorum, qui ante  
 me fuerunt, sanctissimorum Episcoporum, ca-  
 tholicus est: populus sancta matris Ecclesiae lacte  
 est

est nutritus; non prorsus intelligentia caret, non  
est omnino dispersus, oves tuas, fateor, non pascō  
ut deberem, non clamo Domine, cesso Domine,  
fugio Domine verbum asperum, non ex alto vo-  
cem meam ut tuba, non annuntio populo meo  
scēlora eorum; Zelus domus tue, ut comedere  
deberet, non comedit me. Ne dicas Domine tre-  
mendo illo die; Dixisti, & non fecisti. Ne dicas;  
Dux ece, nec te, nec alios, quò oportebat, duxi-  
sti. Non cōfundar ego, nō confundantur fratres  
mei huiusmodi vocibus ex ore tuo prolati: Di-  
xistis, & non fecistis, duces fuistis cecorum, mer-  
cenarij pastores fuistis.

Princeps Pastorum, sacerdotum Rex, spon-  
se Ecclesie, Episcoporum forma, & perfectis-  
simum exemplar Christe, te iterum appello, ad te  
ueluti ad misericordie fontem iterum atque ite-  
rum confugio. Illuminasti tu orbem terra, illu-  
strati populos tuo lumine, purgasti Mundum  
multis erroribus, innumerabiles animas ad co-  
gnitionem celestis Patris tui adduxisti. Tu sal-  
terra, qui, tua sapientia condiendum esse Mun-  
dum statuisti: tu uera lux, qui cognitionis lumi-  
ne, & ardore charitatis, gentes in rectas uias  
duxisti: tu, verus magister, artem artium pa-  
scen-

scendarum animarum instituisti: tu fecisti, quæ dixisti: tu unico charitatis verbo pastorale munus definiuisti: tu dignitatem Episcopalem sanctissimo Crucis trophæo nobilitasti: tu lucrandarum animarum præclaram rationem docuisti: tu paupertatem ditasti: tu ex superborum hominum insolentijs, & calumnijs, maximarum virtutum fructus capi posse ostendisti: tu moderationis, tu celi, tu hortationum, tu reprehensionum, tu prudentia, tu misericordia, tu iustitia, liberalitatis, longanimitatis, humilitatis, obedientia, patientia, perfectissima charitatis populis, ipsisq. in primis eorum Pastoribus exemplum reliquisti: nominaſti Apostolos tuos sal terra, nominaſti lucem Mundi: eos salutaris tue disciplina successores, ut saluum faceres orbem terræ, esse uoluisti. Ministri tui serui tui, pastores gregis tui dispensatores misteriorum Dei, præcones celestis patriæ, lucis Angeli appellati sunt Apostoli tui, nascentis Ecclesiæ Episcopi. Beatissimus ille Apostolorum chorus, sanctam tuam, Domine, propagauit Ecclesiam: & magnis, uarijsq. itineribus, innumerabilibusq. huius uitæ difficultatibus, martirio etiam ipso eam auxit. Multis annis, quibus iacta sunt uerissi-

ma religionis tue fundamenta, eisdem creuit populus tuus, paupertate, laboribus, martyrio. Fuerunt in Aphrica, fuerunt in Asia, fuerunt in Gracia, in nobilissimis urbibus, qui legem tuam, & sanctos Apostolos imitati, mortem pro nominis tui gloria non recusauerunt: qui tyrannis fortiter resisterunt; qui odia Principum, non extimuerunt; qui pro defensione sponsa tua, contra hereticos fortiter pugnantes, nec paupertatem, nec exilia, nec mortem formidauerunt. Nouos Abeles non semel, sed per singulos dies immolatos; nouos Noe, absque arca, qui undas impietatis enauigauerunt; nouos Abrahams, non modo a patria, & gente, sed ab humana etiam vita abscissos; nouos Isaac sponte in hostiam oblatos; nouos Iacobos, quasi pro totius Mundi grege inuigilantes; nouos Iosephos, spirituali fame tabescente Mundo, veritatis alimenta distribuentes; nouos Moyses, qui gentes a tyrannide Diaboli reduxerunt ad Christum; nouos Aarones, totius Mundi populi inuitos sacerdotes; nouos Phinees impietatem, quasi fornicationem mentium, vno mucrone confodientes; nouos Dauides, qui Goliath, Sathanam ad certamen prouocauerunt;

H

Elias

*Elias nouos , clarius raptos in calum ; nouos  
 Eliseos, qui gentes ab interiore pollutione mun-  
 dauerunt , nouos Ezechias , qui ad vnā fi-  
 dem Christi diuersos populos attraxerunt ; no-  
 uos Iosias , qui abominationes desolauerunt, et  
 perdiderunt ; nouos Ioannes pro Christo capite  
 truncatos ; nouos Gabrieles , qui Christi ortum  
 cunctis gentibus nunciauerunt ; nouos Michae-  
 les , quibus datum fuit , vt essent Christiano-  
 rum duces , habuit sancta mater Ecclesia ,  
 sponsa tua , Apostolos , & Apostolicos viros ;  
 inter quos excelluit vas illud electionis , tuba  
 illa Euangelij , rugitus ille leonis tui de tribu  
 Benjamin , tonitrus ille gentium , flumen illud  
 eloquentia Christiana , quem nobis exemplar  
 proposuisti , sanctus Paulus , eiusdem humane  
 natura infirmitatibus subiectus , quibus nos. sed  
 voluntate , et robore animi multo praestantior.  
 Non sumus imitati egregiam formam . ego  
 multo minus quam ceteri , non tam quia non  
 potuimus , quam quia studium & diligentiam  
 adhibere nolimus . Aduuas enim tu om-  
 nium inuocantium te in veritate , & pro glo-  
 ria tua laborantium infirmitatem . Sed quid ?  
 numquid oblitus est misereri Deus ? miseri-  
 cordia-*

*cordiarum eius antiquarum memoriam deleuit obliuio? Clementissime Pater cali & terra, qui ut iustissimam iram, in genus humanum primorum parentum conceptam, deponeres, unigenitum filium tuum, in Mundum misisti, ut Deus calamitatibus Mundi remedium afferret, & homo omnium virtutum exemplum relinqueret, utq. pastoralis muneris disciplinam doceret, errantem ouem in viam reuocaret, orbi iam grauissimis morbis confecto; salutaria medicamenta proponeret, atque etiam afferret. Quid? miserum seculum, plebs tua, anima imagine & similitudine tua decorata; preciosissimo immaculati Agni sanguine redempta; quid cali, & terra Domine, mortis destructor; Sathana debellator, patieris dominari Sathanam? feres populum tuum, gregem tuum perire? sponsa seruorum tuorum Episcoporum, pro quibus tuendis, glorioso martyrio vitam hanc finierunt, iacent squallida, mutata facie, sordida, & innumerabilibus calamitatibus affecta, impie ab infidelibus tractantur. Constantinopolis, noua Roma, nobilissima Ecclesia, quam sanctissimis Patriarchis dignam iudicasti (infa-*

lix & miserum seculum, deplorandam Orbis  
terra calamitatem) deturpata est. domus tua  
facta est locus abominationis. templum uni-  
genito filio tuo, qui est vera sapientia, dica-  
tum, factum est Sathana, & ministrorum  
eius, Maumethi superstitionem sectantium;  
habitatio. Alexandria, Rhodus, Corinthus,  
Cyprus etiam, & quam plurima alie quon-  
dam sanctorum Episcoporum sedes, mutata,  
deformata, deiecta, conculcata, squalida, vo-  
ces tacite, suspiria, et gemitus emittunt. Da  
Pater, bonorum consiliorum Princeps, cali et  
terra Gubernator, in cuius potestate sunt cor-  
da Regum & Principum, da populo tuo, gra-  
uissimo & periculosissimo morbo confecto, sa-  
lutarem medicinam. doce virtutem maxime  
necessariam, stulte nimium contemptam &  
eiectam concordiam: huius hortatores sint Epi-  
scopi tui, serui tui, maxime omnium Pater, &  
Princeps, Romanus Pontifex. Hanc uero for-  
mam, quam ego seruorum tuorum minimus  
delineaui, tu expressisti. Domine, adiuua, ut  
eam exprimamus exemplo, & verbis. innoua  
in sancta Ecclesia tua illam, quam docuit fi-  
lius tuus, regendarum animarum viam: imi-  
tato-



tatores Apostolorum in Episcopali ordine multifunt, qui placent iram tuam, Domine, lacrimis suis, ieiunijs suis, precibus suis. Te enim prouocant, & quotidie prouocat populus Christianus nouis & grauissimis peccatis. prouocamus etiam te aliqui nostri ordinis; ego maxime omnium, negligentijs & peccatis meis. Si petierimus, certo scio, accipiemus, nisi hasitauerimus: hoc est, si conscientia peccatorum nostrorum nos non deterrebit, sperabimus & consequemur quicquid postulabimus. Exaudisti Domine Moysen orantem pro populo tuo. Exaudisti Domine Dauidem, & alios sanctos Patres. exaudies etiam nos, si digni erimus, quos exaudias. Hac est communis calamitatis spes, hoc desperato seculi morbo solatium, hoc in terris piorum hominum afflictionibus refrigerium; quod renouari pastoralis illa regendarum animarum disciplina cernitur; quod excitata iam sunt, & indies excitantur magis regendarum animarum semina; quod sperantur etiam quotidie maiores fructus pietatis, & religionis in multis. Eos autem ipse imiter; in animo meo imprimatur hac, quam descripsi, forma, ut mihi, quando alijs

non

non possum, hac mea lucubratiuncula saltem  
profecerim. Sine fructu certe hunc laborem  
sumere non potui, cum mihi videam volunta-  
ti illius, quem magnum Dei seruum existimo,  
quem me vnice diligo, ac vehementer obseruo  
esse obsecutus.

# LAUS DEO.



ISIDORI PELUSIOTÆ<sup>55</sup>

EPISTOLA

AD PALLADIUM.

P. GALESINIO PROTONOTARIO APOSTOLICO, INTERPRETE.



*VI* sententiam Apostoli non  
intelligunt, neque eius sum-  
mam animaduertunt sapien-  
tiam, cum nullum ex eo peri-  
culum oriri putent, si diuinas  
leges, quæ ad reipublicæ ratio-  
nem minus pertinent, male interpretantur;  
ij profecto in temeritatis, & dementia vitium  
incidisse videntur. quid enim illud sane est,  
quod ij, qui honores sitiunt, litteris proditum  
esse affirmant? **SI QVIS EPISCOPA-  
TVM DESIDERAT, BONVM  
OPVS DESIDERAT.** Hoc ipsum sa-  
ne scriptum esse, haud equidem negarim: sed  
in eam sententiam accipi oportere, ut isti vo-  
lunt, nunquam certe dixerim. præsertim cum  
verborum, quæ illam ipsam Apostoli senten-  
tiam consequuntur, ratio eam honorum cupi-  
ditatem, quæ plerique omnes tenentur, maxi-  
me

me coerceat. non enim summum illum Episcopatus honorem, qui regia dignitati praestat, omnibus expetere licet. nam qui in eo gradu collocati sunt, res tum diuinas, tum humanas gubernant et moderantur. sed, ut paucis rem totam complectar, si viri boni et iusti illi quidem sunt, tanto ijs, quibus praesunt, prestabiliores sunt, quanto sane pastores ouibus. Ecqua tandem verba illa sunt, quae sequuntur?

” Oportet enim Episcopum irreprehensibilem esse,  
 ” prudentem, ornatum, pudicum, hospitalem,  
 ” doctorem, patientem, non vinolentum, non  
 ” percussorem, sed modestum, non auarum, do-  
 ” mui suae bene praepositum: si quis autem domui  
 ” suae praesse nequit, quo modo Ecclesiae Dei di-  
 ” ligentiam habebit? non neophytum, ne in su-  
 ” perbiā elatus, in iudicium incidat diaboli:  
 ” oportet, & autem illum testimonium habere  
 ” bonum ab ijs, qui foris sunt, ut ne in oppro-  
 ” brium incidat, & laqueum diaboli. Ecquod  
 harum virtutum officium eiusmodi est, in quo  
 cum laude sane quidem, & recte complures,  
 in quibus ipse fortasse es, versati vitam agunt;  
 quae reprimi nullo modo possit? certe illa sobrio-  
 rum hominum virtus ita in ijs inest, ut vigi-  
 lanti

lanti acriq. sint. mentis & animi sensu; tantaq. temperantia virtus in ijs ipsis elucet, ut non integros modo sensus ipsi habeant, verum etiam petulantes modestos reddant; eosq. plane coerceant, qui ad res inhonestas ac turpes impetu et furore quodam precipites feruntur. Ornatus uero et decori ratio eiusmodi in ijsdem apparet, ut et incessu, & aspectu, & sermone maximam illis, qui ipsos intuentur, admirationem sui excitare possint. nam qui Episcopatum adeptus est, omnium sane virtutum speciem, & quasi imaginem quandam is omni & tempore, & loco pra se ferat necesse est. Hospitales praterca ita sunt, ut egentes homines, & illos quidem, quos minime norunt, domum suam recipiant, eisdemq. cibum suppeditent. Docendi autem munus & officium tam accurate, atque adeo diligenter exequuntur, ut cum rerum diuinarum vis & copia illis non desit; tum certe spiritualium rerum fontes ex eorundem lingua manant. Ad probitatis vero laudem ita insignes, ut neminem contumeliose unquam leserint; ab auaritia labe tam longe absunt, ut quae sibi iure legeq. compararunt, bona pauperibus tribuant.

buant; mala atque iniurias adeo leniter patiuntur, ut alios equo animo ferant, qui temere ipsos iniuriose tractant. Haec quidem atque aliae complures in illis virtutes sunt, quas in optimo pastore describendo Paulus Apostolus expressit. quid igitur est, quod ad insaniam tam insignem eos impellat? illud enim ipsis satis esse debet, sic eorum, qui alijs parent, ordine censentur. nam ea, quae ipsi agunt, praeter eo; cum ob ea ipsa, si ita, ut oportet, res fieret, eo dignitatis gradu iure multarentur. res enim expetunt, quas assequi eis non licet; illamque Episcopatus cupiditatem in se alunt, & Apostoli, qui pestifero eorum morbo mederi studet, testimonium afferunt. itaque ego cum statuissem in illos oratione inuehi, & rem omnem strictim attingere, ostendereque in primis, non optimo iure in Christianis hominibus eos haberi, qui sacras litteras ita calide malitioseque interpretantur; quasi tamen equum, in campo exultantem, freno sustinuissem, non passus equidem sum, me in eam tam magnam difficultatem incurrere, maluique ad Apostoli sententiae explicationem redire. Quid ergo diuinus ille vir, qui multa animo prospexit, summamque  
eam

eam dignitatē recte plane administravit, scriptū reliquit? Si quis Episcopatū desiderat, bonū opus desiderat, neq; dixit: Omnis homo Episcopatum desideret. non id praecepit, non iussit, non lege denique statuit. sed illud ab eo propterea dictum est, quoniam complures nouerat honorum admodum cupidos; et eos quidē nulla virtute praeditos, Episcopatum appetere: neque hos summa illius dignitatis pericula, labores, curas et vigilias considerare. nam quaecumque officia vsui, & adiumento ijs esse possunt, qui alijs parent ea omnia ad illam dignitatem spectant. ecquā tandem eiusmodi sunt officia? eorum scilicet, qui Sacerdotes fiunt, mores & vitam inquirere; esurientibus cibum, potum sitientibus, nudisq. hominibus vestem prabere; eos defendere, qui iniuriosus tractantur; ludentium pupillorum curam suscipere; viduis auxilium ferre; illorum, qui violentur, iniurias persequi; eos reprehendere, qui iniuste imperare volunt; iracundia eorum, qui offenduntur, ardorem restinguere; consolari illos, qui in miserijs versantur; quiue praue agunt, eos denique moderari. Hac omnia, & longe quidem plura, quā, ne omnibus recensendis longius



progredieretur oratio, ego pratermisi; cum in  
Episcopatus dignitate contineantur: nonnulli  
sunt tamen, qui cum summum cum honorem  
nihil aliud esse putarint, nisi summum otium,  
atque animi oblectationem. certe isti cum ne-  
que vires suas expendant; neque dignitatis il-  
lius animaduertant amplitudinem, cupide ad-  
modum provinciam tam difficilem suscipi-  
unt, horumq. periculosam cupiditatem S. Pau-  
lus ut cohiberet, doceretq. in primis eos nego-  
cium eiusmodi, quod plerisque difficile esset,  
aggredi non oportere; illis verbis usus est: Si  
quis Episcopatum desiderat; bonum opus de-  
siderat. Nec verò dixit, Omnis homo cum de-  
sideret, quoniam recte agit. non enim Episco-  
patus cupiditatem, sed honestum illius munus  
atque opus laudare voluit. opus autem rem  
difficilem, quæ fieri vix ullo modo possit, ap-  
pellant non solum eruditi viri; verum etiam  
in hanc ipsam significationem sacris litteris  
ita scriptum est: Virum fidelem inuenire opus  
est. Opus, Vir optime, negotium est, non otium,  
animi sollicitudo, non delectatio, munus publi-  
cum cuius ratio redditur, non magistratus, in  
quem inquiri nō licet, paterna quedam cura et  
guber-

gubernatio, non tyranni imperium principatus, qui prudentia; non potestas, qua temere nulloq. consilio regatur. Ego sane vero Episcopatus officium atque opus eximie laudo, quoniam diuinum est. cum autem qui illius assequendi cupiditate ardet, non plane laudo; neque illum bene agere censeo, quia non intimis animi sensibus ali, sed omnino cūci eiusmodi cupiditas debet. Intuere quaso Paulum, qui in ea muneris exercitatione valde versatus, multosq. labores perpeffus, vulnera et plagas accepit, insidijsq. circumuentus, et cruciatibus multis est affectus; ut, quantum in se positum erat, ex ijs, qui fidei suae concrediti essent, ne ullus quidem periret. Vide igitur, quemadmodum is illos, qui alijs praesse cupiunt, tamquam illiusmodi laborum expertes, honoremq. solum spectantes, perterrefaciat, quasiq. caput mouendo clamitet: Si quis Episcopatum desiderat; secum cogitet, ad quot, & quam magnos labores vocetur; deinde videat diligenter, an eos sustinere recte ipse possit; tum pericula animaduertat, quoniam aduersarij et aperte, & occulte eum oppugnant. Neque mente solum reputet, quanta sit illa dignitas, verum

verum etiam quot se mortis periculis obijciat;  
nec delectationem contempletur, neque in otio  
se fore putet; sed dispiciat, qua insidie, qua  
cura, et sollicitudines sibi parentur. sciantq.  
omnino si quis in illo dignitatis gradu sit col-  
locatus, cum ideo Episcopum creatum esse, ut  
legitime ipse certet, non ut otiosus volupta-  
tem capiat. qui enim solum honorem adeptus  
est; ceteraq. omnia, qua ad Episcopum perti-  
nent, officia neglexit; ex ea quidem re in ma-  
ximam reprehensionem incidet. cum vero  
eam dignitatem morte amittet, tum in iudi-  
cium illud formidolosum; cui integerrimū usui-  
dex præerit, vocabitur; atque ita libere voci-  
ferabunt esurientes: nos ne cibum quidem  
necessarium habuimus, quo uesteremur; iste  
vero omnibus rebus circumfusus, in volupta-  
tibus se se oblectauit, et reliqua ad honorem  
studium contulit. nudi vero dicent; duro anni  
tempore hic se durum ac difficilem nobis præ-  
buit. agri clamabunt quam, inhumanus ac pe-  
ne fercus nobis, morbo laborantibus, hic fuit.  
Et pupilli quidem ita; nos nullum sane adiu-  
mentum ex istius patrocínio habuimus: vi-  
dua vero; consolationem nobis nullam hic præ-  
buit:

buit : in vincula coniecti ; misericordiam hic nobis impartitus non est : miseri & calamitosi ; auxilium hic nullum nobis tulit . Atque si omnes quidem , ut breuiter dicam quorum ille Episcopus fuit , ipsum accusabunt ; quid aquisissimum illum iudicem facturum censes ? an non is in istum , qui honoris gradu melior factus non est , grauius statuet ? id certe cuique perspicuum est . sin autem quis non credit , aut ea negare statuit ; tum eum diuidet , ut Evangelij verbis utar partemq. eius cum infidelibus ponet . Hac igitur cum nos plane cognoscamus ; nihil est , cur negligamus , ac pro nihilo ea putemus , quæ diuina sunt . si enim ad illud nos vix idonei fuimus , ut rerum nostrarum rationem redderemus , quo modo in iudicium veniemus , cum tam multi homines culpa nostra damnabuntur ?

FINIS.

The first of these is the  
 fact that the system is  
 not self-sufficient. It  
 requires a constant  
 supply of raw materials  
 and energy. This is  
 a major problem for  
 the system, as it is  
 not possible to find  
 a source of raw materials  
 which is both abundant  
 and cheap. The second  
 problem is that the  
 system is not flexible.  
 It is unable to adapt  
 to changes in the  
 environment. This is  
 a major problem for  
 the system, as it is  
 not possible to find  
 a way to make the  
 system more flexible.  
 The third problem is  
 that the system is not  
 sustainable. It is  
 unable to maintain  
 itself for a long period  
 of time. This is a  
 major problem for  
 the system, as it is  
 not possible to find  
 a way to make the  
 system more sustainable.

CARDINALIS.  
*A B*  
AVGVSTINO VALERIO.  
EPISCOPO VERONAE,  
DESCRIPTVS.



VERONÆ,  
*Apud Hieronymum Discipulum,*  
M D LXXXVI.

CARDINALIS.

28

AVGVSTINO VALERIO.

EPISCOPO VERONAE.

DESCRIPTVS.

1600



VERONA.

apud Hieronymum Hoffmannum,

M D LXXVI.



CAROLO  
AMPLISS. CARDINALI  
S. PRAEEDIS,  
AVGUSTINVS EPISCOPVS  
VERONÆ.

**N**ON sine magna humani ge-  
neris vtilitate Card: Ampliss.  
auctoris, & principis rerum  
omnium Dei prouidentia fa-  
ctum est, vt nihil infra glo-  
bum Lunæ sit omni ex parte  
perfectum: nimirum, vt superbum animal ho-  
mo demitteret animum, & in cœlum oculos, &  
mentem tollens, ad æternam, in qua perfecta  
sunt omnia, patriam aspiraret. Inde fit vt  
nulla in arte quispiam ita excellat, vt alius in ea-  
dem non possit esse præstantior: nemo tam  
bonus habeatur, aut sit, quin possit indices  
magis proficere, & fieri melior. Est in omni  
scientia atq; artibus (vt scis) quiddam summū,  
est perfecta quædam forma, quam animus  
omnis pulchritudinis, æternitatis etiam capax,  
concepit, quaq; delectatur maxime; eam ta-

men tyrannide corporis retardatus non assequitur. Quare Respub. descripta est, quæ nunquam fuit in terris. Orator depictus, qualis nec fuit nec futurus est ullus. Ea Episcopi forma proposita, quam solus Christus omnino expressit, quam nemo post ipsum, aut quàm paucissimi ob naturæ infirmitatem magna ex parte retulerunt. Quod cum pro tua prudentia optime cognoscas, pulchra specie, nobili forma, & veluti idea rerum magnopere delectaris; voluptas liberalis, & pio homine digna. Quamobrem te Card. figuram optare Romæ mihi indicavit vnus è Cardinalibus Diaconis vir amabilissimis moribus, doctrina, & vitæ integritate insignis Antonius Card. Carafa; ipse eam mente concipiebat, varijs occupationibus impeditus; exprimere non poterat; hortabatur magis; vt tibi obtemperarem: vt ipse aliquid conarer. Quid agerem? recusarem hunc laborem? id sine maxima molestia facere non potuissem. Rudem formam delineavi, quam aut ipse expoliet; aut tu vir pulcherrimarum rerum excogitator, pulchris coloribus exprimendam curabis. Vale vir Dei; & serui diu; vt facis, altissimo.

# CARDINALIS.

**R**ÆCLARISSIMAM  
 Cardinalis formam mente  
 concipiens, eamq; optans effin-  
 gere; unde exordiar? à na-  
 scentis Ecclesie initijs, ab Ec-  
 clesiastica Hierarchia consti-  
 tutione, à Rege Christo, ab Apostolici mune-  
 ris origine, iure exordiendum videtur; ut for-  
 ma, quam querimus appareat magis, & fa-  
 cilius dignoscatur. Cæli, & terra Rex, cum  
 mundum plurimorum errorum caligine obscu-  
 ratum cerneret, ita ut in eo omnes recte viuen-  
 di via laterent, misit unigenitum filium suum;  
 qui non solum ut lux disiceret ignorantie te-  
 nebras; ut magister salutaria precepta tra-  
 deret, ut seruus humani generis commodis  
 seruiret, ut medicus mortalium languores sa-  
 naret, consuleret demum modis omnibus salu-  
 ti animarum; pro quibus de cælo descenderat:  
 sed etiam eundem misit, ut Rex Ecclesiasticam  
 hierarchiam ad imaginem cælestis, cui Sanctis-  
 sima Trinitas presidet, constitueret; rempub.  
 Christianam pretioso suo sanguine fundaret,  
 mira-

*mirabili ordine disponderet, optimis legibus moderaretur, & sanctissimis Sacramentis nobilitaret. in qua multiplici gubernatione, cum non unius tantum hominis, sed multorum opera esset necessaria, cœtum Apostolorum sibi delegit, quorum ministerio in terris ad lucrandas animas, qui est Ecclesiastica hierarchia scopus, uteretur; è quibus unum reliquit Vicarium Beatissimum Apostolorum Principem Petrum, qui multo minus tantum onus, Angelicis etiam humeris formidandum, sine ministris, & consiliarijs sustinere voluit. Inde Apostolicum officium est ortum, atq; auctum. Inde Romani Pontifices Petri successores semper habuerunt, qui eis perpetuo assisterent, & quorum consilio Ecclesiam Dei administrarent, & qui socij tribulationum, eos in pastoralis orbis Christiani cura, adiuuerunt. Cum autem idem ipse Deus, cuius oculis omnia nuda, & aperta sunt, sciret fore, ut sanctam illam sedem columnam veritatis, & veræ religionis sacrarium, multi debita veneratione non prosequerentur, non pauci etiam partim odio, partim malitia eam conculcare conarentur; eius diuina prouidentia factum est: ut aliquot*

aliquot post annos Sanctissimo viro Syluestro Pontifice, Constantinus Imp. excellenti pietate, et heroicis virtutibus prestans, Ecclesiastica auctoritati, Imperatoriam potestatem adiunxerit. Urbem Romam, et multas alias ciuitates, et quàm plurima alia oppida sanctæ Ecclesiæ, Pontificibusq; Rom. Vicarijs Christi perpetuum suæ religionis testimonium donauerit; ut ea ratione Summi Pontificis auctoritas, ac maiestas fulciretur, et maiore in honore apud omnes haberetur. Unde crescente Ecclesiæ factum est, ut Romanum Pontificem varium ornatum in vestitu, et in adibus adhibere oportuerit: eius etiam coadiutores, et consiliarios Cardinales ad grauitatem, et auctoritatem retinendam, ad excipiendos hospites, qui ad sanctam Romanam Ecclesiam confugerent, ad alendam virtutem, ad fouenda bona ingenia, ad sustinendos varios Ecclesiastica administrationis labores; vitæ quoddam genus admittere expedierit. Quod etsi quibusdam ab Apostolica humilitate diuersum videri potuit: tamen creditibile est, viros illos, qui primi eam vitæ rationem instituerunt, magnam moderationem retinuisse,

se, & nunquam conditionis, & muneris sui oblitus, mutationemq; illam ab illis factam fuisse non tam voluntate, quam necessitate. Quam Ecclesiasticam hierarchiam, quem Christiana Reipub. statum ante oculos habens sanctus Bernardus ad Beatissimum Pont. Eugenium, quem praeipuo quodam amore dilexerat, scribens, sic Cardinalis formam delineauit. ut esset vir in catholica fide enutritus, non volens, nec currens, sed à Vicario Christi ad id munus vocatus, verecundus, praefer Deum nihil timens, nihil sperans nisi a Deo, compositis moribus, sanctimonia probatus, ad obediendum paratus, mansuetus, censura rigidus, in dispensatione fidelis, pacis studiosus, unitatis amator, in iudicando rectus, in consilio prouidus, in iubendo discretus, in disponendo industrius, in loquendo modestus, in aduersitate securus, in prosperitate deuotus; Zelum habens secundum scientiam, misericordia minime remissus, in otio non otiosus, in hospitio non dissolutus, in conuiuio non effusus, in cura rei familiaris non anxius, rei alienae minime cupidus, sua non prodigus; legationibus, & omnibus muneribus quando opus est, Vicarij Christi

Sti

*Sti iussu fungens, qui quod excusat, obstinatius non recusat, post aurum non it, sed Christum sequitur, Regibus cum interdum eos alloquitur, Ioannem, Aegyptijs, Moysen, fornicarijs Phineem, Heliam Idololatriis, Helisum auaris, Petrum mentientibus, negotiatoribus Christum se prabens, vulgus non spernens, sed docens, diuites non palpans, sed terrens, pauperes non grauans, sed fouens, minas principum non pauens, sed contemnens, vir orationis, orationi plus fidens, quàm industria vel labori: humilis cum humilibus, duos dure arguens, reddens retributionem superbis, non se nec suos ditans, relinquens pacem regnis, legem barbaris, quietem monasterijs, Ecclesijs ordinem, clericis disciplinam, Deo populum acceptabilem, sectatorem bonorum operum. Has sanctissimus Vir duxit lineas, quas si coloribus exprimere voluisset, pulcherrimam effinxisset Cardinalis figuram: sed hoc ipsi non erat propositum, per digressionem enim in egregio illo opere de consideratione Pontificia Eugenium paterno amore, et magna modestia monebat, non Cardinalis formam proponere habebat in animo. Rudis verò forma,*

B qua



quæ habita horum temporum ratione, formari cœpta est. aliquando expolienda hæc erat. Ut Cardinalis sit vir ex orbe Christiano à Vicario Christi Romano Pontifice selectus, et in sacrum collegium cooptatus, ut sibi perpetuò assistat, quemadmodum Christo antequam in cœlum ascenderet, & Petro antequam ad prædicandum mitterentur, assisterent Apostoli ut sustineat secum gravissimum onus, vir Angelicis moribus præditus, quatenus humana fert imbecillitas, qui charitate incensus ardet, ut unus de Seraphim in Ecclesia Dei, multiplici doctrina excultus, veluti unus de Cherubim in eadem domo Dei lucet, constantia animi confirmatus, ut Thronus iustitiam facit, & æquitatem, senator orbis, et urbis, libera dans consilia, in creando summo Pontifice, quæ est consultationum omnium maxima, Virum, quem putat optimum, & ad res agendas magis idoneum, pontificatum crucem existimantem, eligens. Pontificis frater, filius eiusdem, cor, & nobilissima portio, quotidianis precibus, sanctis sacrificijs, si est ad sacerdotium promotus, sin minus frequentia sanctissimorum Sacramentorum cum summo sacerdote interpellans  
ad

ad Dominum pro peccatis populi, in sacerdotalis officij munere coadiutor, Vicarij Christi, rerum Ecclesiasticarum peritus, iura Ecclesie defendens, Ecclesiam Dei assidue frequentans, ibiq; perpetui silentij, & eximia deuotionis exempla prebens; scelestæ nouitatis hostis perpetuus, depositi, et Apostolicarum traditionum custos, frater Regum & Principum, oppressorumq; hominum patronus, auaritia, & omnis impuritatis inimicus acerrimus; Pontificis oculus eiusdem auris, interdum etiam os, qui eloquentiam, nunquam à vera sapientia disiungit, nunquam utilitatem ab honestate separat, vera virtute delectatur, inanis gloria umbra non capitur: sic viuit, ut mortem non horreat, tam saepe mortem meditatur, ut splendorem Cardinalatus veluti vanitatis occasionem suspectum habeat; in maximis qui ipsi exhibentur honoribus est pauidus, domesticum tyrannum corpus obseruat, & domat precibus, & ieiunijs: Vrbe vero Roma egressus admirabilem grauitatem cum magna modestia coniunctam praefert, formam Urbis moribus suis referens, ad amorem sanctæ Sedis Apostolica omnes allicit, inuitat singulos ad luctum cala-

*mitosis his temporibus ; quibus Regum et Principum Christianorum discordia , formidabilis atque horribilis est populo Dei , Turcarum ferissima natio ; alienus ab omni vanitate , ad preces assidue fundendas , eos , cum quibus loquitur hortatur , Episcoporum bonis institutis fauet , Principes , quos alloquitur exemplo Imperatorum , Regum , & Principum ad religionem colendam , & sanctam Apostolicam sedem fouendam excitat . Si ad hereticos mittitur , aut cum eis necessario sermonem est habiturus , vite exemplo catholicam doctrinam , confirmans , humilitate potius , quam dignitatis splendore , sanctimonia quadam magis , quam acumine ingenij eos in sancta Matris Ecclesie gremium studet reducere ; paratus etiam falsam eorum doctrinam refellere sine ulla iactura , & ostentatione ; tam popularis est bonitas , vera virtuti ita fauet Dominus , ut Cardinalem illis moribus praditum heretici etiam diligant ei minime contradicant , obediunt potius . Vir est dilectus Deo , charus Christi Vicario , gratus sacro collegio , admirabilis Vrbi , orbi venerandus . Hic autem paret Rom. Pontifici Ecclesiastica hierarchia*  
*Prin-*

Principi, quemadmodum paruerunt Apostoli Christo, & Petro, sustinet omnia pro Dei gloria, his difficillimis temporibus non abiicit animum, sed orat pro populo Dei, consolatur se ipse, summum etiam Pontificem cum eum tristem videt, commemorans sanctam Matrem Ecclesiam in angustijs coarctari, non tamen debilitari, sed potius roborari, agitari procellis, non opprimi, oppugnari saepe non expugnari, quati tempestatibus, non frangi, concuti non euerti, cum diripitur ditari, cum vexatur illustrari, calumnijs fieri praestantiores, in martyrio triumphare, in miserijs esse beatam, quo magis impiorum tyrannide, & tyrannorum crudelitate, & saevitia oppressa fuit, eò magis esse propagatam, A Pharaonibus populū Israel nobilitatum, à Neronibus Ecclesiam Dei illustratam, saepe impugnata esse à iuventute sua, supra dorsum eius fabricare peccatores, Dominum autem concidisse ceruices eorum, confudisse qui oderunt eam, eosq; abysse retrorsum. Hac ratione misericordiam Dei summo Pontifici ante oculos ponit, et alacritatem à perfecta fide in Christo profectam, & Ecclesiae precibus nitentem praesefert. Idem  
chari-

charitate informatus, patientia nobilissima  
 virtute septus, varios Ecclesie casus, & sibi  
 illatas iniurias aequissimo animo fert, ea in re  
 Davidem hominem secundum cor Dei imi-  
 tans, ubi audit aliquem sibi detrachere, aut  
 etiam maledicere, alienus ab omni ultionis  
 cupiditate, conscientia fretus dicit delatori.  
 Sine. Dominus precipit ei, nimirum me ut  
 exerceat, me ut doceat. Interpretatur om-  
 nia meliorem in partem, nemini invidet, equa-  
 lium suorum laudes libenter commemorat,  
 suas virtutes celat, nullius gratiam simulatio-  
 ne, & dissimulatione aucupatur, non cupit  
 praponi alijs, non affectat laudationes, sed tan-  
 tum Dei gloriam querit, propriamq; & alio-  
 rum salutem ante oculos habet positam, fami-  
 liam suam paterno amore complectitur, eos,  
 qui cum eo sunt hortationibus, reprehensionibus,  
 exemplo in primis instituit, & meliores  
 conatur efficere, studet ut ex eius domo exeant  
 servi Dei, qui monasteria aliquando recreent,  
 aut Ecclesiam Dei aliquo in munere suis la-  
 boribus adiuvent, multiplici doctrina ornatus,  
 in primis eam tenet scientiam, quam Magi-  
 ster Magistrorum Christus Apostolos, quibus

ipse post multos annos successit, docuit; Epitomen nimirum pulcherrimarum rerum omnium, quas idem Christus Iesus tradidit. Scit se ipse contemnere, hoc est, quod tam difficile multum existimant, contemnit contemni, didicit mansuetudine nihil esse amabilius, vincere in bono malum esseobilem victoriam, nobilissimam se ipsum vincere: cognoscit quam laudabilis sit luctus, quam optabiles sint lacrimae, cum illis sordes animarum eluantur. Didicit sequendam iustitiam, ut mirabilis rerum ordo seruetur, ut pax, et tranquillitas alatur; misericordiam esse virtutem necessariam, cum miseriarum plena sint omnia, et omnes misericordia egeamus: mundiciam cordis ab omni dolo, et fallacijs alienam, novit esse omnibus honoribus antepponendam. Didicit quam bona sit pax, quandoquidem vere Christum imitantur, qui auctores pacis sunt, qui pacem habent, qui pacem quarunt, qui pacem persuadent. Novit quot bona ab inimicis capi possint, quanta commoda maledicentiae et calumniae afferant, cum doceant patientiam, humilitatem, cum imitatores Christi homines efficiat. cognoscit se esse debere sal terrae ut condiat

condiat orbem Christianum, lucem mundi ut ignorantia tenebras depellat : sibi ferendam crucem, quæ in audiendis importunis hominibus, in tractandis difficillimis causis, in perpetuis occupationibus, in coercendis vitijs, in extirpandis malis consuetudinibus, in ferendis peruersis ingenijs, consistit : idq; ut successorem se ostendat Apostolorum his elementis, cardinalitia, hoc est, Apostolica disciplina imbutus, historias legit multas præsertim Ecclesiasticas, ut senator orbis nihil tanquam nouum admirari videatur, quod pueris, et illis qui historias non legerunt, accidit. In sacris libris in iure canonico, in scholastica Theologia, aut saltem in aliquo earum facultatum studio diligenter versatur, ut fœdissima monstra quibus infestatur Ecclesia eijciat, ut quid ius præscribit optime cognoscat. Eius testimonio creantur Episcopi, dissidia multa tolluntur, eius opera virtuti debita dantur præmia, eius admonitionibus sæpe multi à vitijs deterrentur, ita ut aliqua ratione Angelus videatur esse in terris. Bona enim nuntiare, consolari, corrigere, in officio continere, Angelicæ naturæ est, quam Angelicam naturam vita puritate,



ritate, et perpetua castitate in primis imitatur. Senator orbis est, cum summus Pontifex, cui assistit sui regnorum, omniumq; administrationum interdum moderator, et arbiter, ab eoq; cum opus est, adhibeatur in consilium. Cum autem deprauetur consilium, et corrumpatur caco quodam, quo quis perdit se diligit, amore, aut inuidia, aut odio, aut timore, omnibus perturbationibus est vacuus, unum in primis Deum diligit, eiusq; amore cetera, quae amabilia videntur metitur, nihil timet nisi offensam Dei, rerum caducarum spe minime delinitus, vitam eternam sibi proponit in uno Deo omnes spes suas collocans. Cum verò Aristotelica illa distinctio rerum, quae in consultationem cadunt, quinque illis capitibus comprehensa, De vectigalibus, de praesidio militum, de annona, de bello, et pace, et de legibus ad administrationem etiam Ecclesiastica Reipub. accommodari possit, omnium, quae his capitibus continentur, est admodum peritus, quod quidem partim ex historijs, partim ex observatione rerum, quae singulis diebus eueniunt, consequitur, Vectigalia cognoscit, item praesidia Urbis, et Civitatum sedi Apostolica, subiecta-

C rum,

rum, quæ etiam in illis sunt militum turma,  
 iniquissimam pacem cum scelestissimo Sathane ministro Turca detestatur, & Christianos  
 Principes, ipsumq; in primis Christi Vicarium  
 ad fœdera inter se ineunda excitat, si debita  
 cautiones adhibeantur, si temere non suscipian-  
 tur bella, si concordia tam necessaria, tamq;  
 utilis Christiano populo prius stabiliatur. Con-  
 tra peruersarum opinionum disseminatores,  
 contra portenta hominum, tot monstra parien-  
 tia, nimirum hereticos bellum etiam excitat,  
 hortatur ad id Principes, omnes interea vias  
 proponit, quibus desertores filij in gremium,  
 aut potius, in castissimos matris amplexus re-  
 ducantur inter reliquias Christiani populi, qui  
 nec tyrannide oppressus Turcarum, nec labe  
 commaculatus haresum, sanctam matrem ve-  
 neratur Ecclesiam, omnino proponit, & miris  
 laudibus extollit, pacem optimarum artium,  
 aliricem, quietis, & lætitiæ sociam, charitatis  
 sobolem, & humana vitæ optimum condimen-  
 tum, leuib; de causis, ut plerunque miserrimis  
 his temporibus solet accidere, non esse  
 turbendam pacem ostendit Christianorum di-  
 scordijs, imò etiam quarundam familiarum  
 fastu,

fastu, magnas tragœdias excitatas, mutatas  
 administrationum formas, interdum ad tol-  
 lenda dissidia commemorat. Si charitate an-  
 nona pauperes opprimi videntur, vias indicat  
 re, & excogitare rationes conatur, quibus in  
 usum populi, ad Dei gloriam, et ad commen-  
 dationem illius administrationis vilior fiat.  
 Leges vero Ecclesiasticas aliquot voluminibus  
 comprehensas tenet, aut saltem earum praci-  
 pua capita habet in promptu: presertim ge-  
 neralia. Concilia in Spiritu Sancto congrega-  
 ta, postremum in primis hoc Tridentinum:  
 Ecclesia sancta Dei, & populo Christiano ad-  
 modum salutare. Legum omnium, & decre-  
 torum Ecclesiasticorum ita est observator, &  
 tam acris Conciliorum defensor, ut, quantum  
 in se est, nihil contra eorum decreta fieri per-  
 mittat, & si quid hac in re pratermissum  
 fuisse audierit, statim id summo Pontifici in-  
 dicat: cuius vacante sede cum electionem fie-  
 ri oporteat, qua (ut antea dictum est) omniū  
 consultationum est maxima; quandoquidem  
 cum de eligendo summo Pontifice agitur, agi-  
 tur de homine ad altissimum fastigium euehen-  
 do, de diuina homine ex multis deligendo; eo-

demq; tempore agitur de Dei gloria procuranda, & de Christiani populi salute. Qua in re quantum sit momenti testantur historia, cum multa in Ecclesia Dei progressiones facta sint, sanctorum Pontificum exemplo, & opera. Et cum interdum non optimorum quorundam Pontificum indulgentia nonnulla scandala in populo Dei sint orta, ita ut iure optimo bonus Pontifex salus populi Christiani dici possit. Cum inquam de summa Pontificis electionem fieri oporteat, si ulla in re, spe, timore, aut caco sui amore non perturbatur; in hac certe electione ab omni animi electione est liber: audit Sanctum Spiritum, qui suggerit semper optima consilia, praesertim in re tanta cum inuitat assiduis precibus, & sanctis sacrificijs. Deum solum in tanta consultatione ante oculos habet, non propria comoda, non magnam quam ante inierat cum aliquo amicitiam, non Principum aut Regum commendatitias literas; natura bonitatem spectat, Virum ad culmen Ecclesia vehere studet, qui gloriam Dei sibi in omnibus proponere sit solitus, sua minime quarat, qui a propinquorum tyrannide su liber, qui paterna chari-

tate pauperes amplectatur: minime subdolum,  
minime fallacem, usu rerum edoctum, ora-  
tioni in primis deditum, sanctissimis sacra-  
mentis veluti cibis se ipsum in hac valle la-  
crimarum sustentantem; literis excultum,  
minime iracundum, zelo tamen in hereticos,  
et in omni vitiorum genere contaminatos ho-  
mines incensum, Canonum, Concilij in primis  
Tridentini observantissimum; minime elatum,  
minime prodigum, modestiam imò potius hu-  
militatem Apostolicam ab omni furo alienam  
vultu, et sermone praefferentem. Pontifi-  
catum crucem putantem; quam crucem agno-  
uit, et tulit cum lacrimis beatissimus ille Pon-  
tifex, omnium Pontificum decus, et orna-  
mentum, Gregorius primus: qui de suo Pon-  
tificatu loquens his verbis usus est, sibi illa  
Davidis verba accommodans. Deiecisti dum  
alleuarentur: alio etiam versiculo suum ex-  
primebat dolorem. Percussus sum ut fenum  
et aruit cor meum, quia oblitus sum com-  
dere panem meum. Quae etsi verissima sunt,  
et Episcopi, Cardinales, multò magis sum-  
mi Pontifices, varietate negotiorum, suavita-  
te contemplationis, et colloquijs cum Deo pri-  
uantur,

uantur, eorum anima fessa ita arescunt, sape  
ut fons deuotionis in illis siccetur. Crucem  
tamen illam magnam ferat aliquis, nobilissi-  
mam illam regendi populi prouinciam susci-  
piat unus necesse est; in quo eligendo qui suis  
prospiceret commodis, aut qui debita diligen-  
tia non adhibita, temere quempiam ad tan-  
tum munus deligeret: aut Regibus, aut Prin-  
cipibus hac in re gratificari sibi proponeret:  
Is sanè non bonus senator, nec bonus uir ap-  
pellari posset. In valde necessario Inquisitio-  
nis officio, quod re et nomine est sanctum,  
aut interpretatione decretorum sacri Concilij  
Tridentini, aut in tractandis Episcoporum  
causis, aut in examinandis hæreticorum libris,  
aut in gerendis cum Regibus, et Principibus  
negotijs Cardinalis summum Pontificem ad-  
iuuat: à quo sape frater nominatur, quia do-  
mum Dei ipse etiam nititur augere, quia com-  
munes possessiones, sacrarum literarum veram  
interpretationem, Apostolicas traditiones, san-  
cta Ecclesia ritus, canonicas sanctiones tue-  
tur: omnia sancta sedis Apostolica iura defen-  
dit: quo fratris nomine eò magis gaudet, quo-  
niam Romanus Pontifex sacri senatus Prin-  
ceps



ceps nominatur. Hac ipsa fratris appellatio-  
ne inuitatus, modestia, & reuerentia adhibita  
sibi licere arbitratur, Vicarium Christi libere  
monere, si quid in administratione Ecclesia  
fieri contra decreta Conciliorum, aut etiam  
omitti animaduertit. Huius Apostolica, &  
fraterna libertatis exemplum reliquit sanctus  
Paulus, qui interdum beatissimum Apostolo-  
rum Principem primum Christi Vicarium,  
libere admodum monuit: amabilissimo filij no-  
mine, quo saepe à summo Pontifice Cardina-  
lis appellatur, ita afficitur, ut nihil magis fu-  
giat, & nulla ex re maiorem molestiam sen-  
tiat, quam in aliquo patrem omnium Christia-  
norum, Episcopum orbis, tristitia afficere, &  
maxime nititur, ne illa Malachia, Propheta  
verba à Christi Vicario iure interdum possint  
usurpari. Si ego Pater ubi est honor meus?  
et si ego Dominus ubi est timor meus? Qua-  
re studet maxime, ut ea quæ de filio sapien-  
te scribit Salomon, nimirum eum esse latitiam  
patris, in se conueniant, ita ut cum sit, et ha-  
beatur optimus Cardinalis, sit latitia Princi-  
pis. Idcirco in disciplina Ecclesiastica in dies  
magis proficit: peruersam illorum opinionem,  
qui



qui quotidianam missarum celebrationem improbant, aut certe non laudant; eorum etiam, qui frequentem usum sacramentorum, ut rem insolitam & nouam, repudiant; non admittit, imò potius in sanctissimo illo sacrificio Christi auxilium implorat; ut Vicarium suum interris dirigat, & sponsam suam dilectam tueatur. Eos, qui ad se veniunt, docet humilitatem; quo magis in excelsiore loco est constitutus, docet modestiam; de se ipso nunquam aut raro verba faciens; docet humanitatem, facilem aditum ad se omnibus prabens; docet contemptum mundi, docet calamitosum et lacrimabilem Ecclesiam statum; docet esse orandum sine intermissione, esse lugendum, esse poenitentiam, & sanctis operibus iustissimam Dei iram placandam; docet etiam publicis sermonibus Christiana vita rationem, praesertim in ea parochia, cuius titulo nominatur; eius enim fidei illa anima videntur creditae: frequentat magna cum alacritate Ecclesiam, diuinis officijs praesente summo Pontifice semper interest; Sacerdotis aut Diaconi quando opus est munere fungitur, qua in sacrosancta functione ita est exercitatus, ut qui adsunt in sui venerationem

tionem trahat. Si qui Principes, si qui nobiles viri ab aliquo iniuria affecti ad sedem Apostolicam veluti ad arbitram, & matrem confugiunt, ipse iustam eorum causam suscipit, & defendit; Viros innocentes subleuat, iniuriosos summi Pontificis auctoritate coercet, unâ cum summo Pontifice seruit commodis, et saluti populorum: E provincijs prauas consuetudines studet tollere, ciuitatibus proponit sanctos Episcopos parochijs, et alijs Ecclesiasticis muneribus idoneos sacerdotes nominat; Vixos bonos calumnijs oppressos, & varijs saepe litigijs vexatos tuetur. Cum verò communem matrem et magistram agnoscat, & veneretur Ecclesiam Dei, & communes hostes detestetur hereticos, sectas hereticorum, omnium omina cognitas habet, & in illis libris, qui scripti sunt contra hereticos libenter versatur: quorū cum magna sit copia, eos diligit, qui sunt magis probati, et qui breuius, et dilucidius hereticorum commenta refellunt; pugna est assuetus, portenta hominum hereticos scitiaculis confodere, qua in arte hoc seculo admodum necessaria, ut peritissimus euadat, scholasticorum, et Theologorum omnium libris de-  
D           lectatur,

lectatur, Beati Thomae in primis aurea illa, & admiranda summa, consuetudine etiam doctorum virorum in controuersijs dirimendis exercitatorum libenter utitur. Quod si, ut nonnulli ex sacro illo collegio fecerunt, & adhuc sunt qui magna cum laude id possunt facere, libros scribat populo Dei utiles, quibus haereses confutentur: amplissimo loco, quem in Ecclesia Dei tenet splendorem addit non minimum, & in hoc maxime Romani Pontificis frater, qui tanto studio eius auctoritate tuetur, & Sancta Ecclesia optimus filius, qui eius limites fortiter defendit, agnoscitur. Est praeterea custos depositi, et Apostolicarum traditionum ab omni nouitate, utpotè omnium seditionum, & variarum calamitatum in populo Dei altrice alienissimus. Locum qui à catholicis viris uberrime tractatur de Apostolicis traditionibus seruandis in promptu habet, & saepe commemorat. Custodiendum depositum, sacram vetustatem venerandam, patres nostros sequendos, qui Ecclesiam magistram, omnium errorum expultricem audierunt. Pro his traditionibus, pro sancta Ecclesia auctoritate, qua Christiana religio, perfecta

fecta sapientia in primis nititur, pro hac inquam sede Apostolica, pro illo deposito ad quod custodiendum sanctus Apostolus discipulum Timotheum hortatus est, sanguinem paratus est fundere. Rubrum illum pileum, quem capite gestat, non solum interioris suae in Deū, & proximum charitatis testem, sed etiam alacritatis ad effundendum sanguinem si opus sit pro tuenda sedis Apostolica dignitate, indicem affirmat: quos sanctos illos primorum Pontificum coadiutores fecisse legimus: quod Longobardorum etiam temporibus cum Vicarij Christi varijs iniurijs afficerentur non paucos fecisse constat; difficillimas legationes suscipientes, & magnis se periculis ut summo Pontifici obtemperarent, obycientes. eloquentia est amator, quam tamen nunquam a sapientia disjungit; est latinitatis observator, sed ab Ecclesiasticis vocibus non abhorrens ab omni verborum strepitu alienus, moderato, graui, & sententiarum potius copia abundante, quam verborum splendore, ornato sermone vititur: & in explicanda in Consistorio sententia suam prudentiam, grauitatem, & modestiam adhibet, quam decet orbis terra senatorem,

in tanto orbis senatu, & coram patre, qui vicem Christi gerit in terris. Quamobrem nec sibi placet in texendis longis sermonibus, nec Ciceronianum se esse profitetur, sed libere gra- uiter, modeste, dilucide, & verbis Ecclesiasti- cis explicat sententiam suam, qua laude ex- celluerunt aliqui proximis annis, duo in pri- mis, quorum alter alteri successit Pontifex, Marcellus nempe II. et Paulus IIII. quorū sententia, cum Cardinales essent, ut viri pro- batissimi testantur, veluti oracula aliquot an- norum spacio habebantur. Utilitatem ab ho- nestate non separat; quamobrem in sermoni- bus, & in actionibus suis honestatem semper habet propositam: Quod cum pietate, cum re- ligione coniunctum est, quod virtutes alit, quod à vitijs abhorret, id honestum ducit, id sequi- tur, id proponit: quod de vera pietate, de Apo- stolica sedis auctoritate vel minimum possit detrudere, id aduersatur, id fugit, id detesta- tur. Virtuti, qua nihil est formosius atque amabilius semper fauet, Viros bonos, & eru- ditos ad se inuitat, & veluti bonitatis, et do-ctrina explorator, si quempiam in Vrbe testi- monio, et commendatione sua egere cognoscit,

cum

eum Pontifici commendat, & in hoc iustitia  
legem maxime servat, cum ingenium inani  
familia Splendori, bonitatem commendatitijs  
litteris, assiduis etiam officijs, doctrinam omni-  
bus bonis externis anteponendam existimat.  
Qua ratione bonorum, et literatorum patro-  
nus, & quasi pater efficitur, & dum hac in  
re boni viri fungitur munere, fungitur etiam  
officio optimi senatoris, nihil laudabilius exi-  
stimans, quam ut virtuti sit locus. Perni-  
ciosa prudentia regulas fugit, de quibus lon-  
gum scribi posset volumen; ideo non fruitur  
utendis, non sibi nec alijs adulatur, non simu-  
lat, non probat illud nempe violandum ius  
regnandi causa: non diligit tanquam avarus,  
non querit semper quae sua sunt, se ipse studet  
cognoscere, innumerabilia Dei beneficia com-  
memorat, hanc vitam plenam arumnis, va-  
rijs periculis expositam non immoderate cu-  
pit protrahere, & quis sana mente prae-  
ditus id cupiat, cum ad peccandum tam proclives  
simus? cum pugnandum sit perpetuo cum acer-  
rimis inimicis Sathana, Mundo, Carne?  
quibus etiam difficilius resistunt, qui divitijs,  
& honoribus abundant. Quare illa ipsa in-  
signia



signia splendoris, quæ communi hominum opinionone magni fiunt, quibus omnes assurgunt, pro quibus consequendis tantum studium, tantamq; diligentiam pleriq; ponunt, ipse considerans, sic interdum secum loquatur. Nonne me cum his ornamentis, cum his titulis tres manent terra cubiti? an non etiam ipse hac lucis usura breui cariturus eò deducar ubi amplissimi etiam huius muneris rationem sum redditurus, daturusq; pœnas, si disciplinam, neglexero, eò grauiore, quo & illustrioribus beneficijs, & insigniore titulo ad omnem virtutem, et ad charitatem in primis Christi Vicarius me inuitarat? Quo pompa maiore, et nobiliore comitatu deducitur, eò diligentius ea considerat, quæ beatus Bernardus Eugenio Pontifici scripsit quid, quis, qualisue sit, et secum dicit, puluis, cinis, umbra, terra minima portio, quamuis tot tantisq; honoribus afficior, conditionis meæ obliuiscar? homo infirmum, dicam, an miserum potius animal? varijs peccatis obnoxius, quamuis me beatum multi iudicent, peccata mea, et aliorum non lugeam? addit, qualis denique sum? an ea quæ deberem charitate incensus, an consilia quæ mihi  
sug-



suggerit Spiritus Sanctus mihi ipsi, & alijs  
semper propono? dignus sum qui habeam pa-  
trem Vicarium Christi, ut à quo tam sepe dul-  
cissimo filij nomine appeller? Cum in Vatica-  
num multis deducantibus de more, & tibici-  
nibus etiam sonitu excipientibus venit, sic se-  
cum ipse commentatur. Deducant utinam  
me in sacrosanctum illum, & æternum sena-  
tum, in patriam cœlestem Angeli & Archian-  
geli Dei. Et cum antequam sacra celebren-  
tur veneratur summum Pontificem, erigit  
mentem, & sic secum ipse loquitur. Ut nunc  
verum Christi Vicarium veneror, ita sanctis-  
simam Trinitatem adorem in cœlis. Vir Dei  
his meditationibus se ipse erudiens non effertur,  
mortem meditatatur, quæ meditatio prodest  
plurimum ad animi moderationem retinen-  
dam. Cardinales, qui proximis annis ex hac  
vita migrarunt in memoriam reuocans repe-  
rit non paucos immatura morte præreptos.  
Summorum etiam Pontificum sepulchris &  
varijs mutationibus, quæ Roma paucorum  
annorum spatio sunt ad contemnendam vi-  
tam, & ad mortem expectandam eruditur.  
Quamobrem vita exitum expectat in tot ac  
tantis

*tantis rerum prosperitatibus pauet, ieiunijs, precibus, sanctis sacramentis, insidiosam corporis tyrannidem reprimi. Dilectus Deo, quia eius precepta custodit, quia ut ei pareat diligit proximum. Charus Pontifici, quia cum ipso seruit populo Dei, quia eum nunquam fallit, quia sancta sedis Apostolica dignitatem non propria commoda ante oculos habet. Gratus sacro collegio, quia sibi nihil tribuit, quia nemini se ipse praponit, quia nemini detrahit, quia de omnibus quantum in se est benemereri cogitat. Admirabilis urbi, quia non admiratur res humanas, quia celestem patriam spectat, quia perniciosum consiliarium mundum vana suadentem, vir varia eruditione, et multis virtutibus instructus non audit. Hunc veneratur orbis, quia virum sanctum, et plane Apostolicis moribus se esse ostendit, quia senatoria quadam gravitate singulos in sui amorem, et admirationem conuertit, quia ad Angelicam vitam, contemptis terrenis rebus proxime videtur accedere. De hoc audiuntur hæc voces. hic est vir Dei, hic gaudium Pontificis summi, utinam omnes sui ordinis huic essent similes.*  
hic

hic est lumen Ecclesie, & decus sedis Aposto-  
 lica: hic dignus qui suo tempore in terris vicem  
 gerat illius, quem nunc maxime diligit, et cu-  
 ius precepta seruat Christi. Adduntur etiam  
 hac. Dominus conseruet eum, et viuificet eū;  
 hunc virtutis patronum, et afflictorum homi-  
 num refugium, hunc illustrium virtutum exem-  
 plar diutissime incolumen habeamus. Jam  
 ad pulcherrimarum omnium formarum ar-  
 tificem confugiamus, & in absoluenda nobi-  
 lissima forma Ecclesiastica hierarchia admo-  
 dum necessaria eius auxilium imploremus.  
 Cœli et terra gubernator Deus, humani gene-  
 ris conseruator, & populi tui defensor, Pater  
 misericordiarum, et Deus totius consolationis,  
 qui filium tuum unigenitum Iesum Christum  
 legatum ad inimicos tuos, quorum inobedien-  
 tia & varijs peccatis ad iracundiam eras  
 prouocatus, misisti, ut pacem annuntiaret, ut  
 se exinaniret, & formam serui accipiens sua  
 seruitute Mundum à Sathana tyrannide li-  
 beraret, eundem Pastorem, ut gregem fame  
 verbi tui pereuntem, et inedia spiritualium  
 ciborum tuorum tabescentem pasceret, qui  
 eum misisti Speculatorem, ut a mundi illece-

E bris

bris animas ad imaginem & similitudinem,  
tuam creatas, tueretur : unde pastoralis ars  
nobilissima ortum duxit, in qua à nascentis  
Ecclesie tue principijs egregios multos discipu-  
los & sanctos pastores tuo sancto Spiritu in-  
struxisse, benignissime pater. cum eundem uni-  
genitum filium tuum Saluatorem nostrum,  
Regem etiam Ecclesiastica hierarchia tua con-  
stitueris, sacrum Collegium regendum populo  
tuo necessarium esse iudicaueris, concede quan-  
do ille idem filius tuus Saluator Mundi, pro-  
strato Sathana, deuicto Mundo, Cœli ianuis  
apertis, placata (quod miseriarum nostrarum  
erat caput) iustissima ira tua, ascendit in Cœ-  
lum, & nunc sedet ad dexteram tuam, con-  
cede, inquam, clementissime Cœli, et terra Rex,  
Ecclesie sponsæ filij tui, quam tanto precio  
redimendam iudicasti perpetuos ministros, qui  
nihil aliud, quàm honorem & gloriam nomi-  
nis tui ante oculos propositam habeant; longe  
semper absit ab Ecclesiastica hierarchia, à Re-  
gno tuo, inuictissime Rex, præsertim à sacro,  
quem constituit filius tuus, Senatu, ab illo sum-  
morum Pontificum seminario, omnis dolus,  
adulatio, rerum humanarum admiratio, regi-  
na

na omnium virtutum charitas adsit perpetuo,  
 nihil unquam eo in loco proponatur, nihil statuatur quod ad gloriam tuam non spectet: nemo sua quarat, sed tua, nemo perperam agat, sed secundum legem Evangelij filij tui, et secundum canones, quos sancta Mater Ecclesia, quam nunquam errare permittis, decernit. omnes consiliarij, quos adiuuare Vicarios eiusdem filij tui iussisti nouerint officium suum, intelligant sacram rem esse consilium, magnum esse theatrum, in quo constituti sunt: in consilijs te querant, in actionibus suis gloriam tui nominis spectent. Et cum pro tua providentia Vicarij Christi auctoritatem Imperatoria etiam potestate muniendam statueris, instrue Domine omnes Apostolorum successores, Romani Pontificis fratres et filios salutaribus documentis, ut se ipsi noscant, norint in rerum abundantia seruare paupertatem spiritus, sciant vitare inuidiam hominum, modestia & laboribus assiduis, consilio, auctoritate, atque opibus suis etiam inopum calamitatibus subueniant, presentem Reip. statum saepe considerent: in tot & tantis, qui ipsis exhibentur honoribus se ipsi obseruent, timeant,

maxime ne tuam maiestatem offendant: & omnibus rebus externis contemptis ad cœlestē senatum, ubi et Deus trinus, & unus praesides aspirent. Te etiam sacri Consistorij princeps, et primorum institutor Apostolorum, quibus ij qui in sacro Collegio sunt diuerso nomine successerunt, te, inquam, fili Dei sanctae Ecclesiae sponsae, qui interpellas perpetuò pro nobis Iesu Christe appello, grauissimis peccatis populi tui iterum atq; iterum prouocatus, interdum non optimis vicarijs, & non probatissimis eorundem consiliarijs, ut id iustissimae irae tuae esset indicium, eundem populum tuum punire voluisti, Vnde varia calamitates Christiano orbi euenerunt cum iam in spem adductissimus aliqua ex parte iustissimam iram tuam esse mitigatam, conserva nobis diuissime hunc Pontificem, quem habemus Gregorium XIII. fidelissimum seruum tuum, & benignissimum orbis Christiani patrem. Cum autem illum ad cælum vocaueris, da populo tuo ei, & proximis Pontificibus similes. Idem studium, idem zelus, eadem diligentia, eadem charitas sit perpetuò in successoribus Petri, qua antea fuit in Leonibus, in Gregorijs, in

Pys



Pijs & in alijs sanctissimis Pontificibus, quorum nomina scripta sunt in Cælo. Tu bone Iesu Magister orbis, humani generis Saluator, qui solus pacem pro nobis impetrare potuisti, Apostolis tuis dixisti. Vos qui secuti estis me, in regeneratione cum sederit filius hominis in sede maiestatis sue, sedebitis & vos super sedes iudicantes duodecim Tribus Israel, & omnis qui reliquerit domum, vel fratres, vel filios, aut agros propter nomen meum centuplum accipiet, & vitam æternam possidebit. Et paulo post. Scitis quia Principes gentium dominantur eorum, & qui maiores sunt potestatem exercent in eos, non ita erit inter vos, sed qui voluerit inter vos maior fieri sit vester minister, & qui voluerit inter vos primus esse erit vester seruus: sicut filius hominis venit non ministrari, sed ministrare, & dare animam suam in redemptionem pro multis. Hæc in animis illorum qui Vicarijs tuis semper assistunt, Apostolorum successores semper hæcant verba, sequantur te Christe in omnibus; ut quemadmodum nunc veluti sacerdotes Leuitici generis iudicant in rebus spiritualibus orbem; ita in aduentu tuo iudicent



cent duodecim Tribus Israel. Domum tuam, relicta propria domo Domine sanctam Ecclesiam ornent, Beatissimo Christianorum omnium Patri in primis obtemperent, cum nunquam tristitia afficiant. Sacerdotes bonos, probos etiam viros fratrum loco habeant, pauperes paterno amore complectantur, centuplum accipiant, & aeterna demum vita perfruantur. Non dominantes in clero, sed forma facti gregis, sint forma humilitatis, forma sobrietatis, forma charitatis, forma Ecclesiasticae discipline, ministrantes Regum, Principum, Prouinciarum, Ciuitatum, oppidorum saluti, oppressos, viduas in primis, & pupillos subleuantes, & gloriam tuam Rex aeternae assidue procurantes, ut eorum pietate, & sanctimonia excitata Germania, Anglia, et aliae Prouinciae, quae infeliciter nimium à sponsa tua diuulsa sunt, in eiusdem castissimos amplexus redeant. Sit sacrum Consistorium exemplar sanctitatis, sit stimulus ad Ecclesiasticam disciplinam, sit speculum probitatis, sit flagellum haeticorum, sit impiorum confusio, cum summa reuerentia quae merito ei exhibetur, coniunctus sit amor populi tui. Tu Domine Li-  
num

num et Cletum, tu Clementem ei, quem Principem Apostolorum constituisti Petro coadiutores dedisti. Tu Pontificibus bonos ministros semper elegisti, tu ubi coadiutores Vicary tui Cardinales appellari cœperunt, Bonaventuras, Vgonēs, Cusanes, Egidios, Turrecrematos, Caietanos, Rossenses, & alios quam plurimos eximios viros Ecclesie tue dedisti, ornasti, & iam his temporibus sacrum illud Collegium viris in omni laudum genere prestantibus: Fac Domine ut nunc decorem Ecclesie tue videant, qui eam conculcare conantur, ut confundantur, & reuereantur qui querunt ei mala, qui detrahunt, qui omnia in deteriorem partem interpretantur, qui Urbem Romam, ea qua deberent pietate non complectuntur, qui cum habeant oculos nolunt videre, cum habeant aures nolunt audire mirabilia, quæ operatus es Domine in illa Vrbe. Conuerte Domine furentes homines, et conuertentur, adiuua eorum infirmitatem, amoue ab eorum cordibus duriciam, ametur sponsa tua, eius voces audiantur, quia si auditæ fuerint, audieris et tu, et precepta tua seruabuntur; orietur pax, tranquillitas, concordia, & multis, & varijs perturba-

turbationibus, & calamitatibus populus tuus liberabitur.

Hæc est rudis Cardinalis forma, quam anno sanctissimi Jubilei in reditu ab Vrbe Roma ad propria, ut viro Dei obtemperarem, effinxi. expoliat, qui ad eam me delineandam est hortatus. Forma valde rudis est, politissimo artifice est opus, qui pulchris eam exprimat coloribus.

**F I N I S.**







